

吳詩集覽

冊七



吳詩集覽卷十三上

黎城靳榮藩介人輯

七言律詩三之上

恭紀

聖駕幸南海子遇雪大獵〔畿輔通志〕南海子在外城永定門外物產充初為遊獵之地元曰飛放泊明永樂

中擴其地木朝因之時命禁旅行圍以肄武事自此以後為梅村官本朝時詩

君王羽獵近長安龍雀刀鑲七寶鞍立馬山川千騎擁賜錢父老萬

人看〔原註〕張鑣霜林白鹿開金彈春酒黃羊進玉盤不向回中逢大雪

無因知道外邊寒近長安二字最佳見非遠地也三四在大獵以前五六在既獵以後回中與近長安相應○揚子雲

有羽獵賦〔史記司馬相如傳注〕郭璞曰飛廉龍雀也刀為龍雀大鑲號曰大夏龍雀〔天寶遺事〕唐明皇在蜀以七寶鞍賜張后李

泌請分賜將士〔杜詩〕花邊立馬簇金鞍〔又〕千騎擁覽旌〔南史梁武帝紀〕少長數千人各賚錢一千霜林見送孫令修〔上

林賦〕轉白鹿捷狡兔〔李義山詩〕不收金彈拋林外〔詩〕為此春酒黃羊見雪中遇獵玉盤見海戶曲〔後漢書郡國志〕右扶風

有回城名曰回中〔一統志〕回中宮在鳳翔府隴州西北百四十里〔漢武帝瓠子歌〕不封禪兮安知外〔吳子華詩〕無人知道外邊

寒

陸雲士曰旨原夏諺調合唐音有調有規最為得體教忠堂評頌揚中不失箴規此惟唐人有之

聞撤織造志喜

江南通志蘇州織造始於順治三年兼督蘇杭至十三年歸併一局遂止管蘇州織造事務

子瞻喜雨亭記亭以兩名志喜也

春日柔桑士女歌東南杼軸待如何千金織綺花成市萬歲迴文月

滿梭 恩詔只今憐赤子貢船從此罷黃河尚方玉帛年來感早見

西川濯錦多

前半首是織造後半首是撤字末二句頌中有規詩家得身分處○詩爰求柔桑又小東大東杼軸其

空嘉禾張惟亦詩杼軸東南民力盡己詩花市香飄漠漠風

程迓亭曰織綺見織婦詞一韋端

有卍字回文取萬歲意

都賦注一譙周益州志云成都織錦既成濯於江水其文分明勝於

初成他水濯之不如江水也

上駐驛南苑閱武行蒐禮召廷臣恭視賜宴行宮賦五七言律詩五

七言絕句每體一首應

制左傳隱五年春蒐敦梁傳春制曰田秋曰蒐高澹人扈從西

巡日錄一南海子春蒐冬狩巡幸以講武事也

露臺吹角九天聞射獵黃山散馬羣練甲曉懸千鏡日翠旗晴轉一

鞭雲奇鷹出架瓊弓動

集作雕非新免登盤玉饌分最是小臣慚獻賦屬

車叨奉羽林軍仿初唐應制諸作三四工鍊○王詩漢主離宮接露臺吹角見松山哀漢書郊祀志注九天者謂中

央鈞天東方蒼天東北旻天北方玄天西北幽天西方皓天西南朱天南方炎天東南陽天也賈誼論時政疏夫射獵之娛黃山見

海戶曲韓非子秦得韓之都而驅其練甲史記李斯傳建翠鳳之旂鞭見臨淮老妓行奇鷹見雪中遇獵唐太宗詩瑊

弓寫明月陸務觀詩迎霜新兔美玉鏤見膾殘漢書揚雄傳一從上甘泉還奏甘泉賦以諷屬車見讚佛詩注羽林見維陽

行

送無錫堵伊令之官歷城一統志無錫縣在常州府東南九十里又濟南府歷城縣附郭常

州府志一順治丁亥進士堵廷棻無錫人歷城知縣

攬轡朱輪起壯圖遺民喜得管夷吾城荒戶少三男子各重人看五

大夫畫就煙雲連泰岱詩成書札滿江湖茶經水傳平生事第二泉

如釣突無三四工妙以從歷城生情也結有別趣以其兼點無錫也後漢書范滂傳登車攬轡慨然有澄清天下之志戰

國策一乘朱輪華轂馳驅燕趙郊杜詩曹公屈壯圖晉書溫嶠傳一及見王導共談歡然曰江左有管夷吾吾復何慮城荒見

曉寒吟眺史記蘇秦傳臨淄之中七萬戶臣竊度之不下戶三男子三國志呂布傳元龍名重天下許觀東齋記事五大夫蓋

秦爵之第九級如曹參賜爵七大夫遷為五大夫是也按此兼用秦皇封松事詳松化石杜詩浮雲連海岱古詩遺我一書

札茶經水傳見壽陸孟曼第二一泉詳惠山二泉亭酌突見酌突泉

元夕

珍做宋版印

諸王花萼奉宸游清路千門照夜騶長信玉杯簪戴勝昭陽銀燭擘

筥篋傳柑曲裏啼鶯到爆竹光中戰馬收却憶征南人望月金閨燈

火別離愁前半月極寫元夕之盛五六平轉結句藹然仁人之言望月燈火不脫題面○明皇十七事上性友愛及即位立

樓於宮之西南垣署曰華萼相輝王詩不是宸遊玩物華一司馬相如傳且夫清道而後行中路而後馳史記孝武紀作建章

宮廣為千門萬戶明皇雜錄上所乘馬有玉花驄照夜白一漢書百官表長信少府以太后所居宮為名也又文帝紀十六年

秋九月得玉杯刻曰人主延壽山海經崑崙之丘有人戴勝名曰西王母昭陽見讚佛詩顧希馮舞影賦列銀燭兮蘭房一宋書

樂志一空侯初名坎侯漢武帝祠太一后土用樂令樂人侯暉依琴作坎侯言其坎坎應節奏也侯者因工人姓爾後言空訛也一蘇

詩一歸來一盞殘燈在猶有傳柑遺細君注侍飲樓上則貴戚爭以黃柑遺近臣謂之傳柑聽攜以歸蓋故事也一韋應物詩啼鶯相

喚亦可聽一荆楚歲時記正月一日雞鳴而起先於庭前爆竹以辟山獠惡鬼戰馬見雁門尚書行征南見贈雪航補注李詩卷

帷望月空長嘆一按謝元暉詩既通金閨籍文通別賦金閨之諸彥皆指金馬門也自唐以後始借用為閨閣字王少伯詩無那金

閨萬里愁

讀魏石生懷古詩

一畿輔通志魏裔介字石生柏鄉人順治丙戌進士歷官吏部尚書大學士一魏石生兼

濟堂年譜一補工科給事又補吏科陞兵都擢憲副

一按詩中有真諫議語當在石生為給諫時作也

長安雪後客心孤畫省論文折簡呼家近叢臺推意氣山開全趙見

平蕪憂時危論書千卷懷古高歌酒百壺自是漢廷真諫議蕭王陌

上賦東都從讀字起三四石生邑里五六懷古詩也結到諫議用意周到然皆一氣貫注不同泛砌○皇甫茂政詩長安雪

後見歸鴻心孤見蓉清湖畫省見弔衛紫岫折簡見寄當事諸老

李義山詩家近紅蕖曲水濱叢臺見永和宮詞盧九言詩

春日衆山開高達夫詩全趙對平蕪漢書息夫躬傳躬待詔

數危言高論懷古見讀鄭世子傳補注清酒百壺史記

田叔傳漢廷臣無能出其右者唐書蕭鈞傳永徽中累遷諫議大夫帝曰真諫議也後漢書光武帝紀更始二年五月遣侍御

史持節立光武為蕭王建武元年光武命有司設壇場於鄗南千秋

亭王成陌注其地在今趙州柏鄉縣一統志鄗縣故城在柏鄉

縣北俗名王莽城班孟堅有東都賦

魏石生和韵載兼濟堂集

送永城吳令之任一統志永城縣在歸德府東南一百八十

里高仲偕曰河南通志永城知縣吳熠江

南宜興人貢士

順治十一年任

春風驛樹早聞鶯馬過梁園候吏迎山縣尹來三月雨人家兵後十

年畊鴉啼粉堞河依岸草沒旗亭路入城曾見官軍收賊壘時清今

已重儒生三四名雋餘亦雅令○杜詩驛樹出城來梁園見東

臯歌後漢書王霸傳候吏果妄語也○杜詩山縣早

吳詩集覽卷十三上

中華書局聚

休市〔虞伯生詩〕一徑綠陰三月雨〔禮〕九年咍必有二年之食〔秦少

一按〕詩意蓋兼用左傳哀九年越十年生聚十年教訓語〔統志〕舊

游詩一落紅滿地乳鴉啼〔梁簡文帝詩〕平江含粉堞〔統志〕諸

黃河在歸德府境者有三一在商丘縣北三十里合賈魯河沁河諸

水流入虞城縣北又流入夏邑縣北又流入永城縣東入碭山界又

小黃河在永城縣北二十里上承白河自夏邑縣流入又東入江南

宿州界達淮〔褚先生二代表〕臣為郎時與

方士考功會旂亭下〔注〕旂亭市樓也〔杜有喜聞官軍已臨賊境

詩清時見贈馮訥生〔史記叔孫通傳〕諸弟子

儒生隨臣久矣〔劉文房詩〕青袍今已誤儒生

送安慶朱司李之任〔大清一統志〕安慶府在安徽布政使司西南六百一十五里〔管子〕臯陶為李

〔字典〕司理刑官亦稱司李〔袁子才曰〕此為夏朔朱子作夏朔名建寅崇禎癸酉舉于南京與歷陽合肥同年十年同

榜應指此

到官春水畫橈輕天柱峯高即郡城百里殘黎半商賈十年同榜盡

公卿雞豚塢壁山中稅鼓角帆檣江上兵亂後莫言無吏治此方朱

邑最知名〔結句〕最佳〔范德機詩〕沂盡夷江未到官〔別賦〕春水

皖山在安慶府潛山縣西北〔寰宇記〕潛山在懷寧縣西北二十里

高三千七百丈周二百五十里山有三峯一曰天柱山一曰潛山一

曰皖山道家以為第十四洞天柱司元之天〔同榜〕見過姜給事

〔後漢書樊準傳〕修理塢壁威名大行〔又公孫贊傳〕鼓角鳴

于地中帆檣見海溢〔史記酷吏傳序〕吏治蒸蒸不至于姦漢書朱邑傳一字仲鄉廬江舒人少時為舒桐鄉嗇夫廉平不苛遷

北海太守以治行第一入為大司農

按邑傳我故為桐鄉吏其民愛我必葬我桐鄉云云一統志朱邑墓在安慶府桐城縣西二十里寰宇記朱邑祠堂在桐城縣蓋桐城為春秋時桐國漢置椌陽縣今浙江嘉興府桐鄉縣本漢由拳縣邑傳所云乃安慶之桐鄉非浙之桐鄉也梅村蓋合其地與姓之用

送彥遠南還河渚

匹馬春風返故林松杉書屋晝陰陰猿愁客倦晨投果鶴喜人歸夜

聽琴我有田廬難共隱君今朋友獨何心還家早便更名姓只恐青

山尚未深此與五古題河渚圖同時作猿鳥不我與梅村曾以自咏三四蓋翻用其意結句從五六翻進一層是自悲語非相

嘲語也細翫自見○李詩落花辭條差故林松杉見後東臯歌書屋見題志衍畫王詩陰陰夏木轉黃鸝五言書潘岳傳投之

以果遂滿車而歸皮襲美詩野猿偷果重窺戶王仲謀詩夜鶴聽琴依蕙帳田廬見啁周子傲何心見廢繁更名姓見避

亂一退之入幸相書彼惟恐入山之不深

五言登高見遺廟頽垣竄鼯鼠悲歌因臥病歸心入春雨則彥遠蓋逸民之流睹前代陵墓而歸老者而此詩又以入山未深危之想見道義相勗處然彥遠終老湖上而梅村竟有入山未深之悔人之遇合亦曷可道哉

江上盧允言詩更堪江上鼓鼙聲杭州府志順治十六年

吳詩集覽卷十三上王師剿海遂營於江精華錄訓纂順

四一中華書局聚

治十六年六月海寇鄭成功陷鎮江知府戴可進等六員副將高謙等十四員皆失身從逆鎮江在籍摺紳吏部郎中張

九徵御史管重光當可進定謀迎賊時奮突力爭不得及城破乃遜張如裁曰順治十四年梅村已歸里矣此詩編次

在京時與十六年鄭寇陷鎮江不合蓋海賊屢犯鎮江至己亥鎮江乃陷耳此當是順治十三年總督即廷佐捍寇時作

否則編次之誤也

鐵馬新林戰鼓休十年軍府笑諮謀但虞莊躋爭南郡不信孫恩到

蔡洲集作非江過濡須誰築壘潮通滬瀆總安流原註滬瀆在今上海蘆花一

夜西風起兩點金焦萬里愁此首與七夕感事詞意相似○李襲吉諭梁書一

林見讀史雜感戰鼓見斬王墓軍府見彈琴歌詩周爰咨謀張如裁曰一宋書百官志晉元帝為鎮東大將軍及丞相其參軍則有

諮議參軍晉江左初置因軍諮祭酒也莊躋見哭志行一史記秦本紀一秦昭襄王二十九年大良造白起攻楚取郢為南郡一括地

志一郢城在荊州江陵縣東北孫恩見白洋河廣輿記蔡洲在江寧府西江中劉宋高祖破盧循處吳志建安十六年權取秣

陵為建業聞曹公將來侵作濡須塢一統志濡須塢在廬州府無為州東北五十里又滬瀆在松江府上海縣東北松江下流也

云百書孫恩傳袁山松築扈瀆壘沿海備恩明年恩轉寇扈瀆害袁山松仍浮海向京口陷廣陵復沿海還南劉裕亦尋海要截復大破

恩于扈瀆楚辭使江水兮安流蘆花見送杜毀武一明史五行志一朝西風起金焦見贈蒼雪萬里愁見圓圓曲

送顧菴來典試東粵梅村顧母施太恭人壽序吏部考功郎顧君菴來天下精疆開濟駿雄闊達之君

子也舉進士十年才二十餘起家廷評銜天子之命以取士於嶺表五管號稱得人蘇州府志吳縣顧贇舊來順治

六年己丑進士

客路梅花嶺外飄江山才調屬車招石成文字兵須定珠出風雷瘴

自消使者干旌開五管諸生禮樂化三苗憑君寄語征南將誰勒炎

天銅柱標句句切典試東粵結更所見者大所謂高處立闊處行也

宮庚寅奔梧州丙申遷雲南己亥入緬甸征南當指征由榔時一又

亦曰梅嶺見嘆工字彥隋書許善心傳才調極高屬車見南苑

得石讖有古篆十六其文人人有一山山值牛免絲吞骨蓋海承劉

解者曰人人有一大人也山山出也值牛者龔建漢國歲在丑也免

絲者龔龔位歲在卯也吞骨者滅諸弟也越人以天水為蓋海指皇

朝國姓也承劉者言受劉氏降也按吳志孫皓天璽元年歷陽山

石文理成字唐書五行志貞觀十七年涼州昌松縣有石青質白文

成字太宗遣使祭之曰天有成命表瑞貞石文字昭然曆數惟永而

此詩用劉龔為切後漢書子孟嘗傳遷合浦太守郡不產穀實而

海出珠寶與交趾比境先時宰守并多貪穢詭人探求不知紀極珠

遂漸徙於交趾郡界嘗到官革易前做求民利病曾未踰歲去珠復

還一統志蠻家自云海中珠池若城郭然其中光怪不可嚮邇常

有怪物護持按石成句言奇文欣賞珠出句言海無遺珠皆用東

粵故事而以兵須定璋自銷映合時事也珠出風雷即怪物護持意

詩子子干旌舊唐書地理志嶺南道五管廣州中都督府桂

州下都督府邕州下都督府容州下都督府安南都督府諸生見

題凌烟圖書分北三苗 岑參詩憑君傳語報平安後漢書

岑彭傳一遷征南大將軍 孔文舉詩赫赫炎天路居易錄馬

伏波銅柱一在憑祥州思明府南界 一在欽州分茅嶺交趾東界又

於林邑北岸立三銅柱為海界林邑南立五銅柱為山界杜詩迴

首扶桑
銅柱標

書三危既宅三苗不敘水經三危山在敦煌縣南一統志三危山

在安西廳沙州衛東南按安西隸甘肅而此詩用之于東粵者史

記吳起傳三苗氏左洞庭右彭蠡一統志湖南岳州府古為三苗

國地秦為長沙郡通典長沙衡陽皆古三苗國湖南與廣東接壤

故梅村用之耳三苗不敘在竄三苗於三危之後非三苗之舊居也

送李書雲蔡閔培典試西川揚州府志李宗孔字書雲江都

人順治丁亥進士由部郎授御史

改給事中晉大理少卿一程
迓亭曰一蔡閔培名瓊枝

柳陌征衫錦帶鉤 詔書西去馬卿游棧縈秦嶺千盤細水落巴江

萬里流兵火才人羈旅合山川奇字亂離搜莫愁沃野猶難問取得

揚雄勝益州首句是送字次句典試西川三四是西川途中所見五

前首同妙○盧昇之詩寒辭楊柳陌李平甫詩征衫八月風鮑

詩一錦帶佩吳鉤 第二句見送志衍入蜀李詩芳樹籠秦棧

一統志秦嶺在咸寧藍田二縣南蘇詩蜀道走千盤杜詩
水落魚龍夜一統志巴江源出陝西南鄭縣南之大巴嶺南流入
四川保寧府界左太冲詩濯足萬里流 兵火見馮南廂園叟羈
旅見二十五日詩 奇字見行路難三國志諸葛亮傳益州沃

野千里漢書揚雄傳字子雲蜀郡成都人也益州見巫峽

晉書百鑿齒傳晉氏平吳利在二陸按第八句用其意

簪雲樓雜記蜀試始辛卯主司駐保寧時士子二百餘適有亭溪

之警當路亟欲竣事二三場并日而就解額七十二人按順治八

年梅村尚未入都卽汪鈍翁郝公墓誌所謂監省試於保寧者

也此首在梅村官本朝時當爲順治十一年甲午時全蜀尚有

未靖而劉文秀等大亂之後應試者

不皆士著之人後四句可謂語妙

送山東耿中丞青藜中丞見東臯草堂歌山東通志巡撫都

御史耿焯奉天人順治十一年由本布政

使陞

任

三經持節領諸侯好時家風指顧收岱頂磨崖看出日海邊吹角對

清秋幕中壯士爭超距稷下高賢共唱酬北道主人東郡守丹青剖

策本營丘多從山東着筆杜詩主恩前後二持節漢書王嘉傳一今之郡守重於古諸侯後漢書耿弇傳建武二

年更封好時侯家風見送杜殺武東都賦指顧倏忽杜望岳

詩一岱宗夫如何又會當凌絕頂磨崖見突志衍看日出詳東萊

行二統志山東東據海自登州以南皆岬大海自萊州以東則

曰渤海吹角見松山哀清秋見贈家侍御壯士見雁門尚書行

新序一楚丘先生年七十見孟嘗君將使我投石而超距乎臣已老

矣使吾止出辭以當諸侯吾始壯也稷下見送施愚山淮南子

高賢稱譽己李有中詩詩惟互唱酬後漢書耿弇傳光武指

弇曰是我北道主人也漢書地理志東郡秦置縣二十一張如

我曰一丹青謂圖畫于雲臺也釋名策書教

令于上所驅策于下也營丘見送詹司理

吳詩集覽

卷十三上

六

中華書局聚

六

送友人之淮安管餉

〔一統志〕淮安府在江蘇布政使司西北七百五十里

珍做宋版印

高牙鼓角雁飛天估舶千帆落照懸使者自徵滄海粟將軍輒費水

衡錢中原河患魚龍窟江左官租梗稻年聞道故鄉烽火急淮南幾

日下樓船

通首切定管餉結句點明淮安○〔潘安仁詩〕高牙乃建鼓角見送朱司李〔周美成汴都賦〕官艘賈舶千帆見

送遠圖

〔梁簡文帝詩〕落照度空窗〔赤壁賦〕渺滄海之一粟〔漢書宣帝紀〕以水衡錢為平陵徙民起第宅〔注〕水衡天子私藏

〔韓詩〕官租日輸納〔蜀都賦〕稷稻漠漠故鄉見贈吳雪航烽火

見閬州行淮南見過淮陰有感樓船見董山兒

送隴右道吳贊皇之任

〔甘肅通志〕隴右道吳臣輔直隸蠡縣人順治十二年任〔畿輔通志〕崇禎癸

未科進士吳臣輔副使

笳鼓千人度隴頭使君斜控紫驂騮城高赤坂魚鹽塞日落黃河鳥

鼠秋移檄北庭收屬國閱兵西海取封侯請傾百斛葡萄酒玉笛關

山緩帶游

通首切定隴右控騮緩帶起結相應○笳鼓見送李秀州〔三秦記〕隴頭流水鳴聲幽咽〔古樂府〕使君從南來

五馬立踟躕

〔朱子詩傳〕止馬曰控紫驂見馬草行〔一統志〕慶山在漢中府城固縣北三十五里峯頂有烽埃遺址西南二里有赤

土坡其土色赭周圍十五里亦名赤坂一又于榆林府引漢書地理志一上郡龜茲縣有鹽官〔延綏志〕有碎金驛馬湖峪鹽在魚河堡

其鹽以人力煎熬而成又入大鹽池在衛西接寧夏界又有長鹽池
紅鹽池西紅鹽池鍋底池狗池
〔一〕統志黃河自西番經歸德所

北又東經河州又東經蘭州北至金縣又北入鞏昌府靖遠縣界鳥
鼠山在渭源縣西〔杜詩〕山空鳥鼠秋
〔史記南越傳〕尉佗移檄

告橫浦陽山隍雞關自立為南越武王〔杜詩〕月過北庭寒
〔漢書宣帝紀〕置金城屬國以處降羌
閱兵見送李秀州〔一〕統志青

海北至肅州安西鎮王莽時始置西海郡隋大業五年置西海河源
等郡〔史記衛將軍傳〕官至封侯
百斛見葡萄葡萄酒見行路難

〔王少伯詩〕更吹羌笛
關山月緩帶見送何省齋

宋玉叔道上見除日吳贊皇擢莊浪副憲吳由鞏昌守道調鹽書
飛下古涼州旌節還為出塞遊見說使星如弱水一生只解向西

流

恭遇

聖節次安丘劉相國韻〔一〕統志安丘縣在青州府城東南一百六
十里〔山東通志〕崇禎元年戊辰科進士劉

正宗安丘入大學士
〔安丘曹良夢〕
稱曰一正宗字憲石順治間大學士

興慶樓前捧玉觴金張岐薛儼分行龍生大漠雲方起河出崑崙日

正長節過放燈開禁苑春將射柳幸平陽燕公上壽天顏喜親定

甘泉賜宴章似唐人應制詩三四北賦更工
〔一〕統志興慶宮在

觴金張見行路難
〔三元詩〕百官隊仗避岐薛
〔杜詩〕雲鬢儼分行
〔王詩〕大漠孤烟直
〔易〕雲從龍
〔漢書〕張騫傳贊
禹本紀言

河出崑崙崑崙高二千五百里餘日月相避隱為光明也潛夫論化國之日舒以長宋史禮志政和三年正月詔放燈五日禁苑

見退谷歌金史禮志金因遼舊俗以重五日行射柳擊毬之戲史記外戚世家王太后長女號曰平陽公主武帝祓霸上還過主

從封禪還坐明堂羣臣更上壽杜詩天顏有喜近臣知甘泉見

送何省齋北史韋師傳於臥內賜宴按唐人多待宴應制詩

朝日壇次韻畿輔通志朝日壇在朝陽門外西向每年春分祭遇甲丙戊庚壬年親祭餘年遣大臣攝祭

曉日曛曛萬象鋪六龍銜燭下平蕪石壇燿火燔元牡露掌華漿飲

渴烏不夜城傳宣夜漏王宮朝奉竹宮符即今東汜西崑處盡入銅

壺倒景殊詩與題稱藻不妄抒○楊大年詩初日曛曛艷屋梁萬象見蓉清湖注易時乘六龍以御天山海經天不足

西北無陰陽故有龍銜燭以照天平蕪見西田詩其二漢書郊祀志石壇仙人祠瘞鸞路駢駒寓龍馬按封禪書通權火素隱

權如字音權周禮有司權燿火官庚詩露掌定高雲杜詩味如甘露漿後漢書張讓傳作翻車渴烏用灑南北郊路以省百

姓灑道之費注渴烏為曲筒以氣飲水上也齊地記古有日夜出見於東萊故萊子立此城以不夜為名晉書天文志古之談

天者二家蔡邕言宣夜無師法周禮挈壺氏世土挈壺水以為漏禮記王宮祭日也注祭日壇曰王宮竹宮見東萊行一天

問出自賜谷次于濛汜陸士龍詩聲播東汜響溢南雲王無功詩一心疑遊北極望似陟西崑銅壺見觀象臺倒景見海市

李退菴侍御奉使湖南從兵間探衡山洞壑諸勝歸省還吳詩

以送之

周櫟園結隣集李敬字聖一一守浪菴江南江寧人

舊說聖一江南六合人順治丁亥進士官刑部侍郎一

按一統志聖一六合人授行人擢御史出按湖廣請免租

稅改折黃絹犒師此云侍御奉使湖南蓋正當以御史按湖

廣之時而身至行間犒師故云從兵間探勝也梅村以為吳

一官之楚復遊燕歸去還乘笠澤船戎馬千山尋洞壑鶯花三月羨

神仙路穿江底聞雞犬家在湖中接水天原註侍御吾不似少陵

長作客祝融峯下住年年首句自湖南復吳洞庭人也

一官見哭志衍陳伯玉詩游楚復游燕笠澤船見送何省齋

戎馬見題志衍畫千山見雁門尚書行邱希範與陳伯玉書暮

春三月江南草長雜花生樹羣鶯亂飛張道濟洞庭詩聞道神仙

不可接心隨湖水共悠悠路穿江底見林屋洞按第五句指穿

山第六句指太湖并已見少陵見贈杜退之杜詩湖南為客動

經春又南為祝融客一統志祝融峯在衡山縣西北距嶽廟

三十里乃七十二峯最高者來鵬詩為言憔悴過年年

退菴讀水經注懷洞庭詩坐倚巴丘俯洞庭君山一十二峯青不

聞修竹來仙吹但有孤鴻送客舸欲辨水天惟北斗若當風雨即

南溟舊游浩渺如春夢兀看躡元注水經王叔子和詩相思何處

折芳馨望斷黃陵舊日亭秋水依稀聞落葉楚天鬢髯見揚舸洲

吳詩集覽卷十三上八中華書局聚

邊子戊二春綠樓外君山一帶青太息雲中君在否不堪重問道
玄經王貽上和詩楚望經時入宿冥岳陽樓上數峯青會臨南極
浮湘浦坐對西風憶洞庭斑竹想從春後長落梅猶向笛中聽新
詩吟罷愁多少腸斷當年帝子靈汪蒼文和詩曾持使節遠揚於
落木層波共杳冥澤畔有人哀郢客雲中何處降湘靈雨過斑竹
千叢綠潮落芳蘭兩岸青回首舊游今阻絕不堪寂寞對遺經

得蒲州道嚴方公信却寄蒲州道嚴方公并己見

西風對酒夢魂勞聞道蒲津着錦袍山遶塞垣長坂峻河分天地斷

崖高登樓楚客看雲樹隔岸秦人拜節旄回首舊游飛雁遠書來嚴

助問枚臯起結得信却寄中四切蒲州說嚴助指方公枚臯自比也

縣黃河西岸錦袍見贈馮總戎 司空王文明詩 烟蕪滿洞青山繞

云百書石勒載記 東至於河北至於塞垣史記司馬相如傳 登陂

陀之長坂兮一統志 蒲坂故城在蒲州府城東南司空王文明

詩一河分岡勢斷 陸魯望詩 蒼翠無言空斷崖按 方公孝感

人而王仲宣所登樓在荊州故以楚客為喻王元禮詩 結廬同楚

客杜詩 鄂渚分雲樹釋處默詩 隔岸越山多節旄見雜感左

傳一傳三十三 年及諸河則在舟中矣釋左驂以公命贈孟明孟明
稽首曰三年將拜君賜按 一統志 蒲州府西至陝西同州府朝邑
界五里南至陝西華州潼關縣界六十里春秋文十二年晉人秦人
戰于河曲杜預注在河東蒲坂縣南第六句即拜賜事而變化用之
疑有鬼工舊游見虎丘夜集圖 宋延清詩 陽月南飛雁傳聞自
此回漢書嚴助傳 會稽吳人又枚乘傳 臯亡至長安自陳枚
子叔之

送趙友沂下第南歸友沂詳吳友沂後漢書獻帝紀試儒生四十餘人上第賜位郎中次太子舍人下

第者罷之按南歸歸揚州府

秋風匹馬試登臨此日能無感慨心趙氏只應完白壁燕臺今已重

黃金鄉關兵火傷王粲京國才名識杜欽最是淮南遇搖落相思千

里暮雲深首句赴試次句下第三四就下第說點染有情五六比也漸引南歸意結句點出南歸○杜詩匹馬逐秋風

劉公幹詩一感慨以長嘆史記藺相如傳臣願奉璧往使城入趙而壁留秦城不入臣請完璧歸趙黃金臺見夜宿阜昌一崔

顥詩一曰暮鄉關何處是三國志王粲傳字仲宣山陽高平人也鮑詩一君王遲京國漢書杜延年傳子緩嗣緩六弟惟中弟欽

官不至而最知名一統志揚州府表唐至德初兼置淮南節度搖落見讚佛詩黃魯直詩相思千里夕陽殘

懷王奉常烟客

把君詩卷問南鴻憔悴看成六十翁老去祇應添鬢雪愁來那得愈

頭風田園蕪沒支筇懶書畫蕭條隱几空猶喜梅花開遶屋臘醅初

熟草堂中因得詩而有懷情詞並美鬢雪頭風工對○把君詩卷見別丁飛濤馬虞臣詩霜霰逐南鴻杜詩老去悲秋

強自寬又衰鬢千莖雪三國志注典略曰陳琳作諸書及檄草成呈太祖太祖先苦頭風是日疾發讀琳所作翕然而起曰此愈

我疾支筇見虎丘夜集圖遶屋見鬢陸務觀詩臘醅初見拆泥封

送友人從軍閩中

從軍見行路難（史記東越傳）秦以其地為閩中郡

客中書劍愴離羣，賞酒新豐一送君。絕嶠烽烟看草檄，高齋風雨記

論文中宵清角猿啼月，百道飛泉馬入雲。詔諭諸侯同伐越，可知

勞苦有終軍

起二句點明送字三句從軍閩中四句追寫京師用一記字便成活句五六從軍道中所聞所見結句切定閩

中命意最佳○書劍見弔衛紫岫離羣見送繼起和尚 貫酒見海戶曲子山春賦入新豐而酒美二統志新豐故城在西安府臨

潼縣東北一按）梅村在京送人故借用 一爾雅釋山山銳而高曰嶠峰烟見宮扇（李詩）君草陳琳檄 高齋見汲古閣歌 中宵見

支硎山齋聽雨（後漢書劉昆傳）能彈雅琴知清角之操（郎君曹詩）一猿窺夜月啼（蘇詩）但見兩崖蒼蒼暗絕谷中有百道飛來

泉（李詩）雲傍馬頭生（史記韓長孺傳）閩越東越相攻安國及大行王恢將兵未至越越殺其王降 勞苦見投贈馬公一漢書終

軍傳一字子雲濟南人擢諫議大夫遣使南越說其王令入朝軍自請願受長纓必羈南越王而致之闕下

其二

平生不識李輕車，被 詔揮鞭白鼻騮。簫鼓濟江催落木，旌旗衝雪

冷梅花。胡床對客招虞寄，羽扇麾軍逐呂嘉。自是風流新制府，王孫

何事苦思家

此首就所從之人而言即王仲宣所謂從軍有苦樂但問所從誰也揮鞭王孫俱指友人說○一漢書李廣傳

從弟李蔡武帝元朔中為輕車將軍（鮑詩）始從張校尉後逐李輕車揮鞭見讚佛詩（李詩）銀鞍白鼻騮 簫鼓見圓圓曲（杜詩）

濟江元自開〔馬虞臣詩〕馬頭衝雪度臨洮胡床見楚兩生行

〔南史〕虞寄傳字文安會稽餘姚人也陳寶應據有閩中得寄甚喜

及寶應潛有逆謀寄微知其意每陳逆順之理寶應既擒唯寄以先

識免禍除東中郎建安王諮議加昭戎將軍〔云〕百書顧榮傳廣陵

相陳敏反榮麾以羽扇其衆潰散〔云〕百書地理志漢武帝元鼎六年

討平呂嘉以其地爲南海蒼梧鬱林合浦日南九真交趾七郡制

府見壽申青門〔楚辭〕王孫遊兮不歸春草生兮萋萋思家見訪霍魯齋

張如哉曰五六皆一句中兩使事胡床對客暗用庾亮事而招虞

寄則明用事切閩中羽扇揮軍暗用顧榮事而逐呂嘉則明用事

切閩中又五句以虞寄比友人六句則以顧榮比友人對法參差

變化鈕玉樵送湯素公從軍閩中吳鈞雙帶錦裘新左府才名

動入閩路入故園仍作客身緣薄宦尚依人紅亭蒜嶺攜尊

夕翠幄榕城奏角晨絕勝儒生披短褐悠悠書篋老風塵

紀事〔漢書藝文志〕右史紀事〔史記索隱〕紀者記也

鄆杜山南起直廬從禽載筆有相如秋風講武臨熊館乙夜橫經勝

石渠七萃車徒堪討習百家圖史可佃漁上林獸簿何曾問叩馬無

煩諫獵書此因從獵而紀事即梅村之諫獵書也末句從岑參聖朝

無闕事自覺諫書稀化出與起二句相應○鄆杜見退谷

歌直廬見汲古閣歌〔易〕卽鹿無虞以從禽也〔禮〕史載筆士載

言〔漢書揚雄傳〕先是蜀有司馬相如作賦甚麗〔禮〕乃命將帥

講武習射御〔漢書揚雄傳注〕師古曰長楊宮名也在盩厔縣其中

有射熊館〔漢書〕書漏盡夜漏起省中黃門持五夜五夜者甲

夜乙夜丙夜丁夜戊夜〔陳書周宏正傳〕橫經請益有師資之敬焉

石渠見凌烟圖〔穆天子傳〕七萃之士生捕虎天子蓄之〔周禮〕

大司馬中冬教大閱乃陳車徒如戰之制〔太史公自序〕整齊百家言語〔唐書楊綰傳〕左右圖史〔易〕作結繩而為網罟以佃以漁

蓋取諸離〔唐書張鎰傳〕視經史猶漁獵〔史記張釋之傳〕上問上林尉諸禽獸簿〔又司馬相如傳〕常從上至長楊獵上疏諫之

〔杜詩〕袖中諫獵書印馬久上陳

送汪均萬南歸〔按〕唐詩正參訂姓氏汪希汲字均萬蘇州府人

扁舟春草五湖寬歸去醅醖架未殘撥刺錦鱗初上筍團枝珠實已

堆盤瘿瓢量水僧燒筍拳石分泥客買蘭四月山塘風景好知君端

不憶長安〔大〕致與送胡彥遠相似〔羣芳譜〕醅醖籐身灌生青莖多刺盤作高架二三月間爛熳可觀〔本名茶藤一種色黃似酒故加酉字〕〔温飛卿詩〕金鱗撥刺跳晴空〔李詩〕漢口雙魚

白錦鱗〔陳唐卿詩〕海鮮常入筍〔楊誠齋詩〕青子團枝失紅簇〔北戶錄〕古度樹實從木皮中出如綴珠實大如櫻桃紅即可食

〔宋子楨榔詩〕雞心磊落看堆盤〔高季迪詩〕酒滿長生瘿木瓢〔黃魯直詩〕煨筍未盤春竹林〔羣芳譜〕養蘭於梅雨後取溝內

肥泥曝乾羅細備用〔陸務觀詩〕陰陰簾幕燕分泥〔山塘見玉京彈琴歌〕〔杜詩〕自是江南好

風景〔又〕未解憶長安

壽座師李太虛先生

放懷天地總浮鷗客裏風光爛熳收一斗濁醪還太白二分明月屬揚州錦箏士女觴飛夜鐵笛關山劍舞秋猶有壯心消未得欲從何

處訪丹丘三四點染最工以太虛時在揚州也結句暗寓壽字〇一温飛卿詩一自欲放懷猶未得〔杜詩〕飄飄何所似天地

一沙鷗〔陸務觀詩〕烟波萬里一浮鷗〔元裕之詩〕風光爛漫借歡席〔杜詩〕李白斗酒詩百篇濁醪見饗清湖〔杜牧之詩〕明

月滿揚州〔徐凝詩〕天下三分明月夜二分無賴是揚州〔梅村李太虛壽序〕歐陽卜居穎上先生亦僑寓維揚〔楊廉夫詩〕十二

飛鴻上錦箏觴飛見癸巳禊飲鐵笛見避亂〔杜詩〕三年笛裏關山月劍舞見贈馮訥生注〔曹子並德樂府〕壯心不已〔藝苑卮言〕

楊用修在滇攜妓縱飲有規之者用修答書云聊以耗壯心遺餘年耳丹丘見海市

其二

好客從無二頃田勝游隨地記平泉解衣白日消碁局岸幘青山入

釣船故國風塵驚晚歲天涯歌舞惜流年篋中別有龍沙記不許傍

人喚謫仙五六最工壽字亦暗寫〇好客見壽申青門二頃田見贈陸生〔白詩〕勝遊從此始平泉見雕橋莊歌解衣見

六真歌〔楚辭〕晉制犀比費白日少〔李遠詩〕長日惟消一局棋岸幘見送紀伯紫〔杜詩〕一臥滄江驚歲晚〔陸務觀詩〕試憑

絲管錢流年〔張子壽扇賦〕乃委棄于篋中龍沙見呈李太虛〔杜詩〕號爾謫仙人

其三

讀易看山愛息機閉門芳草雁還飛江湖有夢爭南幸滄海無家記

北歸烟水一竿思舊隱兵戈十口出重圍杜陵豈少安危志老大飄

零感布衣

三四真摯結句暗寓壽字○程子詩閉坐小窗讀周易看山見商情郊居杜詩回首風塵甘息機梅村李

太虛壽序天子再召用決大計爭南遷深當上旨事不果行明史李邦華傳李自成陷山西邦華密疏請帝固守京師做永樂朝故

事太子監國南都居數日未得命又請定永二王分封太平寧國二府拱護西京帝得疏意動繞殿行且讀且歎將行其言會帝召對羣

臣中允李明睿疏言南遷便給事中光時亨以倡言洩密糾之晉書王尼傳一有一子無居宅常歎曰滄海橫流處處不安也司空文

明有賊平後送人北歸詩温飛卿詩五湖烟水獨忘機岑參詩辜負一漁竿項子遷詩舊隱水邊村兵戈見王石谷畫杜

詩一十口隔風雪史記項羽紀圍之數重李太虛壽序先生流離嶮岨浮海南還家園烽火禍亂再作僅以其身漂泊於江山風月

之間杜詩杜陵有布衣老大意轉拙

其四

廬頂談經破碧苔十年不到首重回風清鐘鼓吳山出雲黑帆檣楚

雨來痛飲長江看自注異書絕壁訪應開芒鞋歸去身差健白鹿諸

生掃講臺三四清拔結句亦帶壽字首尾相應○按廬頂廬山之頂也王詩揚子談經處司空表聖詩品亂山高木碧

苔芳暉杜詩西江首獨回吳山見壽龔芝麓菰米沉雲黑帆檣見海溢蘇詩楚雨還昏雲夢澤世說王孝伯曰痛飲讀離騷可稱名士應碩祝社文有酒如江說文注灌

也張如哉曰注之江本孟子異書見汲古閣歌中郎注謝靈運山居賦凌絕壁而起岑芒鞋見贈蒼雲白鹿見呈李太

虛李太虛壽序先生性疆直為臺諫所中隱居白鹿講授生徒

按圖經九江府西挹武昌
東引皖口三四句用之

吳詩集覽卷十三上

吳詩集覽卷十三下

七言律詩三之下

寄房師周芮公先生 并序

偉業以庚午受知於晉江周芮公師進謁潤州官舍維時上流無恙京口晏然吾師以陸生入雒之年弟子亦終軍棄繻

之歲南徐月夜北固江聲揮麈論文登樓置酒笑譚甚適賓

從皆賢

此段序初謁芮公時○
舉人吳偉業明史地理志泉州府晉江倚一福建

通志一周廷鑑字芮公晉江人天啓乙丑進士鎮江推官擢吏部考功稽勳文選員外謫外歸鎮江府志廷鑑天啓七

年任庚午分校南闈首拔吳偉業癸酉分校山東所得多知名士行取吏部文選司主事一統志鎮江府隋開皇十

五年置潤州官舍見送施愚山左傳襄十四年秦人毒涇上流水經注京口丹徒之西鄉也五言書陸機傳

太康末與弟雲俱入洛南史宋諸王傳袁淑嘗詰彭城王義康義康問其年答曰鄧仲華拜袞之歲義康曰身不識也

淑又曰陸機入洛之年終軍見送友人從軍一漢書終軍傳一初軍從濟南當詰博士步入關關吏予軍繻軍問以此

何為吏曰為復傳還當以合符軍曰大丈夫西游終不復傳還棄繻而去南徐見贈馮訥生北固見閻園詩序揮

塵見東臯歌注王仲宣有登樓賦宋史已而入主銓藝文志一林下笑譚一卷賓從見壽王子彥

衡地當清切周旋禁近提挈聲華拜別河梁十有八載滄桑

兵火萬事都非此序芮公內陞吏部適逢國變也○一晉書周顛傳一職掌銓衡清切禁近見送沈繹

堂漢書張耳陳餘傳一以兩賢王左提右挈聲華見送何省齋一李少卿詩一攜手上河梁遊子暮何之滄桑

見海戶曲註兵火見遇南廂園偉業負耒躬畔誓終沒齒不

謂推遷塵事潦倒浮生病苦窮愁羈縻煎迫師以同徵獨得

不至方推周黨共羨管寧而家居窮海身受重圍羽檄時聞

音塵莫及此序梅村被召芮公辭徵而閩中適有兵變也○躬畔見汲古閣歌謝靈運詩一逐物遂推

遷陶詩一閑居二十載遂與塵事冥潦倒見送何省齋浮

生見一十五日詩窮愁見芙蓉清湖序漢書匈奴傳一羈縻不絕一古焦仲卿妻詩一漸見愁煎迫魏書高允傳一同

徵之人凋穢殆盡漢書應曜傳一隱於淮陽山中與四皓俱徵曜獨不至時人語曰商山四皓不如淮陽一老周黨

見寄當專諸老管寧見閩園詩其一後漢書耿恭傳

論余初讀蘇武傳感其茹毛窮海不為大漢羞重圍見

壽李太虛羽檄見雁門尚書行注諸光義詩顧我闕

臺上始接烽烟歐冶城邊纔開壁壘也此序江南被兵之事蓋梅村時官京師故

于閩吳俱作傳聞之詞樓船見董山兒一統志京峴山在丹徒縣東五里詩一適彼樂土一按一統志順治七

年沿江多盜海寇猖獗鎮江在梅村未赴召以前十六年

海寇留鎮江在梅村南歸以後郎廷佐奉天人順治十三年

總督江南捍海寇有功此詩正當其時耳無諸臺見送林

衡者烽烟見宮扇一統志冶山在福州府城東北隅

山西北有歐冶池相傳歐冶子鑄劍之地又引明統志歐

冶池在府城中布政司治所漢書英布傳深溝壁壘分

卒守徽乘塞既知援師南下山郡依然鄭樵居第可保圖書楊僕

軍營惟聞笳吹欣故人之杖屨致遠道之郵筒爰作短章聊

存微尚抒平生於慷慨寫盡日之羈愁庶幾同經喪亂識此

襟情雖隔山川無殊會面云爾此序晉江兵罷為芮公慰藉

見高涼司馬行鄭樵居第見送林衡者注圖書見松鼠

史記酷吏傳楊僕者宜陽人也南越反拜為樓船將軍

又東越傳樓船將軍楊僕使使上書願便引兵擊東越

笳吹見謁張石平禮杖屨祇敬之漢書賈山傳古者

養三老於大學公卿奉杖大夫進履遠道見行路難一釋

貫休詩一尺書裁罷寄郵筒顏延年詩頌酒雖短章一

謝靈運詩一伊余秉微尚拙訥謝浮名慷慨見又咏古

羈愁見訪文學博世說許掾嘗詣簡文襟情之咏乃是

許之所長古詩會面安可知

惆悵平生負所知尺書難到雁來遲枕椰月暗巖城閉鷓鴣風高畫

角悲湖裏逢仙占昔夢洞中遇叟看殘碁脫身衰白干戈際笥屐尋

吳詩集覽卷十三下

一一中華書局聚

一一中華書局聚

一一中華書局聚

山話後期起句惆悵平生負所知與第四首結句誤玷名賢啓事中相為照應是四首中大章法也三四言晉江被兵是尺書

難到之由五六轉到脫身于戈八句點出寄詩○惆悵見西田詩尺書見送何省齋一許仲晦詩一鄉書無雁到家遲 枕榔見哭志

衍巖城見石公山鷓鴣見送林衡者歸閩杜詩一城闕秋生畫角哀 一統志九鯉湖在興化府仙遊縣東北漢元狩間何氏兄弟

九人煉丹於此煉成各乘一鯉仙去詩一詢之占夢 廣輿記高蓋山在福州府永福縣道書第七福地石門插天有牧兒徐氏飯牛

山椒遇二人奕遺徐一碁子此令歸遂精手談往往與二人遇得修煉訣一日仙去 一統志高蓋山巨石如牆道出其中上有東西二

石室對峙一又二石 漢徐登永福人少牧牛山巔遇異人得仙術一陸務觀詩一客歸童子拾殘碁 脫身見遊亂衰白見送何省齋 筍

履見二十五日詩尋山見贈文園公周德卿詩一山川後期關

其二

北府風流坐嘯清蕭郎白恰愛將迎蒜山望斷江干月荔浦愁看海

上城劉寄關河雖險塞盧循樓艦正縱橫莫嫌戰鼓鄉園急瓜步年

來已用兵起二句即序中南徐北固六句之意下即序中江南近信已泊樓船何必無諸臺上始接烽烟之意 〇北府見投贈

馬督府後漢書黨錮傳敘宏農成瑨伯坐嘯一梁書武帝紀王儉謂何憲曰此蕭郎三十內當作侍中張如哉曰武帝南蘭陵人

蘭陵即今鎮江故以比芮公又以三十內比芮公之年也一晉書五行志一魏武擬古皮弁裁縑帛為白恰以易舊服將迎見饜清湖序

蒜山見畫中九友歌李義山詩望斷平時翠輦過范彥龍詩江干遠樹浮漢書地理志蒼梧郡荔浦有荔平關一統志荔

浦縣在廣西平樂府西少南七十五里（王詩）愁看北渚二湘遠（南史宋武帝紀）諱

程迥亭曰一時鄭成功寇掠兩廣福建故云（晉書盧循傳）娶孫

裕小字寄奴彭城縣綏輿里人姓劉氏晉氏東遷移丹徒之京口里

關河見避亂（賈誼過秦論）繕津梁據險塞（晉書盧循傳）娶孫

恩妹及恩作亂與循通謀恩亡餘眾推循為主劉裕討循至晉安循

窘急泛海舉眾寇南康廬陵豫章諸郡戍卒十萬舳艫千計逕至江

寧樓艦見高郵道中戰鼓見東萊行
孟詩書此示鄉園瓜步見送周子儂

梅村自跋晉江黃東崖先生和予此詩中一聯曰徵書鄭重眠冷

損法曲淒涼涕淚橫知己之言讀之感歎梅村傅石漪詩序余

蚤歲受知於溫陵周芮公先生以吏部郎典選相國東崖黃公時

在左坊兩公者同里同籍有詩名亂離分隔余為詩以郵寄先生

於閩中先生偕相國和之海內追數其交游而相與為傳誦福

建通志黃景昉字東崖晉江人天啓乙丑進士入相乞假歸明史

黃景昉傳國變後
家居十數年始卒

其三

但若盤桓便見收 詔書趨迫敢淹留趨趨玉切音促始知處士青門里須

傍仙人白石樓晉室衣冠依嶺嶠越王刀劍閉林丘少微却炤南天

遠榕樹峯高隱故侯前半首是師以同徵後半首是獨得不至也

傳一郡縣逼迫催臣上道淹留見九友歌青門見青門曲
史陳武帝紀一廣州言仙人見于羅浮山寺小石樓（李詩）晉代

衣冠成古丘方輿覽勝晉江在晉江縣南晉南渡後衣冠士族避

地者多沿江以居故名（一統志）福建西抵江廣北距嶺嶠一拾

遺記一越王勾踐使工人以白馬白牛祀昆吾之神採金鑄之以成
八劍之精〔史記淮陰侯傳〕好帶刀劍〔杜詩〕石門斜日到林丘一
張如哉曰〔越王指東越王非謂勾踐也〕刀劍指歐冶池〔漢書李
尋傳注〕少微四星在太微西主處士儒學之官〔高達夫詩〕一南天
璋瀟和〔榕城隨筆〕閩中多榕樹榦既生枝枝又生根垂垂如流
蘇或本榦自相依附若七八樹叢生者多至數十百條合並為一
史記蕭相國世家一
召平者故秦東陵侯

其四

白鶴青猿叫晚風苦將身世訴飄蓬千灘水惡盤渦險九曲雲迷絕

磴空廣武登臨狂阮籍承明寂寞老揚雄巨源舊日稱知己誤玷名

賢啓事中前半首是羈縻煎迫後半首與第一首相應○白鶴青猿
見題河渚圖注 飄蓬見江樓別字令 千灘見讀史雜

感盤渦見短歌〔一統志〕武夷山綿亘百二十里有三十六峯三
十七巖溪流繚繞其間分爲九曲〔按〕千灘九曲皆比也不必指定

某山某水〔唐書薛元超傳〕絕磴險塗〔晉書阮籍傳〕登廣武戰
場曰時無英雄使豎子成名〔漢書揚雄傳〕孝成時召雄待詔承

明之庭〔又解嘲〕惟寂惟寞守德之宅〔巨
源啓事見鴛湖曲〔杜詩〕名玷薦賢中

卽事卽事見讀
史雜詩

夾城朝日漸臺風玉樹青葱起桂宮〔原註〕時
乾清宮成謁者北衙新掌節原

設內監〔初〕卽官西府舊乘驄〔原註〕新選
部郎爲巡方叔孫禮在終應復蕭相功成

固不同百戰可憐諸將帥幾人高會未央中即事十首蓋卽十一卷雜感之類此首連舉數

事而大氣包舉筆力甚道○夾城見殿上行漢書翼奉傳孝文時未央宮獨有前殿曲臺漸臺宣室溫室承明耳大清一統志

中禁嚴密凡乾清門以內殿廷之制度例弗敢載青葱見行路難其五桂宮見彈琴歌漢書百官公卿表謁者秩比六百石注謁

請也白也唐書兵志南衙諸衛兵是也北衙禁軍也周禮掌節掌守邦節而辨其用後漢書明帝紀郎官上應列宿唐書藝

文志一蕭淑西府新文十卷西府疑卽西臺西臺詳題高澹游畫一後漢書桓典傳一爲侍御史常乘驄馬晉書百官志尚書郎西漢

舊置四人以分掌尚書至魏青龍二年凡二十五郎梁昇卿詩從來漢京盛未若此巡方史記叔孫通傳上既觀使行禮曰吾能

爲此蕭相見退谷歌百戰見楚兩生行高會見遇劉雪舫一統志未央宮在西安府長安縣西北

其二

六龍初幸晾鷹臺集作晾鷹非千騎從官帳殿開南苑車聲穿碧柳西山

馳道夾青槐繙書夜半移燈召教射樓頭走馬來聞道上林親試士

卽今誰是長卿才此紀陪從校射之事○六龍見韋日壇晾鷹臺見海戶曲南苑見海戶曲注李君虞詩碧柳青青塞馬多西山

見遇劉雪舫岑參詩青槐夾馳道范致能詩眼明無用且繙書李義山詩自攜明月移燈疾戰國策此可教射也已王

仲初詩騎馬行人長遠過恐防天子在樓頭上林見永和宮詞

黃文江詩丹詔宣來試士初司馬相如傳字長卿

其三

元僚白髮領槐廳風度須看似九齡疏乞江湖陳老病 詔傳容貌

寫丹青原註曹村相公乞休不允畫其像賜之從游西苑花初放侍宴南臺酒半醒最

是御書房下過賜茶清燕共談經此首紀金文通之恩遇也蘇州府志金之俊吳江人順治十五年為

中和殿大學士歷加太傅改內祕書院大學士康熙元年致仕○元僚見題凌烟圖續翰林志學士院第三廳有一巨槐素號槐廳居

此閣者往往入相唐書張九齡傳字子壽韶州曲江人遷中書令帝每用人必曰風度能若九齡乎漢書杜周傳杜延年為御

史大夫視事三歲以老病乞骸骨天子優之杜詩丹青憶舊臣曹村見虎丘祖席漢高帝詔有能從我遊者吾能尊顯之一

統志一明初燕王府建於元之皇城舊址即今之西苑也瓊華島在西苑太液池上太液池在西苑中唐書順帝紀侍宴魚藻宮

金鰲退食筆記一瀛臺舊為南臺明李文達賢賜遊西苑記云南臺林木陰森過橋而南有殿曰昭和門外有亭臨岸沙鷗水禽如在鏡

中 本朝順治年間別建宮室為避暑之處蘇檢詩樓上清風酒半醒南都賦御房穆以華麗周子充詩勅使傳宣坐賜茶

漢書劉向傳願賜清燕之間指圖陳狀談經見壽李太虛

其四

列卿嚴譴赴三韓賞酒悲歌行路難妻子幾隨關外去都人爭擁路旁看樂浪有吏崔亭伯遼海無家管幼安盡說日南多瘴癘如君絕

域是流官

此首悲陳彥升之遠謫也見咏拙政園山茶花詳贈遼左故人結二句作慰藉之詞蓋彥升北徙故以日南作對照

耳○

魏志國淵傳居列卿宋延清詩逐臣北地承巖譴三韓見凌烟圖序貫酒見海戶曲悲歌見臨江參軍行路難見行路難

一統志山海關本居渝關地也在永平府盧龍縣東一百八十里

按通典作臨渝關今為臨渝縣岑參詩都人夾道看又當使路旁看雲公雜記司馬溫公元豐末來京師都人競觀即以相公目之左右擁塞馬至不能行

二統志漢時所置遼東樂浪元菟三郡多屬今奉天府治之東南及朝鮮界內地後漢書崔駰傳

字亭伯涿郡安平人竇憲出擊匈奴駰為主簿憲不能容出為長岑長遂不之官而歸漢書地理志樂浪郡縣長岑

序管幼安見閔園詩其一注後漢書公孫瓚傳日南多瘴氣南史任昉傳一寄命瘴癘之地絕域見行路難

按梅村女厝志司農再相未一歲用言者謫居瀋陽取最少子從其二在南獨留直方京師已而相國召入京為宿衛再以此事下

請室家人咸被繫全家徙遼左用流人法此詩首云列卿蓋去司農未久也與贈遼左故人之三公異妻子幾隨關外去則未隨關

外去也與贈遼左故人之盡室可憐逢將吏異絕域流官則未用流入法也與贈遼左故人之垂死絕塞異而都人爭擁暗祝賜環

詩蓋作於彥升初謫瀋陽時耳

其五

黃河東注出潼關本濟漕渠竟北還淮水獨流空到海

原註淮水為黃河所逼

始于清口濟漕河去則淮竟入海此清江關所以涸也汴堤橫啗不逢山天心豈為投圭璧民

力何堪棄草管瓠子未成淇竹盡龍門遠掛白雲間〔原註〕金龍口決用柳梢作土

牛塞河功竟不就悼兩河民力之盡也〔此梅村河渠書也與風雲月露之詞不同〕〇二〔統志〕黃河自同州朝邑縣流入華陰縣東北

合渭水又經潼關縣北折而東入河南閿鄉界〔詩〕豐水東注〔史記〕河渠書一〔悉發卒數萬人穿漕渠三歲而通〕明〔史〕河渠志一

樂九年會通河已開黃河與之合漕道大通〔一統志〕黃河自汴

梁至徐經邳宿桃源三義鎮入口由毛家溝抵清河縣後謂之大清

口會淮流過漁溝達安東縣界下雲梯關入海謂之老黃河明嘉靖

初三義口塞南從清河縣前亦與淮合謂之小清口〔一統志〕清江浦在

淮安府山陽縣西北三十里古運道自郡城東北入淮宋轉運使喬

維岳開此直達清口明永樂初陳瑄重濬置閘〔一統志〕隋堤一名汴

堤隋大業元年築西通濟水南達淮泗幾千餘里亦名二里堤以去

開封府城三里也〔說文〕齧噬也〔書〕克享天心〔漢書〕工尊傳

遷東郡太守河水盛溢泛浸瓠子金堤尊親執圭璧使巫策祝請以

身填金堤因止宿廬居堤上而水波稍却〔漢書〕賈誼傳〔若〕刈草

菅然〔綱目〕賈實瓠子河今謂之瓠子口在大名府開州城西南

二十五里淇竹見龍腹竹歌〔王士之〕渙詩〔黃〕河遠上白雲間〔一統志〕

年決口塞〔按〕明〔史〕河渠志皆作封丘金龍口蓋金龍即大王廟口

龍門即金龍口此詩所咏蓋十一年以前事〔按〕一統志淮安府境

當黃淮交會之衝又為運道咽喉黃強淮弱衝決靡常〔聖〕祖

仁皇帝首闢海口以導黃注海次闢清口閉六壩築高堰以障淮敵

黃由是黃淮水均兩河底績淮南百萬生靈咸登衽席梅村蓋未及

西山盜賊尚縱橫白晝畿南桴鼓鳴誰道盡提龍武將翻教遠過關

閩城軍需苦給嫖姚騎節制難逢僕射營斥埃但嚴三輔靖願消兵

甲罷長征此首即梅村刑法志也前四句憂近盜後四句思名將有不勤遠略之意張如哉曰豈謂盡煩回紇馬翻然遠救

朔方兵三四句法仿之○杜詩西山寇盜莫相侵又羣盜尚縱橫賈誼陳政事疏白晝大都之中後漢書董卓傳為洛陽令

搏擊豪強莫不震慄京師歌之曰枹鼓不鳴董少平按禮運黃桴而士鼓與枹同杜詩龍武新軍深駐輦闔閭城見虎丘夜集

圖十六國春秋南涼錄課農桑以供軍需漢書霍去病傳再從大將軍受詔子壯士為栗姚校尉按粟字詩家多作嫖蕭子

顯詩夫督仕嫖姚荀子桓文之節制不可以敵湯武之仁義杜詩僕射如父兄漢書李廣傳然亦遠斥候未嘗遇害候一

作埃三輔見退谷歌

杜詩肯銷金甲事春農王少伯詩萬里長征人未還通鑑綱目上召郭子儀還京師以李光弼代之光弼治軍嚴整始至號令

一施士卒壁壘旌旗精彩皆變是時朔方將士樂子儀之寬憚光弼之嚴按綱目肅宗至德二載貶子儀為左僕射而此詩第六句

似指光弼侯考

其七

新傳使者出皇都十道飛車算國租故事已除將作監他年須尚執

金吾主持朝論垂魚袋料理軍書下虎符始信蕭曹務休息太平良

策未全無此首即梅村食貨志也結句與第六首同妙○皇都見宮

一曰關內道二曰河南道三曰河東道四曰河北道五曰山南道六

曰隴右道七曰淮南道八曰江南道九曰劍南道十曰嶺南道一蘇

詩一我欲乘飛車國租見蘆州行漢書蘇武傳明書故事一唐

書百官志一將作監二人少監二人掌土木工匠之政一後漢書

陰皇后紀一仕宦當作執金吾漢書儒林傳董仲舒能持論一

崔澄瀾野燎賦一方望會于朝論舊唐書輿服志咸亨三年五月

五品以上賜新魚帛并飾以銀垂拱二年五月諸州都督刺令并准

京宦帶魚帛晉書王徽之傳桓沖曰卿在府日久比當相料理

軍書見次走馬詩漢書高五王傳王欲發兵非有漢虎符驗也

蕭曹見功臣廟史記曹相國世家贊百姓離秦之酷後參與休息

無為故天下俱稱其美矣杜淹文中子世家見隋文

帝因奏太平十有二策唐書薛登傳收實用之良策

其八

柳營江上羽書傳白馬三郎被酒眠無意漫提歐冶劍有心長放呂

嘉船金錢北去緣求印鐵券南來再控弦廟算只今勤遠略伏波橫

海已經年此首即梅村兵志也說附後○一統志九龍江一名龍

柳營江羽書見與友人譚遺事五代史闕世家王審知狀貌雄

偉常乘白馬軍中號白馬三郎史記高祖紀高祖被酒夜經澤中

吳越春秋干將者吳人也與歐冶子同師俱能為劍呂嘉見

送人從軍史記平準書農工商交易之路通而龜貝金錢刀布

之幣興焉求印見揚州漢書高祖紀丹書鐵契金匱石室一隋

書李穆傳一賜以鐵券恕其十死漢書婁敬傳控弦四十萬騎

年
而勤遠略
〔張正言詩〕伏波橫海舊登壇〔宋延清詩〕少別已經

此首刺鄭芝龍也柳營江點出閩地第二句寫其跋扈三四

承第二句說是驕詐之狀五六是狡黠之情引出結句結則言近

旨遠含蓄不露極合風人之旨詳補註

間立 藝 逆藩之氣燄方盛乃圓圓曲雜感

之其四其五于吳逆不少假借而滇池鏡吹第一首預知有吳逆

其九

秋盡黃陵對落暉長沙西去不能歸甘寧舊壘潮初落陶侃新營樹

幾圍五嶺烽烟城郭改三湘征調吏人稀老臣裹革平生志往事傷

心尚鐵衣時楚粵未靖故有此作○賈閔仙詩聯句逢秋盡黃陵廟見贈吳雪航落暉見寄當事其二

祠故曰長沙湖廣通志洪承疇泉州人順治癸巳督師經略五省

駐長沙便宜行事三國志甘寧傳字興霸巴郡臨江人也

統志一甘寧故壘在長沙府益陽縣南一里潮落見贈吳錦雯

晉書陶侃傳一斬蘇峻旋江陵封長沙郡公尋以江陵偏遠移鎮巴

陵斬郭默旋巴陵因鎮武昌又嘗課諸營種柳都尉夏拖盜官柳植

之于己門侃後見駐車問曰此是武昌西門前柳何因盜來此種拖

吳詩集覽卷十三下 七 中華書局聚

惶怖謝罪張如哉曰兼用桓温樹猶如此人何以堪意許棠詩庵樹想成圍史記淮南王安傳使尉佗踰五嶺攻百越廣州

記大庾始安臨賀桂陽揭陽為五嶺烽烟見宮扇按城郭改暗用丁令威歌城郭雖是人民非三湘見哭志衍征調見雜感王

詩一省中啼鳥吏人稀後漢書馬援傳男兒當効死於邊野以馬革裹尸還葬耳木蘭歌寒光照鐵衣

此首刺洪亨九當與松山哀訪文學博參看訪文學博云盡道長沙軍已得滇池王此云長沙西去不能歸若為洪作原心之論者

結句反以裹革許之正是斧鉞之筆也梅村夜宿阜昌有流涕辭伐燕語當非泛設

其十

巴山千丈擘雲根節使征西入劍門蜀相軍營猶石壁漢高原廟自

江村原註駐兵南鄭分閩全家故國空從難異姓真王獨拜恩回

首十年成敗事笛聲哀怨起黃昏此詩紀吳逆入蜀之事也圓圓曲

乘斜谷雲深起畫樓散關月落開粧鏡與詩中異姓真王獨拜恩合

全家白骨成灰土與詩中全家故國空從難合而觚觶載其由秦入

蜀迄於秉鉞滇雲垂旒洱海又與節使征西入劍門合當與圓圓曲

及雜感第四首五首參看一統志大巴山在保寧府南江縣北

二百里一名巴嶺山小巴山在南江縣東北此山之南即古巴國其嶺上多雲霧盛夏猶有積雪杜詩晴雲如擘絮雲根見石公山

岑參詩節使橫行西出師按吳逆封平西王故用征西字

一統志劍門關在保寧府劍州東北即劍閣道也杜有蜀相詩

諸葛孔明黃陵廟記於大江重複石壁間有神像影現焉

一統志督軍壇在漢中府沔縣東南其旁有八陣圖元和志八陣圖

在西縣東南十里諸葛亮壘所以石爲圖又諸葛寨在南江縣西一百里高五十餘丈可容萬人四壁峻拔准一面有鳥道可上其頂有泉四時不竭〔一〕統志漢中府南鄭縣附郭〔輿地紀勝〕漢高帝廟在閬中縣南十里西偃山下〔一〕統志漢高祖祠在南鄭縣南漢水濱原廟見鍾山江村見警清湖〔按〕汪鈍翁定州郝公墓誌吳三桂等入川奉詔統東西兩路兵駐劄川南以圖進取俱爲賊所敗〔退之楊燕奇碑〕感泣辭原注之駐兵分閬卽東西兩路之兵也〔史記淮陰侯傳〕卽爲真王親從難於秦漢書有異姓諸侯王表〔史記淮陰侯傳〕卽爲真王耳〔北史王晞傳〕拜恩私室〔李詩〕哀怨起騷人

長安雜咏

玉泉秋散鼎湖龍世廟元都闕御容絳節久銷金竈火青詞長護石

壇松運移梅福身難去道向麻姑使未逢重過竹宮聞夜祭徐無仙

客話乾封前四句就明世宗說五六兼以自寓重過竹宮點出時事蓋因聞夜祭而追話前事耳〔一〕統志玉泉山在宛平

縣西北二十五里山前有御園玉泉出山下味甘而冽一名噴雪鼎湖見圓圓曲〔明史世宗紀〕諱厚燠廟號世宗〔一〕又陶仲文

傳一帝自號太上天羅天仙紫極長生聖智昭靈統元證應玉虛總掌五雷太真人元都境萬壽帝君〔杜詩〕配極元都闕〔宋史禮志〕

神御殿古原廟也以奉安先朝之御容絳節見讚佛詩〔江詩〕方驗參同契金竈煉神丹〔李肇翰林志〕凡道觀薦青詞文用青藤

紙朱字謂之青詞〔胡仔詩〕紫雲常護玉壇松石壇見朝日壇〔運移梅福見讀西臺記〕麻姑見閬園序竹宮見東萊行〔史記封

禪書一于是五利常夜祠其家欲以下神徐無見蘇門高士圖乾封見東萊行

吳詩集覽卷十三下 八中華書局聚

其二

珍做宋版印

石門秋聳妙高臺慈聖金輪寺榜開龍苑樹荒香界壞鹿園花盡塔

鈴哀燈傳初地中峯變經過流沙萬里來代有異人為教出鳩摩天

付不凡材前四句咏有明之佛刹後四句指時事與其一相似○一杜詩一石門日色異一一統志妙高臺在丹徒縣金山上

宋僧了元建一按此詩不必指丹徒之臺蓋用比體一明史后妃傳一孝定李太后神宗生母也上尊號曰慈聖皇太后顧好佛京師

內外多置梵刹動費鉅萬一首楞嚴經一彼金寶者明覺立堅故有金輪保持國土一按寺榜寺門之額也世說一韋仲將能書魏明帝起

殿欲安榜使仲將登梯題之韓詩一城闕連雲草樹荒一沈雲卿詩一香界縈北渚花龕隱南巒阿含經一佛遊遊婆奇瘦在鼉

山怖林鹿野園中庚詩一夏餘花欲盡一晉書佛圖澄傳一天靜無風而塔上一鈴獨鳴一劉孝綽詩一談詭有名僧慧義似傳燈一法苑

珠林十地頌一如竹破初節餘節速能破得初地真智諸地疾當得

三詩一分野中峯變第六句見禮蒼公塔一漢書公孫弘等傳贊一異人並出鳩摩見讚佛詩一隋書經籍志一胡僧至長安

者數十輩惟鳩摩羅什才德最優杜詩一金眸玉爪不凡才程迓亭曰此詠大慈壽寺而及木陳忞公也按浙江通志道忞字

木陳潮陽林氏子甫冠棄弟子員為天童密雲悟和尚法嗣順治己亥徵至京住齋宮萬壽殿結冬開堂勅封宏覺禪師

其三

鼓角鳴鞘下建章平明獵火照咸陽黃山走馬開新埒青海求鷹出

大荒奉轡射生新宿衛帶刀行炙舊名王侍臣獻賦思遺事指點先

朝說豹房此首咏羽獵之盛也頌不忘規○鼓角見送朱司李一宋史儀衛志一鳴鞭內侍二人執之鞭翰用紅絲而漬以蠟

行幸則前驅而鳴之漢書武帝紀大武元年起建章宮一統志建章宮在長安縣西白詩平明拂劍朝天去太白大獵賦獵

火燃兮千山紅一統志咸陽故城在今咸陽縣東黃山見海戶曲晉書王濟傳買地為馬埒編錢滿之時人謂之金溝一謝元暉

詩一舊埒新塍分青海見贈雪航異名記登州海岸有鳥如鸛自高麗飛渡海岸名海東青山海經大荒之中有山名曰大荒之

山上林賦叔孫奉轡衛公驂乘金史郭蝦蟆傳世為保甲射生手子虛賦臣楚國之鄙人也幸得宿衛十有餘年隋書儀

衛志一周武帝時百官燕會并帶刀升座南史王琨傳顏師伯傳酒行炙皆悉內妓漢書終軍傳越地及匈奴名王有率眾來降者

遺事見琵琶行杜詩侍臣緩步歸青瑣獻賦見南苑閱武應制指點見龍腹竹歌豹房見洗象圖

其四

百戰關山馬槊高取將階級鬪蕭曹兩河子弟能談劍一矢君王

已賜袍此日大家親較武他時年少定分茅功成老將無人識看取

征南帶血刀此首咏老將也○百戰見楚兩生行關山見琵琶行馬槊見哭志衍後漢書邊讓傳階級名位亦宜超然

蕭曹見功臣廟兩河見避亂按莊子有說劍篇左傳成十六年王召養由基與之兩矢使射呂錡以一矢復命唐書傅游藝

傳一起一歲賜袍自青及紫入謂四時仕宦大家見永和宮詞揚子雲長楊賦一簡力校獸校武栗禽晉書八王傳贊分茅錫

瑞道光恆典 老將見遇南廂園叟 征南見贈
雪舫補註張思廉神絃曲頑蛟尚染刀鏤血

哭蒼雪法師按蒼雪示寂在順治十三年閏五月二十二日

憶昔穿雲到上方飛泉夾路筍輿忙孤峯半榻霜顛白清磬一聲山
葉黃得道好窮詩正變觀心難遣世興亡汰公塔在今同傳無着天

親共影堂原註汰如住華山與師為法侶最相得滅度已十六載
矣從初見蒼雪起三四贊蒼雪五句抽出能詩六句適

逢易世結句以汰如伴說悠然意遠○穿雲見壽鶴如上方見支剛
聽雨飛泉見送人從軍張景陽詩楸梓夾路筍輿見二十五日

詩孤峯見謁剖公真山民詩來分半榻涼劉克莊詩白布裙
儒雪滿顛清磬見宿福源精舍杜詩吟詩秋葉黃後漢書

費長房傳一子幾得道朱子詩傳舊說二南為正風十三國為變
風雅者正也其篇本有大小之殊而先儒說又各有正變之別

戴景屏詩一隱几自觀心汰如塔銘汰如法師遺言建塔於
中峯同傳詳六言偶成無着天親見贈蒼雪影堂見禮蒼公塔

池北偶談南來蒼雪法師居吳之中峯嘗夜誦楞嚴月明如水忽
語侍者庭心有萬曆大錢一枚可往檢取視之果然師貫穿教典

尤以詩名嘗有句云斜枝不礙經行路落葉全埋入定身

其二

說法中峯語句真滄桑閱盡剩閒身宗風實處都成教慧業通來不
礙塵白社老應空世相青山我自哭詩人縱教落得江南夢萬樹梅

花孰比鄰此詩從前首五六推闡而出結到無鄰用意深切○說法見禮蒼公塔中峯見贈蒼雲 滄桑見海戶曲注聞身見

虎丘夜集圖宗風慧業見禮蒼公塔 列子雲霧不礙其視一

集韻破同礙 白社見後東皇歌圓覺經三二摩提以幻化為相即

假觀奢摩陀以寂靜為相即空觀蘇詩 青山詩 洽比其鄰

此兩首各自成章而合看亦成章法蓋上方與影堂相映此本首

之章法也然穿雲筍輿都從自己說而江南梅花又從自己結一

憶前遊一計後來亦有無心映合之趣至其一從詩說到時世其

二從時世說到詩各極其妙有風雨離合之奇 結句言己總得

歸江南而梅村中絕少 詩友也是極贊蒼雪處

送友人出塞出塞見送 杜欵武

上書有意不忘君竄逐還將諫草焚 聖主起居當日慎小臣忠愛

本風聞玉關信斷機中錦金谷園空畫裏雲塞馬一聲親舊哭焉支

少婦欲從軍上四出塞寫出戀闕之情語有斟酌下四送友寫其別

異封事一念忠臣雖在賦敵猶不忘君倦倦之義也 李詩竄逐

我因誰南史謝宏微傳 每獻替及陳事必手書焚草人莫之知

王子淵有聖主得賢臣頌後漢書章帝紀 刺探起居堯戒 戰戰

慄慄日慎一日禮 小臣廉池北偶談 陳衍云風聞二字出漢

書尉陀傳 玉關見贈家侍御皇甫冉詩 機中錦字論長恨 金

谷見老妓行庚詩 塞馬暗嘶羣嵇叔夜絕交書 時時與親舊

敘離闊陳說平生 焉支見咏山茶按

少婦字出史記滑稽傳從軍見行路難

吳詩集覽卷十三下 十一中華書局聚

七八句義似亦於陳彥升為近然梅村女權厝詩祇云司農再相未一歲用言者謫居瀋陽而已此詩前四句乃建言被謫者小臣

忠愛亦與司農再相不合則非送彥升明矣侯考按梅村集中以出塞著於篇者陳彥升吳漢槎陸子元孫赤崖皆是也彥升以

大臣謫餘多以科場謫皆與此詩小臣忠愛本風聞不合國朝詩別裁集季開生字天中江南泰興人順治己丑進士官給事中

尚陽堡即事口號五雲長繞舊皇畿萬里孤臣寄翠微極塞有山皆北向重邊無水不西歸雞鳴夢訝參朝晚鳥哺心傷進膳違寧

惜熒熒沙雁影陽回未得入關飛嚴沆字子餐懷季天中遼左云萬里邊城問謫居躬耕遼海意何如龍沙更作投湘賦鳳闕長懸

必諫獵書鳴綠沆澌春水下醫閭積雪暮寒餘柳條漸識陽和近未君王雨露疎繆慧遠字子長憶遼左故人生歸何地更逢

君蘭忌當門自昔云東維少年無賈誼制科風漢獨劉蕡蕃釐種徙瓊花絕遼海魂啼杜宇聞篋裏故人封事藁兩窗檢點淚紛紛

并與此詩合梅村所送其天中歟曹爾堪字子顧弔季天中給諫沒於遼左云櫻鱗奏草動宸居海內爭傳痛哭書抵乳竟虛

頭白後葵丹空照汗青餘三春漠漠關雲黯千里茫茫塞草疎蛻骨龍荒何日返祇憐化鶴到淮徐

即事張如哉曰即事十首長安雜咏四首未必一時所作亦未必皆在京所作如曹村相公以順治十五年入相時梅

村早歸里矣編詩者以其俱詠京中事故總編次于此卷中即事一首殆亦續作而補編也

擊鼓迎神太乙壇越巫吐火舞珊珊露臺月上調絲管禁苑霜凋挾彈丸赤驥似龍徠萬里白鷹如雪致三韓柏梁焚後宜春起只有西

山作舊看此首亦包舉數事筆力道厚○詩一攷其擊鼓一盧子行詩一西瑄協律南粵迎神一史記武帝紀一堯人謬忌奏祠

秦一方其後人有上書言古者天子三年一用太牢具祀神三一天一地一泰一天子許之令太祝領祠之于忌泰一壇上如其方

史記封禪書一乃令越巫立越祝祠晉書夏統傳從父敬寧祠先人迎女巫巫章丹陳珠二入甲夜之初撞鐘擊鼓間以絲竹丹珠乃拔

刀破舌吞刀吐火宋玉神女賦拂焯聲之珊珊露臺見南苑應制絲管見老妓行禁苑見退谷歌顧逋翁詩霜凋樹吹斷韓

詩外傳一黃雀方欲食螳螂不知童子挾彈丸在下迎而欲彈之列子周穆王右驂赤驥而左白梁杜詩赤驥頓長纓非無萬里

姿張如哉曰似龍徠萬里用史記天馬歌天馬徠龍之媒又用蒲梢天馬歌天馬徠兮從西極經萬里兮歸有德白鷹見海戶曲注

三韓見凌烟閣圖序漢書郊祀志柏梁災粵巫巫勇之曰越俗有火災復起屋必以天用勝服之于是作建章宮宜春見退谷歌西

山見馮劉雪舫

送同官出牧左傳文七年同官為寮何仲言詩入朝耿長劍出牧盛層麾按魏環極寒松堂集有乙未年

諸公外轉詩當與此同時作也乙未為順治十二年

露掌明河玉漏寒侍中出宰據征鞍 君王此日親除吏臣子何心

道換官壯士驪山秋送戍豪家渭曲夜探丸扶風馮翊皆難治努力

諸公奏最看前半首是同官出牧後半首多用秦中地名就出牧上寫出送字意○庚詩露掌定高雲宋延清詩明河

可望不可親宋史樂志良夜永玉漏正遲遲漢書百官表注應劭曰入侍天子故曰侍中後漢書明帝紀出宰百里杜必簡

詩一艱險促征鞍史記武安侯傳上乃曰君除吏已盡未吾亦欲除吏晉書荀勗傳自中書監除尚書令人賀之勗曰奪我鳳

鳳池諸君何賀耶〔按〕第四句暗用之換官本漢書薛宣傳宣奏粟邑令尹賞與潁陽令薛恭換縣而兩縣皆治〔史記高祖紀〕高祖

以亭長為縣送徒鄴山徒中壯士願從者十餘人〔又〕黥布傳一布已論輸麗山麗山之徒數十萬人布皆與其徒長豪傑交通〔朱子詩〕

傳一戍屯兵以守也〔漢書百官表〕漢武帝太初元年左內史更名左馮丸見行路難〔漢書百官表〕漢武帝太初元年左內史更名左馮

翊主爵中尉更名右扶風〔一〕統志陝西表一乾州鳳翔府隴州邠州漢左馮翊同州府耀州商州漢右扶風〔史記汲黯傳〕右內史界部

中多貴人宗室難治請徙黯為右內史〔按〕漢書地理志武帝建元六年置左右內史則右內史蓋即中尉後改為右扶風者〔努力見〕

送周子倣〔漢書尹翁歸傳〕以高第入守右扶風常為三輔最〔蘇廷碩詩〕還當奏最掖垣來

寄周子倣中州中州見送子倣青瑁

聞道周郎數酒悲中原極目更依誰雲遮二室關山在河奪三門風

雨移銅狄紀年何代恨石經傳字幾人知狂歌落日登臨罷殘醉歸

來信馬遲〔按〕梅村送子倣青瑁赴河南學使者幕則子倣有所依也而此云酒悲與置酒龍門夜不同云依誰與得依張壯武

不同關山在風雨移何代恨幾人知俱非壯遊之意或子倣有所不〔白詩〕望關雲遮

合故梅村云然與○周郎見圓圓曲〔白詩〕誰料平生狂酒客如今變作酒悲人〔中原見贈蒼雪極目見蕩子行〕〔白詩〕望關雲遮

眼〔一〕統志引韋昭曰嵩高有太室少室之山山有石室故名關山〔白詩〕望關雲遮

見呈李太虛〔陝州志〕黃河中流有砥柱山一名三門山山有三門禹鑿以通河南曰鬼門中曰神門北曰人門舟楫不通惟人門可通筏木風雨奪見二十五日詩〔銅狄見維陽行〕〔左傳〕襄三十年臣小人也不知紀年〔石經見送子倣青瑁注〕〔元詩〕甘蔗消殘

醉以今參詩薄暮垂鞭信馬歸

懷古兼弔侯朝宗

原註朝宗歸德人貽書約終隱不出余為世所逼有負夙諾故及之懷古見讀鄭世

子傳補註按朝宗書載壯悔堂集中今不錄

河洛風烟萬里昏百年心事向夷門氣傾市俠收奇用策動宮娥報

舊恩多見攝衣稱上客幾人刎頸送王孫死生總負侯羸諾欲滴椒

漿淚滿樽

首二句虛籠全題三四句正寫懷古五六句於懷古中轉注起下七八句點醒弔字又回應第二句也○一史記封

禪書一三代之君皆在河洛之間崔顥詩風烟萬里愁一薛陶

臣詩一百年心事付東流史記信陵君傳魏有隱士曰侯羸年七十家貧為大梁夷門監者公子置酒大會賓客坐定公子從車騎虛

左自迎侯生侯生謂公子曰臣有客在市屠中願枉車騎過之公子引車入市侯生下見其客朱亥俾倪故久立侯生視公子色終不變

乃謝客就車至家公子引侯生坐上坐魏安釐王二十年秦昭王已破趙長平軍又進兵圍邯鄲魏王使將軍晉鄙將十萬眾救趙實持

兩端以觀望公子患之數請魏王魏王畏秦終不聽公子侯生乃屏入間語曰羸聞晉鄙之兵符常在王臥內而如姬最幸力能竊之羸

聞如姬父為人所殺公子使客斬其讎頭敬進如姬誠一開口請如姬如姬必許諾則得虎符奪晉鄙軍北救趙而西却秦此五霸之伐

也公子從其計侯生曰臣客屠者朱亥可與俱此人力士晉鄙聽大善不聽可使擊之公子過謝侯生侯生曰臣宜從老不能請數公子

行日以至晉鄙軍之日北鄉自剄以送公子公子與侯生決至軍侯生果北鄉自剄一又季布傳為氣任俠有名於楚宮娥見圓圓曲漢書丙吉傳以吉舊恩尤重史記高祖紀沛公起攝衣謝

食其延上坐上客見行路難〔史記張耳陳餘傳〕兩入相與為刎頸交王孫見維陽行〔椒漿見登封烈婦〕

按此詩以侯生為主第二句點出夷門第三句咏朱亥而以氣傾字收入侯生甲裏第四句咏如姬而以策動字收入侯生甲裏五六句就侯生作感慨而刎頸字已引出死生字見朋舊雖多而能如侯生之死不負諾者少也然侯生能不負諾而已則負諾於侯生是以為之滴淚也侯生為誰贏也又朝宗也皆夷門也因負諾而淚滿此百年之心事也懷字弔字是一是二羅浮風雨縹緲離合筆底有化工矣

送曹秋岳以少司農遷廣東左轄〔廣東通志〕布政司左布政使曹溶順治十三年任

江東才子漢平陽身歷三臺拜侍郎五管清秋懸使節一作秋清百蠻風

靜據胡床珠官作貢通滄海象郡休兵奉朔方早晚鄼侯能薦達鋒

車好促舍人裝從曹秋岳少司農起三四廣東左轄五六左轄功成結句祝其賜環也〔晉書王坦之傳〕江東獨步王

文度才子見功臣圖歌〔漢書功臣表〕平陽懿侯曹參一後漢書蔡邕傳一補侍御史又遷侍書御史遷尚書三日之間周歷三臺一

杜詩一登臨憶侍郎五管見送顧蒨來清秋見送耿中丞〔周禮掌節注〕一使節使卿大夫聘於天子諸侯行道所執之信也〔張如

哉曰一清秋當是秋清對下風靜百蠻見送杜欽武〔徐鼎臣詩〕今朝池口風波靜胡床見楚兩生行〔一統志〕珠官廢縣在廉州

府合浦縣南〔書〕任土作貢〔漢書食貨志〕彭吳穿穢貉朝鮮置滄海郡〔一統志〕廣西慶遠府秦象郡地休兵見養〔詩〕天子命我

城彼朔方〔漢書蕭何傳〕上以何功最盛先封為鄼侯何病上親自臨視因問曰君即百歲後誰可代君曹參何如何頓首曰帝得之

矣薦達見送王惟夏北行（五言書輿服志）追鋒之名蓋取其迅速也（漢書曹參傳）蕭何薨參聞之告舍人趣治行吾且入相居無何使者果召參（師古曰）舍人猶家人也趣讀曰促謂速也治行謂修行治裝也

其二

秋風匹馬尉佗城銅鼓西來正苦兵萬里虞翻空遠宦十年楊僕自專征山連鳥道天應盡日落蠻江浪未平此去好看宣室召漢皇前

席問蒼生

此首從苦兵用意正字空字自字天應盡浪未平好看字俱能運實於虛結句與前首意同○秋風匹馬見送趙友

沂（一統志）番禺故城今廣州府南海縣治（漢書地理志）南海郡治番禺縣尉佗都（廣東通志）趙佗城在南海縣治東秦任囂所築

佗益廣之銅鼓見壽陸孟鼂虞翻見閩園序遠宦見短歌楊僕見寄芮公序專征見夜宿阜昌鳥道見閩州行（高達夫詩）

外長天盡（劉夢得詩）十見蠻江白芷生（羊士謩詩）津柳江楓白浪平（三輔黃圖）宣室未央殿正室也（史記賈生傳）

文帝方受釐坐宣室因感鬼神事而問鬼神之本賈生因具道所以然之狀至夜半文帝前席（按李義山詩）宣室求賢訪逐臣賈生才

調更無倫可憐夜半虛前席不問蒼生問鬼神此反用之

其三

銅柱天南起暮笳蒼山不斷火雲遮羅浮客到花爲夢庾嶺書來雁是家五月蠻村供白越千年仙竇訪丹砂炎州百口堪同住莫遣閒

愁感鬢華

此首屬其隨遇而安是道義相期處○銅柱見送顧備來
劉文房詩暮笳吹塞月
儲光義詩雨雲浮蒼山火

雲見遇南廂園叟 第三句見送龔孝升 庚嶺見嘆王子彦
蘇詩一爛熳葵羹斟桂醕風流可惜在蠻村
後漢書馬后紀注一

越越布
王子安浮惠寺碑
山童采葛入丹竇而忘歸丹砂見送
周子俊
劉文房詩
炎州百口住
李義山詩
莫遣佳期更後

期
杜彥之詩
有底閒愁得到
心
梁簡文帝詩
釵落鬢華空

其四

懸瀑丹崖萬仞流越王臺上月輪秋江湖家在堪回首京國人多獨

倚樓海外文章龍變化日南風俗鳥鞞轉知君此地登臨罷追憶平

生話少游此首代秋岳設想五六足稱高唱○
韓詩懸瀑垂天紳
丹崖見歸雲洞萬仞見臨江參軍
按左太冲詩
振衣千

仞岡灌足萬里流此合用之
一統志
越秀山在番禺縣北城跨
其上聳拔二十餘丈上有越王臺故址山一名越王山
李詩
峨眉

山月半輪秋
京國見送趙友沂
杜詩
行藏獨倚樓
一茗溪漁
隱叢話
一東坡自南遷以後詩全類子美夔州以後詩正所謂老而

嚴者也
子由云東坡謫居儋耳獨喜為詩精鍊華妙不見老人衰憊
之氣魯直亦云東坡嶺外文字讀之使人耳目聰明如清風自外來

也
楚辭
蛟龍隱其文章
張平子
西京賦
若神龍之變化
日南
見閩州行
唐本草
鷓鴣生江南鳴云
軫輟格磔
子思舊銘

追憶平生宛然心目
後漢書馬援傳
援平交阯從容謂官屬曰
吾
從弟少游嘗哀吾慷慨多大志曰
士生一世但取衣食裁足致求盈

餘但自苦耳當吾在浪泊西里間虜未滅之時下潦上霧毒氣
熏蒸仰視飛鳶跼跼墮水中臥念少游平生時語何可得也

送楊猶龍學士按察山西〔儀行集〕楊思聖字猶龍直隸鉅鹿人〔國朝詩別裁集〕猶龍順治丙

戌進士著有且亭集〔山西通志〕按察使楊思聖順治年任

碧山學士起巖裝新把牙旌下太行玉塵開尊從將吏銀毫判牒喜

文章三關日落凝笳吹千騎風流出射堂憶賜錦袍天上暖西游早

拂雁門霜首句學士次句按察山西三四從按察點入學士後半首學士按察合說○〔杜詩〕碧山學士焚銀魚〔按嘉興府志〕黃葵陽有碧山學士寬頌堂又名其居曰碧山居名其集曰碧山集則碧山蓋學士之美稱〔後漢書清河王慶傳〕常夜分嚴裝

〔張平子〕東京賦〕牙旗繽紛〔薛綜注〕牙旗者將軍之旌竿上以象牙飾之太行見又咏古 玉塵見後東臯歌注開尊見後東臯歌將吏見贈家待御〔陸務觀詩〕銀毫地綠茶膏潤〔韻增〕官府移文謂之牒〔退之〕送浮屠文暢序〕喜文章 三關見代州笳吹見謁張

石平千騎見雕橋莊歌〔子山春賦〕分朋入射堂〔筆談〕宋銀臺司兼門下封駁乃給事中之職初冬獨賜翠毛錦袍天上見題凌

烟圖〔史記〕范雎傳〕王稽問魏有賢人可與俱西游者乎雁門見雁門尚書行

其二

一天涼影散鳴珂落木平沙雁度河北地詩名三輔少西風客思五

原多紫貂被酒雲中火鐵笛迎秋塞上歌回首禁城從獵處千山殘

雪滿滹沱此首多從山西說不脫學士意○〔柳道傳詩〕舉頭涼影動〔徐孝穆詩〕飛蓋響鳴珂〔按〕琴曲有平沙落雁

吳詩集覽卷十三下

十四中華書局聚

〔盧昇之詩〕五營屯北地三輔見退谷歌〔張如哉曰〕明李夢陽北地人與何景明齊名世稱何李此借比楊猶龍猶龍北人在畿內故

云三輔少〔謝元暉詩〕客思眇難裁〔漢書武帝紀〕元朔二年置五原郡〔地理志〕五原郡治九原縣〔一統志〕忻州九原故城後漢

僑置縣於此〔又〕外藩蒙古九原故城在吳喇忒旗北漢朔方之東北雲中之西今套北黃河東流處也五原故城在故九原城西

歐陽永叔詩〔紫貂裘暖朔風驚被酒見即事第八首雲中見雁門尚書行〔盧允言詩〕野戍雲藏火 鐵笛見避亂〔月令〕孟秋之月

以迎秋于西郊〔陳伯玉詩〕長謠塞上風 〔杜詩〕禁城春色曉蒼蒼從獵見讚佛詩 千山見贈願雲師殘雪見過鄭州溇沱見讀西

臺記

送王藉茅學士按察浙江〔浙江通志〕提刑按察使王无咎字藉茅河南孟津人順治十三年任

〔河南府志〕王无咎丙戌會魁 歷侍讀學士江南右布政使

始興門第故人稀才子傳家典北扉畫省日移花更發御溝春過柳

成圍江湖宦蹟飄蓬轉嵩少鄉心旅雁飛重到冶城開戟地豈堪還

問舊烏衣起從王字點入學士三四學士按察也五句是按察浙江六句是藉茅故里仍用王字作結〔按〕才子傳家治城開

戟與其二之江左故吏王家書畫藉茅蓋王覺斯鐸之子也鐸于南渡時已官尚書故兩首結句多用嘆息語耳○始興見觀通天帖一

李嘉祐詩一轉覽故人稀 〔夢溪筆談〕學士院北扉者為其在浴堂之南便於應召 畫省見弔衛紫岫〔顧渠清曰〕日移字暗用花

磚入直意 唐試帖有御溝新柳詩柳十圍已成圍并見西田和韻飄蓬見江樓別字令 〔宋史〕張宗晦傳 嵩少伊瀍天下佳處一

按一嵩少謂嵩山少室山也鄉心見送何省齋何仲言詩霜洲渡
旅雁杜牧之詩重到笙歌分散地一統志冷城在上元縣西

按開戟猶列戟也見壽龔
芝麓注烏衣見白燕吟

其二

訟堂閒嘯聽流鶯十載東南憶避兵江左湖山多故吏王家書畫豈

虛名從容簿領詩還就料理烟霞政自成欲過會稽尋禊事斷碑春

草曲池平前首從學士起此首從按浙起避兵二字妙有含蓄○訟堂見贈楊仲延釋清鑿詩閱嘯兩三聲按詩意亦用

成瑨坐嘯見寄芮公註流鶯見鶯湖曲避兵見東萊行江左見

送子儆青瑀漢書尹翁歸傳田延年為河東太守悉召故吏五六
十人王家書畫見觀通天帖史記平原君傳以虛名得君君必
勿聽也簿領見送沈繹堂料理見卽事其七烟霞見讀西臺記

蘭亭序會於會稽山陰之蘭亭修禊事也斷碑見東萊行
春草見老妓行桓子新論雍門周曰高臺既以傾曲池既以平

魏環極送同年王藉茅復補涼州分憲詩江東雲物等閒過又看
征車渡渭河一代風流詞賦老頻年閱歷苦辛多防秋漢使瞻鴻

鴈入款番人貢臺駝不負生
成今日事玉門長嘯記恩波

送當湖馬覲揚備兵岢嵐一統志當湖在嘉興府平湖縣東
門外岢嵐州在太原府西北三百二

十里山西通志岢嵐兵備道馬燔
曾浙江平湖人進士順治十三年任

絕塞驅車出定羌洗兵空磧散牛羊黃河盡處無征戰紫燕飛時敢

望鄉獨客登臨傷廢壘前人心力困危疆 君恩不遣邊臣苦高臥

荒城對夕陽 多從崑崙落想○(駱賓王詩)交河浮絕塞驅車見下相懷古(一)統志定羌廢縣在河州東南宋熙寧七年

改河諾城為定羌城元升為縣元末廢 (按)河州今屬甘肅蘭州府馬或由蘭州遷崑崙兵備與俟考 洗兵見送志衍(王詩)暮雲空

蹟時駟馬 (一)統志黃河在興縣西五十里自保德州南流入又南入汾州府臨縣界西岸為陝西界 (常建詩)天涯盡處無征戰

(顧逋翁詩)紫燕西飛欲寄書(岑文本詩)暫緩望鄉情 廢壘見 遇南廂園叟 心力見警清湖序(按)此句應指山西巡撫蔡懋德

(公羊傳)邊垂之臣 (王詩) 一荒城臨古渡夕陽見西田詩

送王孝源備兵山西 (山西通志)雁平兵備道王天眷山 東濟寧州人進士順治十三年任

秋盡黃河氣欲收千山雪色照并州 鷗盤落木蒼崖壯馬蹴層冰斷

澗流父老壺關迎節使將軍廣武取封侯 雍容賓佐資譚笑吹笛城

南月夜樓 多從山西落想結句暗用劉越石清嘯事○(一)統志山西薄於河自陝西榆林東北折而南經廢東勝州又南

經大同太原汾州平陽四府至蒲州府西南折而東入河南懷慶府界 千山見贈顧雲師并州見鐵獅歌 (陸務觀詩)百金戰袍雕

鷗盤 (按)詩意謂盤旋之盤如沈休文蛟螭盤其下之類蒼崖見臨江參軍 (杜詩)交河幾蹴層冰裂(水經注)斷澗為城 壺關老

見送郭宮贊節使見即事其十 廣武見贈馮訥生(張如哉曰)按史記劉敬傳高祖械繫敬廣武至平城匈奴圍帝白登七日然後得

解帝至廣武赦敬曰不用公言以困平城迺封敬為關內侯敬因勸帝與匈奴和親妻以長公主廣武句翻用此事取字借用淮陰侯羞

與絳灌伍雍容見送施愚山宋史太祖紀擊堦為賓
佐令錄者各一人譚笑見越南廂園叟吹笛見琵琶行

送同年江右朱遂初憲副固原江西通志崇禎四年辛未進
朱徽進賢人國朝固原副

使一統志固原州在平涼府西北一百七十里

銜杯落日指雕鞍渭北燕南兩地看士馬河隍征戰罷弟兄關塞別

離難荒祠黑水龍湫暗絕坂丹崖鳥道盤錯認故京還咫尺幾人遷

客近長安首句是送字次句略點固原三句固原四句同年五六指
既到固原以後結句即兩地看之意妙有別趣○一劉伯倫

酒德頌一銜杯激醪李詩花月醉雕鞍杜詩渭北春天樹

燕南見過鄭州注後漢書鄭太傳今資之士馬河隍見贈吳雲

航征戰見送馬觀揚關塞見舊劍杜詩人世別離難荒祠見

游西灣書黑水西河惟雍州一統志黑水在固原州北朝那湫

在固原州西南史記封禪書湫淵祠朝那明統志湫有二一在

縣東十五里一在縣西北二十里土人謂之東海西海按固原州

明洪武初降為開成縣固原州志西海北岸有廟舊傳祭龍神潤

澤侯處東海岸有廟一統志隴山在平涼府華亭縣西秦州

青水縣東與鳳翔府隴州接界一名隴坂辛氏二秦記其坂九迴

不知高幾許欲上者七日乃得越丹崖見歸雲洞鳥道見闕州行

其二

後漢書杜篤傳表裏山河先帝靈京
咫尺見送何省齋遷客見琵琶行

清秋柳陌響朱輪帳下班聲到近臣萬里河源通大夏七盤山勢控

新秦按七應北庭將在黃驄老西海僧來白象馴最喜安邊真節使

君恩深處少風塵起結皆送字意中四句就固原說三四山川五六人物也○清秋見贈家侍御柳陌見送李書雲朱

輪見送堵伊令帳下見臨江參軍左傳襄十八年聽班馬之聲

河源見雜感第三首史記大宛傳張騫從月氏至大夏鹽澤潛

行地下其南則河源出焉通志大六盤山在固原州西南七十

里山路險仄曲折峻阻盤旋而上古謂之絡盤道按六盤於固原

為切若七盤山在西安府藍田縣南七盤嶺在四川保寧府廣元縣

與陝西寧羌州接界即閬州行之金牛盤七坂是也去固原差遠矣

漢書食貨志徙貧民於關中以西及充朔方以南新秦中七十餘

萬口唐書地理志靈州新秦縣開元二年置杜詩一月過北庭

塞故老思飛將黃驄見次走馬詩史記大宛傳于寘之西則水

皆西流注西海其東水東流注鹽澤陳敬宗詩青貌白象三千界

漢書趙充國傳選擇良吏拊循和輯此全師保勝安邊之冊

其三

白草原頭驛路微十年踪跡是耶非月明函谷朝雞遠木落蕭關塞

馬肥便道江城鄉思急故人京洛諫書稀一官漂泊知何恨老大匡

山未拂衣此首是遂初意中語是耶非知何恨起結相應中四句是

望京師統志白草原在臨洮府金縣南二十里岑參詩西原

驛路掛城頭李夫人歌是耶非耶史記孟嘗君傳夜半至

函谷關關法雞鳴而出客統志秦函關在漢宏農縣即今陝州

靈寶縣界武帝元鼎三年徙於新安縣界王介甫詞敝眠似聽朝

雞早蕭關見玉京墓塞馬見送友人出塞〔杜詩〕秋高馬肥健

〔漢書〕鄧都傳便道之官得以便宜從事〔李詩〕江城五月落梅花

〔白詩〕鄉思急於弦〔張正言詩〕故人京洛滿〔岑參詩〕自覺諫

書稀〔杜詩〕何恨倚山木〔又〕老大徒傷未拂衣〔一統志〕廬山

一名匡山見贈蒼雪

其四

長將詩酒付奚囊〔程迓亭曰〕酒應作句此去征途被急裝首着金鞍調白馬

梅花鐵笛奏青羌涼州水草軍營盛漢代亭臺獵火荒往事功名歸

衛霍書生垂老玉門霜詩酒書生起結相應中四句就固原說其三

〔柳道傳詩〕正為先生行役苦故留鐵玉薦奚囊〔杜詩〕宛馬總肥

羽〔漢書〕趙充國傳將軍急裝因天時誅不義〔杜詩〕宛馬總肥

秦首着〔王少伯詩〕白馬金鞍從武皇梅花鐵笛見過鐵崖墓青

羌見贈家侍御〔一統志〕涼州府在甘肅布政使司西北五百六

十里漢武帝開置武威郡魏文帝分置涼州〔十道志〕焉支山美水

草軍營見寄芮公序獵火見長安雜詠〔駱賓王詩〕俄聞衛霍

有功勳〔按〕衛青霍去病也書生見壽冀芝麓垂老見短歌玉門

見行路難〔張如哉曰〕未句用班超傳書生即布衣諸生垂老即今

且七十玉門關意生入玉門關意

吳詩集覽卷十二下

尚書書主筆於王西謂卷六世直筆其一體其有其○
 所外雖言奏青美取依太草軍營規畫分亭臺燧火荒由專內各編
 是欲請圖竹矣卷六世直筆其一體其有其○

其四

其五

其五
其六
其七
其八
其九
其十
其十一
其十二
其十三
其十四
其十五
其十六
其十七
其十八
其十九
其二十

吳詩集覽卷十四上

黎城靳榮藩介人輯

七言律詩四之上

七夕感事或云為孔女四貞作

天上人間總玉京今年牛女倍分明畫圖紅粉深宮恨砧杵金闈瘴

海情南國綠珠辭故主北邙黃鳥送傾城憑君試問雕陵鵲一種銀

河風浪生此首言離別之感貴賤咸同也未詳所指○百詩天上人間會相見枕中書元都玉京七寶山遇迴九萬里在

大羅天之上隋煬帝詩牛女尚分明古子夜秋歌萬結砧杵勞

面紅粉見送李雲田深宮見讚佛詩古子夜秋歌萬結砧杵勞

金閨見元夕韓詩今日相逢瘴海頭曹詩南國有佳人綠珠

見老妓行杜詩敢為故林主北邙見送子儂青瑤左傳文六

年秦以子車氏之二子為殉皆國之良也國人哀之為之賦黃鳥傾城見永和宮詞曹夢徵詩憑君莫話封侯事莊子莊周遊乎

雕陵之樊覩一異鶻自南方來者翼廣七尺目大渾寸感周之額而集於栗林庚子慎詩倩語雕陵鵲填河未可飛銀河見青門曲

杜詩牛女年年渡何曾風浪生

和楊鐵崖天寶遺事詩按顧仲瑛有天寶宮詞十二首寓感草堂雅集本作唐宮詞次鐵崖先生無

題韻十首

漢主秋宵宴上林延年供奉漏沉沉給來妙服裁文錦賞就新聲賜

餅金鵲鵲風微清笛迴蒲萄月落畫弦深明朝曼倩思言事日午君

王駕未臨此兩首可補唐宮詞義取諷諫○王詩漢主離宮接露臺延年見吳

志衍供奉見王郎曲令狐毅士詩仙漏更沉沉宋玉神女賦極服妙采照萬方漢書貨殖傳富者土木被文錦新聲見楚兩

生行序韓致光詩不知侍女簾幕外賸取君王幾餅金鵲鵲見殿上行杜詩宮殿風微燕雀高傅綽笛賦聽清笛笛之寥亮崔

顛詩棠梨宮中燕初至蒲萄館裏花正開李長吉詩畫弦素管聲淺繁曼倩見讚佛詩注後漢書明帝紀其言事者靡有所諱

宵苦短日高起從此君王不早朝末句用其意司空表聖詩春晴日午前按長恨歌春

其二

複道笙歌幾處通博山香裊綺疏中檀槽豈出龜茲伎龜茲音丘慈玉笛

非關于闐工浩唱扇低槐市月緩聲衫動石頭風霓裳本是人間曲

天上吹來便不同與前首同意結句蘊藉之甚○史記秦始皇紀複道甬道相連笙歌見青門曲博山見行路難

揮塵後錄臺上爐香裊翠烟後漢書梁冀傳窗牖皆綺疏青瑣檀槽龜茲見琵琶行集異記明皇與葉法善遊月宮回過潞

州城上以玉笛奏曲旬餘潞州奏八月望夜有天樂臨城漢書西域傳一河有兩源一出葱嶺一出于闐梁書于闐國傳有水出玉

名曰玉河浩唱見鑿清湖李義山詩賺得羊車來低扇遮黃子槐市見行路難古樂府有前緩聲歌霓裳見永和宮詞

詩一此曲祇應天上有一杜
子野詩一纔有梅花便不同

西清詩話云歐陽公歸田錄論王建霓裳詞弟子部中留一色聽
風聽水作霓裳以不曉聽風聽水為恨余嘗觀唐人西域記云龜

茲國王與臣庶知樂者於大山間聽風水之聲均節成音後翻入
中國如伊州涼州甘州皆龜茲至也此說近之但不及霓裳耳鄭

嶠津陽門詩注葉法善引明皇入月宮聞樂歸笛寫其半會西涼
府楊敬遠進婆羅門曲聲調迥合按之便韻乃合二者製霓裳羽

衣曲則知霓裳亦來自西域云蔡寬夫詩話云唐有兩霓裳曲開
成初尉遲璋嘗做古作霓裳羽衣曲以獻詔以曲名賜貢院為題

此自一曲也按黃東崖和答梅村有云法曲
淒涼涕淚橫此二首似有所感耳故次於此

送少司空傅夢禎還嵩山按河南府志傅景星登封人崇禎
丁丑進士歷任都察院左副都御史

或曾任工部侍郎而志佚之又不可
載其字與侯考嵩山見送沈繹堂

高臥千峯鎖暮霞洛城春盡自飛花銅仙露冷宮門草玉女臺荒洞

口沙被褐盧鴻仍拜 詔賜金疏受早還家西巡擬上登封頌抱犢

山莊候翠華杜子美遊龍門奉先寺而起句云已從招提遊便省却
半篇文字此送傅司空還山而直從高臥千峯起亦省

却許多情話矣後半首是以司空還山者洛城登封點染嵩山○高
臥見退谷歌千峯見西田詩江詩崦嵫生暮霞李詩散入春

風滿洛城子孟詩林臥愁春盡飛花見銀泉山李長吉金銅仙
人辭漢歌序魏明帝青龍元年八月詔宮官牽車西取孝武捧露

盤仙人欲立置前殿宮官既拆盤仙人臨載乃潸然泣下按歌內
有空將漢月出宮門之句杜詩露冷蓮房墜粉紅按河南府

吳詩集覽卷十四上 一一中華書局聚

志一太室山有天门石樓玉女牕其山二十四峯有玉人峯玉女峯而不載玉女臺一統志集仙臺在登封縣東北亦不載玉女臺也

嵩高山山記山北有玉女三臺漢武於此見三仙女故名一張漢河南府續志登封玉女臺見水經注則非牕與峯及集仙臺矣漢武

事近傳會故一統志不書耳實守記緱氏有八風溪溪水南流岸有沙細潤可以澡濯隋代常進後宮雜以香藥曰玉女沙按緱氏

山在河南偃師縣南與詩意不合詩當指玉女臺外之沙耳一家語子路曰有人于此被褐而懷玉何如唐書盧鴻傳字顥然盧

嵩山開元初徵拜諫議大夫固辭還山賜隱居服漢書疏廣傳兄子受字公子父子並為師傅俱移病上以其年篤老皆許之加賜

黃金二十斤按崔亭伯有西巡頌史記武帝紀遂東幸緱氏禮中嶽太室從官在山下聞若有言萬歲云于是以三百戶封太室奉

祠命曰崇高邑一統志密高故城今登封縣治密古崇字王詩上山頭兮抱犢山莊見雕橋莊歌上林賦建翠華之旅

夜宿蒙陰

客行杖策魯城邊訪俗春風百里天蒙嶺出泉茶辨性龜田加火穀

占年野蠶養就都成繭村酒沽來不費錢我亦山東狂李白倦游好

覓主家眠三四工巧絕倫客行倦游起結相應○杖策字出後漢書鄧禹傳左大冲詩策杖招隱士左傳哀十七年公會

齊侯于蒙一註蒙在東莞蒙陰縣西故蒙陰城也一統志蒙陰故城春秋魯蒙邑袁伯長詩訪俗感素心一統志蒙山在蒙陰

縣南一易山下出泉蒙水經注蒙水出蒙山之陰一統志蒙頂茶出費縣蒙山巔其花如茶狀土人取而製之其味清香異他茶

一春秋定十年齊人來歸鄆灌霸陰田一統志蒙山高峯數處俗以在西者為龜蒙中央者為雲蒙在東者為東蒙其實一山未嘗中

斷崖山自在新泰縣境其北有沃壤所謂龜陰之田也一晉書食貨志一往者東南草創人稀故得火田之利柳子厚詩雞骨占年拜

水神後漢書光武帝紀野蠶成繭被于山阜一統志蒙陰縣出繭紬村酒見送李友梅杜詩汝與山東李白好史記

司馬相如傳長卿故倦游杜詩李白斗酒詩百篇長安市上酒家眠

或曰舊唐書白山東人父為任城尉因家焉錢希逸南部新書亦同元微之作杜工部墓誌亦云山東人李白蓋白隱于徂徠時人

皆以山東稱之故杜詩亦曰山東李白曾鞏以舊史書為誤非也按梅村送施愚山詩云李白遊山東可以息諸家聚訟楊升菴據

李陽水魏顛序欲以為東山李白亦好奇之過與

剡城曉發一統志剡城縣在沂州府北一百二十里

匹馬孤城望眼愁雞聲喔喔曉烟收魯山將斷雲不斷沂水欲流沙

未流野戍淒涼經喪亂殘民零落困誅求他鄉已過故鄉遠屈指歸

期二月頭三四工絕結句入妙蘇詩望眼儘從飛鳥遠喔喔見九峯草堂歌盧允言詩曉烟浮雪野一統志魯

山在蒙陰縣北一百六十里又沂水源出蒙陰縣北南流經沂水縣西庚詩野戍孤烟起殘民見高郵道中誅求見遇南廂

園叟屈指見松鼠補註李詩何日是歸期

前首云訪俗春風百里天此首云屈指歸期二月頭可以考見梅村南歸之月日張如哉曰遇南廂園叟云四月到金陵此云歸

期二月頭蓋梅村赴召在癸巳四月南歸在丁酉二月攀清湖詩序所云比三載得歸也

聞台州警（一統志）台州府在浙江布政使司東南五百七十七里（明史魯王檀傳）肅王壽鏞薨子以派嗣崇禎

十二年（大清兵克兗州被執死第以海轉徙台州張國維等迎居於紹興（又張國維傳）南都覆踰月潞王監國於

杭州不數日出降閏六月國維朝魯王於台州請王監國即日移駐紹興順治三年五月諸軍乏餉潰王走台州航海（

按一此詩次於宿蒙陰發剡城之後距以海航海之日遠矣一統志順治十四年海寇陷城黃巖知縣劉登科不屈賊縛

投三江水中詩蓋作於此時與

高灘響急峭帆收橘柚人烟對鬱洲天際燕飛黃石嶺雲中大吠赤

城樓投戈將士逍遙臥橫笛漁翁縹緲愁聞說天台踰萬丈可容長

嘯碧峯頭將台州警三字合寫故能入妙（楊誠齋詩）前頭不怕過高灘峭帆見贈穆苑先（李詩）人烟寒橘柚鬱洲見

老妓行（按）天際燕飛暗用張燕事見哭志衍注（一統志）玉峴山在台州府臨海縣東一百七十里舊名黃石（北齊書樊遜傳）淮

南成道大吠雲中赤城見壽王鑑明（洞天福地記）第六赤城洞周迴三百里名上玉清平之天在台州唐興縣投戈見送友人往真

定（後漢書光武紀）於是大饗將士逍遙見避亂（杜詩）橫笛短簫悲遠天漁翁見題代笠縹緲見讚佛詩（陶通明真誥）天台山

高一萬八千丈（後漢書向棟傳）不好言語而好長嘯（陸敬輿詩）全勝老碧峯

其二

野哭山深叫杜鵑閩風臺畔羽書傳軍捫絕磴松根火士接飛流馬

上泉雁積稻梁池萬頃猿知擊刺劍千年桃花好種今誰種從此人

間少洞天與前首同一筆法而新警過之○野哭見揚州一李文山詩一落日深山哭杜鵑一統志閩風臺在台州府寧

海縣北五十里羽書見與友人譚遺事絕磴見寄周芮公一常建詩一傍依枯松根遊天台山賦瀑布飛流以界道一統志瀑

布山在天台縣西四十里杜詩君看隨陽雁各有稻梁謀按雁宕山在温州府樂清縣東九十里樂清縣與仙居黃巖縣界

吳越春秋一袁公問于處女吾聞子善劍願一見之女子曰妾不敢有所隱惟女試之袁公則飛上樹變為白猿史記日者傳齊張仲曲

成侯以善擊刺學用劍立名天下唐入本事詩胡麻好種無人種張如哉曰桃花用劉阮事茅君內傳大天之內有地之洞

天三十六所乃真仙所居廣輿記天台山舊稱金庭洞天

其三

天門中斷接危梁玉館金庭跡渺茫石鼓響來開峭壁干將飛去出

滄浪仙家壘是何年築刺史丹無不死方亂後有人還采藥越王餘

算禹餘糧與前兩首同妙○一統志天門山在寧海縣北六十里李詩天門中斷楚江開朱子詩傳石絕水曰梁唐

中宗詩金明披玉館金庭見前首宋峇天台詩霞重嵐深路渺茫一統志石鼓山在臨海縣東一百五里山上有石似鼓兵與

則鳴陳後主詩峭壁聳春林高季迪劍池詩干將欲飛去巖石裂蒼礦滄浪見鑿清湖按吳越春秋湛盧之劍惡闔閭之無道

也乃去而水行如楚楚昭王臥而寤得湛盧之劍于牀拾遺記湛盧之劍飛入于楚一統志台州春秋為越地後屬楚而海在台州府東

故合而翻用之耳臨海記黃巖山上有石驛三面壁立俗傳仙人王方平居此號王公客堂陸士衡辨止論築壘遵渚新唐

書皇甫鎛傳薦方士柳泌為長年藥泌本楊仁晝也習方伎自云能致藥為不死者因言天台山靈仙所舍多異草願官天台求采之

起徒步拜天台刺史驅吏民采藥山谷間鞭笞苛急歲餘無所獲懼詐窮遁去李詩幸遇王子喬口傳不死方采藥見送何省齋

異苑越王餘算生南海水中如竹算子長尺許白者如骨黑者如角古云越王曾於舟中作籌有餘者棄之水生博物志海上有

草焉名節其實食之如大麥七月稔熟名曰自然穀或曰禹餘糧述異記今藥中有禹餘糧者世傳昔禹治水棄其所餘糧於江中

生為藥也

其四

三江木落海天西華頂風高聽鼓擊瀑布洗兵青嶂險石橋通馬白

雲齊途窮鄭老身何竄春去劉郎路總迷最是孤城蕭瑟甚斷虹殘

雨子規啼亦用合寫法蓋瀑布下忽有洗兵字石橋下忽有通馬字皆不經人道過者後半亦工○一統志引台州府志天

台關嶺仙居永安二溪至縣西合流名曰三江環郡城之西南而東流入海按此則三江在海之西也柳子厚詩海天愁思正茫茫

一統志華頂峯在天台縣東北六十里天台第八重最高處鼓鼙見遇劉雪舫一統志石橋山在天台縣北五十里兩山並峙

連亘百里有石梁縣架兩崖間雙澗合流于橋下橋勢峭峻洩為瀑布下臨萬仞孫興公賦跨穹窿之懸磴臨萬丈之絕冥謂此洗

兵見送志衍沈休文詩峻嶒起青嶂按通馬如桃花源記初極俠纔通人之通劉文房詩孤城上與白雲齊途窮見贈李雲

田〔唐書〕鄭虔傳〔榮陽人安祿山反劫授水部郎中因稱風緩求攝市令潛以密章達靈武賊平貶台州司戶參軍事〕杜詩〔鄭老身仍竄台州信始傳〕幽賦錄〔漢永平五年剡縣劉晨阮肇共入天台迷不得返得山上數桃啖之遂不饑下山〕一大溪邊二女姿質妙絕因要還家留半年既出親舊零落訊問得七世孫〔許仲晦詩〕若指求仙路劉郎與阮郎〔一〕統志〔劉阮洞在天台縣西北二十里〕蕭瑟見臨江參軍〔斷虹殘雨見西田和韻〕沈雲卿詩〔清夜子規啼〕

贈遼左故人

〔程迓〕亭鞏悅〔危談〕遼左故人之爲陳之遴〔舊說〕爲海寧陳彥升相公作時相公盡室遣戍故

作激楚聲贈之〔按〕彥升事見詠山茶花寄懷陳直方及卽事第四首〔晉書〕庾翼傳〔江南將不異遼左矣〕

詔書切責罷三公千里驅車向大東曾募流移畊塞下豈遷豪傑實

關中桑麻亭障行人斷松杏山河戰骨空此去纍臣聞鬼哭可無杯

酒酹西風首二句點題三四襯托遼左五六赴遼左途中所見纍臣與罷三公相應却跟五六說下○〔漢書〕王嘉傳〔因以切責公〕○〔後漢書〕李固傳〔切責三公〕驅車見下相懷古〔詩〕遂荒

大東〔漢書〕晁錯傳〔上從其言募民徙塞下〕流移見松山哀〔史記〕劉敬傳〔臣願陛下徙齊諸田楚昭屈景燕趙韓魏後及豪傑名家居關中〕陳嵩伯詩〔磧地桑麻種不生〕史記〔秦始皇紀〕中築

亭障〔松山見松山哀〕一〔統志〕杏山在錦州府錦縣西南四十里

大凌河小凌河在錦縣東戰骨見蟋蟀益歌〔左傳〕僖二十三年

知營曰以君之靈纍臣得歸骨於晉鬼哭見閬州行〔曹孟德祭橋太尉文〕徂逝之后路有經由不以斗酒隻雞過相沃醑

其二

短轅一哭暮雲低雪窖冰天路慘悽青史幾年朝玉馬白頭何日放

金鷄燕支塞遠春難到木葉山高鳥亂啼百口總行君莫嘆免教少

婦憶遼西聲情并到氣格俱佳彦升全家徙遼左故末二語及之

詩一雲低馬上人宋史朱弁傳數馬角之未生魂銷雪窖攀龍

伯玉詩一昔日殿王子玉馬已朝周金鷄見讚佛詩燕支見詠

山茶花岑參發臨洮詩春風不會到木葉山見吾谷行一杜彥

其三

潦倒南冠顧影慚殘生得失讖瞿曇君恩未許誇前席世路誰能脫

左驂雁去雁來空塞北花開花落自江南可憐庾信多才思關隴鄉

心已不堪此首專指彥升說有一氣渾成之妙潦倒見送何省齋

殘生事遼史禮志悉達太子者西域淨梵王子姓瞿曇氏名釋迦

牟尼以其覺姓稱之曰佛釋迦方志淨飯遠祖捨國修行受瞿曇

姓故佛號瞿曇前席見送曹秋岳世路見呈李太虛史記管

晏傳越石父賢在縲繼中晏子出遭之途解左驂贖之杜牧之

詩一獨孤至之詩不堪花落花開處況是江南江北人周書

庾信傳信雖位望通顯常有鄉關之思乃作哀江南賦以致意云

宋子義山詩可憐庾信尋荒菊南史褚裕之傳好學有才思關

隴見送杜毀武鄉
心見送何省齋

其四

浮生蹤跡總茫然兩拜中書再徙邊儘有温湯堪療疾恰逢靈藥可

延年垂來文鼠裝綿暖射得寒魚入饌鮮只少江南好春色孤山梅

樹罨溪船此首亦指彦升說若為慰藉者而其悲更深○浮生見二
十五日詩蹤跡見遇劉雪舫 [唐書百官志] 中書省中

書令二一人掌佐天子執大政而總判省事 [後漢書安帝紀] 坐徙邊
者各歸本郡 [按梅村女權厝誌] 司農再相謫居瀋陽再徙遼左

[魏書陸麗傳] 和平六年麗療疾於代郡温泉 [按] 一統志昌平州
有温泉一湯泉一遵化州有湯泉一 [李義山詩] 姮娥應悔偷靈

藥 [一統志] 盛京土產人參吉林烏喇皆有之 [本草] 入葠一名
神草久服身輕延年 [王邱授裴敦復中書舍人制] 或學辨文鼠

或詞握靈蛇裝綿見曉發 [李詩] 連弩射海魚入饌見齋 詞名
有江南好 [一統志] 孤山在杭州州府錢塘縣西二里舊多梅罨溪

見贈陳
定生

其五

路出西河望八城保宮老母淚縱橫重圍屢困孤身在垂死翻悲絕

塞行盡室可憐逢將吏生兒真悔作公卿蕭蕭夜半元菟月鶴唳歸

來夢不成 舊說此章專為其太夫人作生兒真悔作公卿與潘黃門
母同感○ [一統志] 遼河在奉天府西一百里 [按] 一統

志奉天府關隘有撫順城在承德縣東京城在遼陽州東北牛莊城在海城縣西熊岳城在蓋平縣西南岫巖城在蓋平縣東打牲烏喇城在吉林烏喇北阿爾楚哈城在白都訥東北三姓城在阿爾楚哈城東二百餘里入城蓋指此〔漢書蘇武傳〕加以老母繫保宮

〔御古曰〕百官公卿表云少府屬官有居室太元初年更名保宮淚縱橫見送沈友聖重圍見壽冀芝麓垂死見松鼠絕塞見送馬

觀揚盡室見送何省齋將吏見贈家侍御〔蘇詩〕但願我兒愚且蠢無災無害到公卿〔按〕此反用之元菟見松山哀鶴唳見

茸城行註〔按〕歸來用丁令威事〔溫飛卿詩〕冰簟銀床夢不成

按彥升夫人徐亦能詩有送方太夫人西還詩蓋從彥升於塞外作也

其六

齊女門前萬里臺傷心砧杵北風哀一官悞汝高門累半子憐渠快婿才失母况經關塞別從夫只好夢魂來摩挲老眼千行淚望斷寒

雲凍不開此首專為直方夫婦而作梅村女誌中丞初以婚請子難之曰物禁太盛陳氏世顯貴庸我耦乎故曰一官悞汝高

門累十有一歲而母郁淑人卒故曰失母况經關塞別子婦不在遣中相國命將幼穉歸故曰從夫只好夢魂來相國子孝廉容永字直

方所謂半子憐渠快婿才也用意懇到○齊女門見咏山茶花〔蘇州府志〕一望齊門東北門也砧杵見七夕感事一官見哭志衍

〔三國志〕賈詡傳男女嫁娶不結高明〔唐書〕回鶻傳今婿半子也〔杜詩〕世亂憐渠小〔北史〕劉延明傳吾有一女欲覓一快女婿

失母見課女關塞見舊劍〔儀禮〕婦人有二從之義既嫁從夫〔孟詩〕相思那得夢魂來摩挲見行路難其六老眼見宮扇〔庚詩〕

獨下千行淚開君萬里書一本子義山詩
高秋望斷正長吟寒雲見遇劉雪舫

春日小園卽席次白林九明府韻小園見閬園序一鎮洋縣志
白登明字林九奉天人由柘

城知縣陞
太倉知州

小築疎籬占綠灣釣竿斜出草堂間柳因見日頻舒眼花爲迎風早

破顏地是廉泉連讓水人如退谷遇香山新詩片石留題在採蕨烹

葵數往還似晚唐南宋人語○小築疎籬見園居宋本詩一百尺吳
船漾綠灣釣竿見馨清湖元詩柳眼渾開盡張

景陽七命一燒樹迎風李詩林吐破顏花廉讓見贈陳青雷
退谷見寄當事諸老其二舊唐書白居易傳與香山僧如滿結香

火社自稱香山居士朝野僉載温子昇作韓陵山寺碑庾信曰
惟有韓陵一片石可共語詩言采其蕨又七月烹葵及菽往

還見雪中遇獵

題畫

芍藥古今注芍藥有二種有草芍藥有木芍藥木者花大而色深俗呼爲牡丹非也

花到春深爛熳紅香來士女踏歌中風知相謔吹芳蒂露恨將離濕

粉叢漬酒穩教顏色異調羹誤許姓名同內家彩筆新成頌肯讓元

暉句自工三四最工○爛熳見海戶曲魏文帝詩清風細雨雜
香來張文潛詩連臂踏歌村市晚詩伊其相謔贈之

吳詩集覽卷十四上七中華書局聚

以勺藥〔字典〕蒂同蒂〔西京賦注〕蒂果鼻也〔韓詩外傳〕芍藥離草也〔古今注〕古人相贈以勺藥相招以文無文無一名當歸芍藥

一名將離故也〔黃文江詩〕開園見粉叢 漬酒見過斬王墓〔羣芳譜〕芍藥渥以黃酒淡紅者悉成深紅 〔司馬長卿子虛賦〕芍藥之

和具而後御之〔注〕芍藥音酌略調和也 〔李陽冰太白詩序〕御手調羹以食之〔按〕梁簡文帝七勵離紅之膾芍藥之羹而梅村亦有

食羹調芍藥之句則不止姓名同也 內家見西冷閨咏〔杜詩〕綵筆昔曾干氣象 〔按〕晉傳統妻有芍藥頌〔南史謝朓傳〕字元暉

〔謝元暉詩〕紅藥當階翻

石榴見五律

碧雲翦翦月鈎鈎狼藉珊瑚露未收絳樹憑闌看獨笑綠衣傳火照

梳頭深房莫倚含苞固多子還憐齟齬羞種得萸蒲堪漬酒劉郎花

底拜紅侯題畫六首皆詠物詩別無寓言故以工穩為主 〔韓致光詩〕側側輕寒翦翦風〔梁簡文帝詩〕浮雲似帳月如鈎

狼藉見松鼠〔潘安仁河陽庭前安石榴賦〕若珊瑚之映綠水絳樹見圓圓曲憑闌見送何省齋〔孟東野詩〕昔為同根客今為獨

笑人〔詩〕綠兮衣兮 〔莊子〕火傳也不知其盡也〔杜牧之詩〕似火山榴映小山 〔梁元帝詩〕銀缸影梳頭〔潘正叔安石榴賦〕千

房同蒂〔朱子詩傳〕苞甲而未拆也 〔北史魏收傳〕齊安德王延宗納李祖收女為妃妃母宋氏薦二石榴於帝收曰以石榴房多子

母欲子孫衆多也〔鮑齒見石榴〕萸蒲見西田詩漬酒見斬王墓 〔按〕齊民月令於五月五日以萸蒲屑和酒飲之此詩蓋以五月為

榴花盛時故以萸蒲紀之耳 〔又按〕史記惠景間侯者年表紅侯富楚元王子侯也漢書楚元王傳休侯富免後封紅侯而孝平恩澤

侯表有紅休侯劉歆富與歆皆劉姓也拾遺記吳王以潘夫人遊昭
宣之臺得火齊指環即掛石榴枝上因起臺名曰環榴臺時有諫者
曰吳蜀爭雄還劉之名將為妖矣乃翻其名曰榴環臺梅村以榴通
劉蓋本于拾遺記而攢簇史漢用之耳榴花多紅故云紅侯亦如毛
穎傳之滑稽也或曰劉歆謂紅休之紅音降師古疑紅字當為絳更
有指為虹縣者然春秋昭公八年蒐于紅杜預注蕭縣西有紅亭一
統志紅亭在徐州府蕭縣西南而於虹縣不書紅則即
周春秋地名可矣劉郎用李長吉茂陵劉郎秋風客

洛陽花

〔羣芳譜〕石竹草品纖細而青翠一
云千瓣者名洛陽花草花中佳品也

綠窗昨夜長輕莎玉作欄杆錦覆窠丹纈好描秦氏粉墨痕重點石

家螺翦同翠羽來金谷織並紅羅出絳河千種洛陽名卉在不知須

讓此花多

〔蘇詩〕綠窗朱戶春晝閉〔謝元暉詩〕輕莎
〔杜牧之詩〕晴舞玉欄干〔司空表聖詩〕錦窠

〔蘇詩〕綠窗朱戶春晝閉〔謝元暉詩〕輕莎
〔杜牧之詩〕晴舞玉欄干〔司空表聖詩〕錦窠

不是尋常錦

〔白詩〕紅纈誰家合羅袴〔古今注〕蕭史與秦穆公
鍊飛雪丹第一轉與弄玉塗之今水銀膩粉是也〔李義山詩〕重傅

秦臺粉

〔蘇詩〕每到先看醉墨痕〔杜牧之詩〕石家錦幃依然在
〔洛神賦〕或拾翠羽金谷見老妓行〔西都賦〕紅羅颯纈〔廣

志〕天河亦曰絳河

〔洛陽花木記〕牡丹千葉黃花十種千葉紅
花三十四種千葉紫花十種千葉緋花一種千葉白花四種多葉紅

花三十二種多葉紫花十四種多葉黃花二種芍藥千葉黃花十六
種千葉紫花六種千葉白花二種千葉緋花二種雜花八十二品桃

三十種梅六種杏十六種梨二十七種李二十七種櫻桃十一種石
榴九種林檎九種木瓜五種柰十種刺花三十七種草花八十九種

水花十九種蔓花六種〔蔡君謨詩〕名卉參
差十數窠〔陸魯望詩〕不知原是此花身

吳詩集覽

卷十四上

八 中華書局聚

茉莉〔本草綱目〕穠含草木狀〔作末利〕〔洛陽花木記〕作抹厲〔佛經〕作抹利王翦齡作沒利洪景廬作末麗蓋抹

利本胡語無正字隨人會意而已韋君呼為狎客張叔敏呼為遠客〔楊慎丹鉛錄〕二晉書都人簪奈花即今末利

也花

翦雪裁冰莫浪猜玉人纖手摘將來新泉浸後香恆滿細縷穿成藥

半開愛玩晚涼宜小立護持隔歲為親栽一枝點染東風裏好與新

粧報鏡臺〔中四語〕將養花之法摹寫入妙○〔樓槃詠梅詞〕翦雪裁

〔劉孝威詩〕當由美人摘詎止春風吹〔朱慶餘詩〕一派新泉日

午時〔羣芳譜〕每晚採茉莉花取井花水半杯用物架花其上離水

一二分厚紙密封次日花既可簪以水點茶清香撲鼻其妙〔謝

元暉詩〕細縷竟無織〔羣芳譜〕于念東曰茉莉自夏首至秋杪皆

花開必薄暮半放冉冉作奇香〔杜詩〕晚涼看洗馬〔王介甫詩〕

小立佇幽香〔護持〕見雁門尚書行〔羣芳譜〕收藏茉莉霜時移北

房簷下見日不見霜大寒移入暖處圍以草薦十月入簞中枝頭入

地尺許封蓋嚴密不透風氣為佳春分朝南開一孔通氣立夏後方

可出簞〔方雄飛詩〕寒光隔歲燈〔點染〕見蓉清湖〔新粧〕見鴛湖

閨詠〔梁武陵王蕭紀〕字世詢詩〔屏風〕隱鏡臺〔南方草木狀〕佛書

稱末利亦曰鬢華言堪以飾鬢也

芙蓉

〔羣芳譜〕芙蓉有二種出於水者謂之草芙蓉出於陸者謂之木芙蓉此詠草芙蓉也

細雨橫塘白鷺拳竊紅婀娜向風前千絲衣薄荷同製二醉顏酡柳

共眠水殿曉涼粧徒倚玉河春淺共遷延涉江好把芳名認錯讀陳

王賦一篇三四襯托入妙○〔杜詩〕細雨魚兒出橫塘見圓圓曲白一足獨拳寒雨裏

〔轉注古音略〕竊卽古淺字九扈中竊丹淺赤也〔按〕左傳昭十七年九扈爲九農正〔杜注〕扈有九種棘扈竊丹〔程迓亭曰〕竊卽

淺字〔晏叔原詩〕幾翻分破淺深紅婀娜見王郎曲 千絲見無題

〔楚辭〕製芰荷以爲衣兮襲芙蓉以爲裳 〔羣芳譜〕王敬美曰芙蓉特宜水際有曰三醉者一日間凡三換色〔楚辭〕朱顏酩些〔三輔故事〕漢苑中有柳狀如人形號曰人柳一日三眠二起 〔王少

伯詩〕芙蓉不及美人粧水殿風來珠翠香〔李長吉詩〕曉涼暮涼樹如蓋徒倚見西田詩 〔真誥〕晨遊太素宮控駢觀玉河〔白詩〕

可憐春淺遊人少遷延見琴河感舊 〔按〕涉江楚辭篇名〔古詩〕涉江採芙蓉 〔陳思王曹植雜神賦〕迫而察之灼若芙蓉出綠波

〔溫飛卿詩〕悔讀南華第一篇

菊花

夜深銀燭最分明翠葉金鈿認小名故着黃純貪入道却翹紫袖擅

傾城生來豔質何消瘦移近高人恰老成幾度看花花耐久可知花

亦是多情讀此詩愈覺西田賞菊之工其格殊也○夜深銀燭見西田賞菊注 〔漢書〕司馬相如傳揚翠葉机紫莖〔徐孝

穆玉臺新詠序〕反插金鈿橫抽寶樹陸魯望有小名錄王鈿有侍兒小名錄 黃純入道見彈琴歌 〔西京雜記〕戚夫人能爲翹袖

折腰之舞〔許仲晦詩〕綠蔓蔭穠紫袖低 艷質見西田賞菊 會真記詩〕自從消瘦減容光 高人見簡姜明府老成見癸巳禊飲

吳詩集覽 卷十四上 九 中華書局聚

耐久見題祭墨詩一温
飛卿詩一花若有情應悵望

繭虎李孔集曰荆楚歲時記五月五日以艾為虎形或剪綵為小虎帖以艾葉內人爭相戴之

南山五日鏡奩開綵索春葱縛軼材奇物巧從蠶館製內家親見豹

房來越巫辟惡鏤金勝漢將擒生畫玉臺最是繭絲添虎翼難將續

命訴牛哀組織最佳結有別趣○集異記誅南山之虎斬長橋之

白詩一指刺春葱後漢書呂布傳縛虎不得不急史記司馬相如

傳卒然遇軼材之獸又奇物詭譎漢書元后傳注上林苑有

繭觀蓋蠶繭之所也內家見西泠閨咏豹房見洗象圖越巫見

即事續漢禮儀志五月五日朱索五色桃印為門戶飾以止惡氣

二玉燭寶典午節備擬多矣又有日月星辰鳥獸之狀文繡金縷帖

畫貢獻所尊宋書符瑞志晉永和九年春民得金勝一長五寸狀

如織勝一按漢將句暗用光武功臣圖畫雲臺也擒生見雪中遇

獵玉臺新詠見西泠閨詠序國語趙簡子使尹鐸為晉陽請曰

為繭絲乎抑為保障乎韓非子毋為虎傅翼將飛入邑擇人而食

之風土記午日造百索繫臂一名長命縷一名續命縷一名辟
兵縷一名五色縷一名五色絲一名朱索北史馮淑妃名小憐大
穆后從婢也穆后愛衰以五月五日進之號曰續命淮南子牛哀
病七日化為虎其兄
啓戶虎搏而殺之
吳漢槎秋笈集和繭虎薰風妝閣問鍼神五日符懸辟厭新不見
赤刀傳粵兜還從綵勝識雄寅黃衣綴就金猶蹙白額描來繡未
真莫訝使君能化虎繭絲元是負嵎身才展成百未詞梅村作物
幻入詩頗極巧妙予謂其題近於詞為西江月小調足之繭虎云

五道蠶叢初闢三盆虎圈俄修采桑秦女自風流翻學下車馮婦浴罷恰如得子纒成便可封侯綵絲束縛掛釵頭傍向盤龍欲

鬪

茄牛

擊鼓喧闐笑未休泥車瓦狗出同游生成豈比東鄰犢穀棘何來孺

子牛老圃盤飧誇特殺太牢滋味入常羞看他諸葛貪游戲苦鬪兒

曹巧運籌將題內二字合寫妙能自然○擊鼓見卽事權載之詩泥車瓦狗

見虎邱夜集圖國語世同居少同游易東鄰殺牛不如西鄰之禴祭實受其福左傳哀六年鮑子曰女忘君之為孺子牛而

折其齒乎杜注孺子茶也景公嘗銜繩為牛使茶牽之茶頓地故折其齒盤飧見避亂書傳特一牛也王子淵聖主得賢臣頌羹藜合糗者不足與論太牢之滋味杜詩勅厨倍常羞三國志諸葛亮傳木牛流馬皆出其意游戲見讚佛詩兒曹見松

鼠史記高祖紀夫運籌策帷帳之中

尤展成茄牛云小菜放於牧野太牢起自田家樊遲老圃大開衙演出伯牛司馬入甕莫愁穀棘着鞭却喜了兒兒童牽線笑喧

華唱到夕陽來下

養鶴本草綱目勸魚出東南海中狀如鱒魚小首細鱗頭上有骨合之如鶴喙形乾者謂之勸養

丁令歸來寄素書羽毛零落待何如雲霄豈有鋪糟計飲啄寧關逐

吳詩集覽卷十四上十一中華書局聚

臭餘雪比撒鹽堆勁翻蟻旋封垤附專車秦皇跨鶴思仙去死骨何

因葬鮑魚亦以合寫見奇○遼史地理志鶴野縣本漢居就縣地渤海為鷄山縣昔丁令威家此去家千年化鶴歸來集于

華表柱以珠畫表云有鳥有鳥丁令威去家千年今來歸城郭雖是人民非何不學仙塚壘壘張如哉曰寄素書用呼童烹鯉魚中有

尺素書串入養字兼用鶴書赴隴語羽毛見白燕吟零落見避亂晉書熊遠傳攀龍附鳳翱翔雲霄楚辭衆人皆醉何不哺其

糟而歡其醪飲豕見雞山曹子建與楊修書海畔有逐臭之夫世說謝太傅寒雪日內集曰白雪紛紛何所似兄子胡兒曰撒

鹽空中差可擬傅休奕鷹賦勁翻一六廣韻垤蟻封也陸佃曰蟻場謂之坻亦謂之垤專車見二十五日詩史記秦始皇紀

二十八年遣徐市發童男女數千人入海求仙人三十七年始皇崩于沙邱平臺棺載輜涼車中會暑上輜車臭乃詔從官令車載一石

鮑魚以亂其臭雲笈七籤若求跨鶴昇九霄未易致也

吳漢槎和養鶴云玲瓏玉骨倚風疎莫向綸竿怨豫且散雪豈能伴皎鶴凌雲何意起枯魚身餘刀俎腥猶在寵待軒輝翅自舒誰

道波臣非羽駕琴高赤鯉亦騰虛尤展成養鶴云聞說枯魚欲泣何為化鶴來歸霓裳玉珮自清輝入肆終慚形穢北海已成

速朽南山幾見高飛鯉鵬變化是耶非小作逍遙遊戲

蟬猴

仙蛻誰傳不死方最高枝處憶同行移將吸露迎風意作就輕軀細骨粧薄鬢影如逢越女斷腸聲豈怨齊王內家近作通侯相賜出貂

蟬傲粉郎

後四句更佳○蟬蛻見送何省齋不死方見聞台州警
劉夢得詩清猿啼上最高枝同行見圓圓曲（莊子）

吸風飲露

楊子孟載詩細骨輕軀不耐風（古今注）魏文帝宮

人莫瓊樹

始製為蟬鬢挈之縹緲如蟬翼（按）越女蓋用吳越春秋

處女袁公

事見聞天台警第二首（世說）桓温入蜀至三峽中部

伍有得猿子

者其母緣岸哀號行百餘里不去視其腹中腸皆寸斷

女

內家見西泠閨詠通侯見楚兩生序（漢書劉向傳）青紫貂

蟬充盈幄內

沈雲

御詩

盈盈粉署郎

吳漢槎

和蟬候云自許孤高飲露盤求林誰作野賓看只憐風外

吟枝穩

那識雲邊嘯侶寒無口詎霑巴客淚有綫宜着楚人冠君

身可是

孫供奉一賜金貂認欲難尤展成蟬候云齊女一朝怨

死王孫

再世嬉游三聲哀叫斷腸秋却恨當年無口跳擲不憂

螳臂沸羹

早北羊頭從來蟬

晁拜通侯

問是沐猴冠否

蘆筆

採箬編蒲課筆耕織簾居士擅書名掃來魯壁枯難用焚就秦灰煮

不成飛白夜窗花入夢草元秋閣雁銜橫中山本是盧郎宅錯認移

封號管城

合寫入妙○本草一曰蘆葉生南方平澤根莖

皆似小竹

葉與籜似蘆菴漢書路温舒傳取澤中蒲截

以為牒

編用寫書東觀漢記班超投筆歎曰安能久事筆耕乎

南史沈麟

一傳織簾讀書手口不息鄉里號為織簾先生年過八

十耳目猶聰

明抄寫火下細書復成二三千卷居士見壽王子彦

宣和書譜

王珉字季琰工隸及行草自導至珉三世以書名魯

吳詩集

覽卷十四上十一中華書局聚

壁秦灰見蠹簡蘇詩飢來據空案一字不堪煮書斷飛白者中郎蔡邕所作也王僧虔曰飛白八分之輕者孟詩松月夜窗虛

事文類聚李白夢筆生花自是才思日進漢書揚雄傳時雄方草太元有以自守尸子雁銜蘆而捍網退之毛穎傳毛穎

者中山人也盧郎見讚佛詩按盧思道范陽人杜詩恨不移封向酒泉管城見和祭墨詩毛穎傳始皇封諸管城號管城子

尤展成蘆筆云書帶草生筆冢墨池人在蘆中白頭翁變黑頭公夜夜飛花入夢畫荻教成孺子編蒲學近儒宗雁行銜去向江

東寫出錦書珍重

橘燈

掩映蘭膏葉底尋玉盤纖手出無心花開槐市枝枝火霜滿江潭樹

樹金繡佛傳燈珠錯落洞仙爭奕漏深沉饒他丁緩施工巧不及生

成在上林有分有合分處皆合是筆力也○子山燈賦秀華掩映蘭膏見廢檠玉盤見海戶曲纖手見茉莉槐市見行

路難枝枝見讚佛詩羣芳譜朱橘實小色赤如火章應物詩書後欲題三百顆洞庭須待滿林霜江潭見送杜于皇王無功詩

樹樹皆秋色羣芳譜金橘一名金柑一名小木奴李元標詩朱實似懸金杜詩蘇晉長齋繡佛前傳燈見長安雜咏注李義

山詩一綵樹轉燈珠錯落詞名有洞仙歌幽怪錄巴邛人家有橘園霜後橘盡收斂有大橘如三斗盎巴人異之剖開中有二隻鬚

眉皤然肌體紅潤相對象戲談笑自若一叟曰橘中之樂不減商山但不得深根固蒂為愚人摘下耳語畢忽不見漏沉沉見天寶遺事

詩丁緩見行路難注
上林賦盧橘夏熟

尤展成橘燈云金顆千頭火樹玉荷四照霜花書生懷袖向窗紗
長伴紅衣不夜 心事任教分割風光尚費周遮美人對影暗嗟
訝決意爲
郎吹罷

桃核船

漢家水戰習昆明曼倩偷來下瀨橫三士漫成齊相計五湖好載越
姝行桑田核種千年久河渚槎浮一葉輕從此武陵漁問渡胡麻飯

裏棹歌聲分合入妙○首句見元武湖曼倩見讚佛詩注一漢武

一實此兒已三過偷之矣漢書武帝紀甲爲下瀨將軍下蒼梧注二
甲故越人歸漢者也晏子春秋公孫接田開疆古冶子專景公

以勇力聞晏子曰此危國之器也不若去之因謂公使人少餽之二
桃曰三子何不計功而食桃公孫接曰不受桃是無勇也援桃而起

田開疆亦援桃而起古冶子抽劍而起公孫接田開疆曰吾勇不子
若功不子逮取桃不讓是貪也然而不死無勇也皆反其桃挈領而

死古冶子曰二子死之治獨生之不仁取人以言而夸其聲不義亦
反其桃挈領而死五湖見避亂越姝見攀清湖註桑田見海戶

曲漢武故事西王母出桃七枚以五與帝自啖其二帝留核曰此
桃美欲種之母笑曰此桃三千年一着子非下土所植也河渚槎

浮見海市一葉見鷺湖曲桃花源記太康中武陵人捕魚爲業
忽逢桃花林便得一山山有小口便捨船從口入續齊諧志劉

晨阮肇入天台山採藥見桃實食之身輕見一杯流出胡麻飯屑溪
邊二女子笑曰劉阮二郎至矣漢武帝秋風辭簫鼓鳴兮發棹歌

尤展成桃核船云種自元都道上載從渡口漁翁小兒偷出碧雲
宮頃刻帆檣飛動蘆葦似來江上竹枝疑沈圖中桃根桃葉棹

歌同兩槳春風吹送附錄魏子敬核舟記明有奇巧人曰王叔遠嘗貽余核舟一蓋大蘇泛赤壁云舟首尾長約八分有奇高可

二黍許通計一舟為人五為窗八為鑰篷為櫂為爐為壺為手卷為念珠各一對聯題名丹篆又為字共三十有四而其長曾不盈

寸蓋簡桃核修狹者為之

蓮蓬人

按陳其年六月詞自註小兒刺蓮蓬以線縛之反裘振袂儼然老翁名蓮蓬人

獨立平生重此翁反裘雙袖倚東風殘身顛倒憑誰戲亂服羸疎恥

便工共結苦心諸子散早拈香粉美人空莫嫌到老絲難斷總在污

泥不染中

後半首最佳○蘇詩晚歲人誰念此翁新序魏文侯出游見人反裘而負芻祖孫登詩香飄雙袖裏李

詩一笑倚東風白玉床殘身見松鼠補注詩顛倒衣裳世說裴令公有傷容儀羸服亂頭皆好宗子相詩蓮子比妾心

妾心應更苦曹堯賓詩迎風細苻傳香粉歐陽永叔詞蓮斷絲牽特地成惆悵周子愛蓮說出污泥而不染

尤展成蓮蓬入云妾比芙蓉解語郎如碧藕多思個人憔悴倒懸時知道無心憐子空洞此中無物屈強猶昔孤支亂頭粗服貌

如斯未必六郎相似

戲詠不倒翁

掉首浮生半紙輕一丸封就任縱橫何妨失足貪遊戲不耐安眠欠

老成儘受推排偏屈強屈渠勿切強其亮切敢煩扶策自支撐却遭桃梗妍皮

謂此內空空浪得名才餘於詩若不經意而人自不能到○莊子

日詩後漢書隗囂傳王元說囂曰元請以一丸泥為大王東封

函谷關失足游戲見二十五日詩北史韓麒麟傳安眠美食

優于遷固也老成見癸巳禊飲後漢書方術傳吏人推排終不

搖動屈強見龍腹竹歌歸去來辭策扶老以流憩杜詩枝撐

聲窸窣戰國策士偶人與桃梗相與語桃梗謂士偶曰子西岸

之士也淄水至則汝殘矣古諺妍皮不裹癡骨世說王導指

周顛腹曰卿此中何所有答曰此中空洞無

物但足容卿輩數百人浪得名見桃源縣

尤展成戲詠不倒翁絕倒尊前不倒翁此中何有只空空但須掉

首便行脚纔教翻身又直躬半醉半醒妝強漢三眠三起弄頑童

還愁一跌成薑粉

化作人間亡是公

吳詩集覽卷十四上

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳越書畫卷一四

吳詩集覽卷十四下

七言律詩四之下

海虞孫孝維三十贈言海虞見王京傳梅村金孺人墓誌銘余門人孫孝維藩荀子贈人以言重

於金石珠玉

法護僧彌並絕倫聽經蕭寺紫綸巾綸音高齋點筆依紅樹畫楫徵

歌轉綠蘋一榻茶香專供佛五湖蝦菜待留賓丈夫早歲輕名宦鄧

禹無為苦笑人寫出名士風流結句點三十〇晉書王珣傳法護僧彌難為兄僧彌珣小字也時有外國沙門名提婆為珣兄弟講毗曇經絕倫見哭志行蕭寺見楚兩生序正字通綸巾巾名世傳

孔明軍中服之北堂書鈔謝萬著白綸巾高齋見汲古閣歌點筆見題孫銘常畫蘭紅樹見追敘西田賞菊舊約玉篇楫行舟具楫職同一菴叔夜詩徵歌發皓齒江詩東風轉綠蘋蘇詩清風一榻抵千金茶香見西田詩其二供佛見詠山茶花五湖蝦

菜見避亂駱賓王詩陳遵投轄正留賓劇談錄九霞曰某山野之人早修直道無意於名宦金玉南史王融傳三十內望為

公輔及為中書郎嘗撫案歎曰為爾寂寂鄧禹笑人

其二

招真臺下讀書莊總角知名已老蒼何氏三高推小隱荀家羣從重

其二

吳詩集覽卷十四下

中郎鬪茶客話千山兩寄橘人歸百顆霜〔原注〕太末理官孝若塵其兄也地產橘最佳

尾執來思豎義旻公同飯贊公房〔與前首同〕妙第四句切定三十〇招真臺見虞山圖〔詩〕總角之宴

〔史記豫讓傳〕無所知名〔杜詩〕結六文皆老蒼〔南史何胤傳〕初胤二兄求點并棲遁至是胤又隱世謂何氏三高〔王康琚詩〕小隱隱林

〔後漢書荀爽傳〕字慈明潁川為之語曰荀氏入龍慈明無雙後公車徵為大將軍何進從事中郎〔南史謝澹傳〕昔荀中郎年二

十九為北府都督范希文歐陽永叔俱有鬪茶歌千山見贈願雲師〔王逸少帖〕奉橘三百枚霜未降未可多得太末理官孝若見

高涼司馬行塵尾豎義見代具師答〔杜因許入寄江寧旻上人詩〕不見旻公三十年又有大雲寺贊公房四首宿贊公房一首

其三

始立何容減宦情法曹有弟尚諸生松窗映火茗芽熟貝葉研朱梵

夾成金谷酒空消冶習曲江花落悟浮名〔原注〕花落者為扶桑志感也年來恥學

王懷祖初辟中兵捧檄行〔起結〕點出三十〇〔南史王僧虔傳〕誠子曰汝年入立境方應從宦〔晉書王衍傳〕

吾少無宦情〔按〕梅村郭孺人壽序孝維為孝若之異母弟而推官理刑名佐計典故云法曹耳非如後漢書百官志法曹主郵驛科

程事也〔唐書百官志〕法曹司法參軍事掌鞠獄麗法督盜賊知賊賄沒入差與理官相近諸生見題凌烟圖〔薩天錫詩〕松窗燈下

火〔夢溪筆談〕茶芽古人謂之雀舌麥穎言其至嫩也貝葉見贈蒼雪〔高千里詩〕滴露研朱點周易梵夾見禮蒼公塔金谷見老

妓行〔後漢書孔融傳〕樽中酒不空吾事畢矣冶習見無題曲江見晤陸子霞〔梅村題白醉樓詩後〕余贈孫孝維詩有曲江花落悟

浮名之句蓋指扶桑也一統志孫承恩字扶桑常熟人順治戊戌一甲一名進士官修撰入直遇疾卒於邸晉書王述傳字懷祖年三十尚未知名王導以明地辟為中兵屬曰懷祖清貞簡貴不減祖父後漢書劉平等傳序盧江毛義府檄適至義捧檄而入喜動顏

五六皆舊語翻新蓋四首中皆有學佛語孝維逃禪故能空北海之杯亦不羨曲江之宴也

其四

高柳長風六月天青鞋白鞵尚湖邊輕舟掠過破山寺橫笛邀來大

石仙原注孫氏之先遇仙于鳥目山之巨石王儉拜公猶昨歲張充學易在今年種松

記取合圍後樹下著書堪醉眠五六切定三十高柳見遺悶宋書宗慤傳願乘長風青鞋布鞵

見六真歌尚湖見琴河感舊謝元暉詩惜哉無輕舟後赤壁賦掠予舟而西也破山寺見鶴如五十王少伯詩橫笛怨

江月鳥目見虞山圖程迓亭曰陶隱居真誥會稽淳于斟入鳥目山中遇仙人慧車子授以虹景丹經修行得道鳥目山者虞山之別

名邑志大石山房即慧車子授經處今孫氏祠堂在焉其石孫西川名父者重鑿南史王儉傳領吏部時年二十八高帝踐祚建

元元年改封南昌縣公又張充傳字延符少好逸遊左臂鷹右牽狗曰充聞三十而立今充一十九年矣請至來歲及明年便修改

多所該通尤明老易王詩種松皆作老龍鱗元裕之詩種柳金城已合圍著書見行路難晉書阮籍傳方據案醉眠

贈錢臣辰原注同年給諫公弟梅村錢臣辰壽序臣辰之長兄都諫曼修與余同年舉進士鎮洋縣志錢

增字哀卿號曼修崇禎辛未進士授行人擢兵科給事中轉刑科都給事乞終養歸順治九年按撫交章薦增以母老辭錢陞字如卿一字臣辰晚號訥齋家世鼎盛陞持身清峻謙謹如布衣同懷七人極友愛兄給諫增沒撫其子廷鈞如己子弟臺有外侮出貲營救不令弟知父沒遺券可萬金陞焚之子五

杜家中弟擅閒身處士風流折角巾花萼一樓圖史遍竹梧二徑管

絃新東都賓客多同輩西息田園有主人酒熟好從君取醉脊令原

上獨傷神起結俱從曼修着筆中四句名士風流○杜家中弟見送趙友沂詳題莊愷菴像閒身見穆苑先往桐廬〔蘇詩〕

處士風流水石間後漢書郭泰傳嘗於陳梁間行遇雨中一角墊時人乃故折巾一角以為林宗巾花萼見元夕圖史見六真歌

竹梧見閬園詩三徑見遺悶管絃見拙政園西都賦有西都賓問於東都主人隋書沈光傳同輩莫與為比陶詩酒熟吾自

斟李詩高歌取醉欲相慰春令見贈文園公錢臣辰壽序年來跼蹐有零落之嗟燕尾有差池之感

贈荊州守袁大韞玉 有序

袁為吳郡佳公子風流才調詞曲擅名遭亂北都佐藩西楚

尋以失職空囊僑寓白下扁舟歸里惆悵無家為作此詩贈

之一統志蘇州府表後漢永建四年分置吳郡史記平原君傳贊平原君翩翩濁世之佳公子也程迺亭曰

袁韞玉名于令號籀菴蘇州府志袁于令字令昭號籀菴袁韞玉名于令號籀菴蘇州府志袁于令字令昭號籀菴袁韞玉名于令號籀菴蘇州府志袁于令字令昭號籀菴

按察使孫琪萬曆庚子舉人歷官肇慶府同知坊歷官絳州州同曾孫于令歷官荊州知府〔杜詩〕遭亂意不歸

〔史記貨殖傳〕自淮北沛陳汝南二郡此西楚也〔良齋雜說〕籀卷守荊州一日謁某道卒然問曰聞貴府有三聲

謂圍棋聲鬪牌聲唱曲聲也袁徐應曰下官聞公亦有二聲道詰之曰算盤聲天平聲板子聲袁竟以此罷官〔程迓亭〕

曰一順治十年三月湖廣撫臣題參袁于令等官十五員侵盜錢糧時布政使林德馨已內陞左副都而工科給事張王

治遂并劾之此詩拙宦無家及歸來唯四壁等語特為廉吏暴白〔左傳〕昭十九年無或失職〔杜詩〕囊空恐羞嗔

僑寓見西冷閨詠序注白下見琴河感舊序

曉日珠簾半上鉤少年走馬過紅樓五陵烽火窮途恨三峽雲山遠

地愁盧女門前烏柏樹昭君村畔木蘭舟相逢莫唱思歸引故國傷

心恐淚流四首在梅村集中亦推高唱起句是吳郡佳公子三句遭亂四句在藩五六就西楚說結句僑寓○曉日見謁張石

平〔庚子慎詩〕珠簾新上鉤〔王仲初詩〕半下珠簾半上鉤少年走馬見謁劉雪舫〔白詩〕紅樓富家女五陵見銀泉山烽火見閩

州行窮途見贈李雲田〔杜詩〕三峽樓臺掩日月五溪衣服共雲山〔左傳〕隱五年且言遠地也〔舊唐書樂志〕魏武帝宮人有盧

女者故將軍應叔之姊也十歲入漢宮學鼓琴善為新聲〔高季迪詩〕盧女門前映落花烏柏樹見送龔孝升〔仇注杜詩〕昭君村

在荊州府歸州東北四十里〔按〕歸州於雍正六年改為直隸州十三年改屬宜昌府〔一統志〕昭君村在宜昌府興山縣南有昭君院

又有昭君臺〔馬虞臣詩〕猿啼洞庭樹人在木蘭舟〔石季倫思歸引詩序曰〕此曲有絃無歌今為作歌辭以述余懷恨時無知音

者令造新聲而
被于絲竹也

張如哉曰洛陽女兒名莫愁十五嫁為盧家婦梁武帝歌也古樂
府莫愁歌莫愁在何處莫愁石城西容齋隨筆云莫愁鄧州石城
人又石城女子莫愁曲聞歡下揚州相送楚山頭自是兩地兩人
後人多混用謂為盧莫愁此詩就西楚說亦是沿用盧莫愁耳非
指魏武宮人也又曰晉西洲曲西洲在何處兩槳橋頭渡日暮伯
勞飛風吹烏柏樹樹下即門前門中露翠鈿按莫愁歌莫愁在何
處莫愁石城西艇子打兩槳催送莫愁來二詩俱用兩槳可見西
洲即石城西也則門前烏柏樹即是用盧女事也西楚說非湊合
也與下句木蘭
舟之在楚正同

其二

霓裳三疊遍天涯浪跡巴丘度歲華賴有狂名堪作客誰知拙宦已
無家西州士女章臺柳南國江山玉樹花正遇秋風蕭索甚淒涼賀

老撥琵琶

從詞曲擅名起二句指佐藩三句僑寓白下四句惆悵無
家後半歷落動人起結相應妙不着迹○霓裳疊見宮扇

浪跡見楚

兩生序巴丘見贈家侍御唐書藝文志韓鄂歲華紀
麗二卷狂名見雪夜苑先齋中拙宦見再寄三弟西州見又

咏古章臺柳見鷺湖閨咏折柳注左傳昭七年楚子成章華之臺
注臺在今華容城內岳陽風土記華容世傳有章臺非也古章

華在今監利縣離湖上南國見蘆洲行玉樹花見玉京
彈琴歌注蕭索見哭志衍三元詩賀老琵琶定場屋

其三

詞客開元擅盛名蕭條鶴髮可憐生劉郎浦口潮初長伍相祠邊月

正明擊筑悲歌燕市恨彈絲法曲楚江情〔原注〕袁西樓樂府中有楚江情一齣善才

已死秋娘老濕盡青衫調不成此首與其二同妙○〔杜詩〕詞客哀時且未還開元見老妓行盛名見饜

清湖〔杜詩〕清秋鶴髮翁二王會之詩羈雌鶴髮可憐生〔杜詩〕詞客哀時且未還開元見老妓行盛名見饜

統志〔杜詩〕清秋鶴髮翁二王會之詩羈雌鶴髮可憐生〔杜詩〕詞客哀時且未還開元見老妓行盛名見饜

步有劉郎浦蜀先主納吳女處〔一統志〕伍相國廟在歸州東十五里祀伍員〔史記刺客傳〕荆軻日與狗屠及高漸離飲於燕市

酒酣以往高漸離擊筑荆軻和而歌於市中〔江總持詩〕彈絲命琴瑟〔唐書禮樂志〕明皇既知音律又酷好法曲〔按〕西樓記標

目有種愁根幾句楚江情非斷名也〔高齋詩話〕琵琶錄云元和

中曹保有子善才善才有子綱皆能琵琶〔白詩〕曲罷長教善才

服糲成每被秋娘妬〔又〕江州司馬青衫濕

宋牧仲筠廊偶筆袁籜庵以西樓傳奇得盛名與人談及輒有喜

色一日出飲歸月下肩輿過一大姓門其家方燕賓演霸王夜宴

輿人云如此良夜何不唱繡戶傳嬌語乃演千金記耶籜菴狂喜幾墮輿

其四
湘山木落洞庭波杜宇聲聲喚奈何千騎油幢持虎節扁舟鐵笛換
漁叢使君灘急風濤阻神女臺荒雲雨多楚相歸來唯四壁故人優
孟早高歌也此首是四章結語而於扁舟歸里惆悵無家又加意寫出

〔一統志〕君山在岳州府巴陵縣西南洞庭湖中一名湘山亦稱洞庭山〔楚辭〕洞庭波兮木葉下杜宇見送林衡者歸閩詩後〔世

說〕桓子野每聞清歌輒喚奈何〔馭志彙集〕袁籜菴失職後題寓所一聯曰佛言不可說不可說子曰如之何如之何千騎見雕橋莊

歌油幢見贈馬督府〔周禮掌節〕山國用虎節鐵笛見避亂〔鄭守愚詩〕漁人披得一蓑歸〔一統志〕使君難在宜昌府東湖縣

西一百一十里大江中風濤見自信〔一統志〕陽雲臺在四川夔州府巫山縣西北宋玉賦云遊陽雲之臺望高唐之觀即此也〔舊

志按司馬相如子虛賦一前言楚王獵於雲夢後言登雲陽之臺孟康注云雲夢中高唐之臺據此當在今荊州及漢陽境然宋賦言神

女在巫山之陽高丘之阻朝朝暮暮陽臺之下則陽臺在巫山理亦有之若高唐則實在雲夢不在巫山也雲夢澤在德安府安陸縣南

五十里東南接雲夢縣界〔杜詩〕雲雨荒臺豈夢思四壁見送周子做〔史記滑稽傳〕優孟者故楚之樂人也長八尺多辯常以談

笑諷諫楚相孫叔敖知其賢人也善待之病且死屬其子曰我死汝必貧困若往見優孟言我孫叔敖之子也居數年莊王置酒優孟前

為壽因歌曰廉吏可為而不可為於是莊王謝優孟乃召孫叔敖子封之寢丘四百戶

吳之紀字天章春日袁荊州令昭過訪百花洲口占二絕契闊經今兩白頭建牙吹角古荊州東山嘯咏西樓夢故國重逢話昔遊

一曲才成傳樂府十千隨到付纏頭當時記得輕分手王粲高樓鸚鵡洲

送楊懷湄擢臨安令〔程迓亭曰〕楊懷湄名琳成都人張獻忠屠蜀得之以與李定國為養子常為軍

鋒定國死來降以武階改文職得太倉州判轉臨安知縣罷官家州中〔一統志〕臨安縣在杭州府西北一百里

聽松鈴閣放衙陰飛瀑穿階石室琴許掾仙居丹井在謝公游策碧

雲深山農虎善樵微徑溪女蠶忙採遠林此地何王誇衣錦錦城人

起故鄉心〔原注〕令成都人臨安乃錢鏐衣錦城也切定臨安風景結有別趣○〔李詩〕愛聽松風日高臥鈴閣見鷺湖感

舊放衙兒簡美明府〔錢仲文詩〕千峯挂飛瀑〔岑參詩〕迸筍穿階踏還出〔漢書司馬遷傳〕紉史記石室金縢之書〔李義山詩〕

許據全家道氣濃〔李詩〕幽簾清寂若仙居〔杭州府志〕九仙山在臨安縣西一十五里葛仙翁許邁煉丹之地又〔於潛縣志〕許游丹井

在觀山許邁丹井在雲封菴〔杜詩〕遊山憶謝公〔周禮〕三農注一山農澤農平地農也〔王詩〕階前虎心善〔蘇詩〕江上有微徑

遠林〔杜詩〕溪女得錢留白魚蠶忙見簡美明府〔李巨山詩〕搖颺徧以錦故名臨安為十錦衣錦營衣錦山衣錦南鄉衣錦北鄉錦溪錦

橋書錦堂書錦坊保錦坊衣錦將軍樹〔嘉靖臨安縣志〕錢武肅王衣錦還鄉盛燕父老山林皆覆錦城見玉京墓〔史記項

羽紀一富貴不歸故鄉如衣錦夜行

登縹緲峯見五言古

絕頂江湖放眼明飄然如欲御風行最高尚有魚龍氣半嶺全無鳥

雀聲芳草青蕪迷遠近夕陽金碧變陰晴夫差霸業銷沉盡楓葉蘆

花釣艇橫舊說三語狀湖之廣四語狀峯之高〔張如哉曰〕寫得縹緲意象出五六句更為神到絕項見得願雲書〔曹

毗黃帝讚一飄然跨騰鱗御風見凌烟圖序〔劉文房詩〕獨有魚龍氣半嶺出音書阮籍傳鳥雀見松鼠〔吉中孚詩〕青蕪平野

四圍山〔桃花源記〕忘路之遠近〔劉子翬詩〕金碧消磨瓦面星〔王詩〕陰晴衆壑殊〔晉書熊遠傳〕恢霸業於來今銷沉見苴城

吳詩集覽 卷十四下 五 中華書局聚

行楓葉蘆花見壽陸孟
鳧小爾雅小船謂之艇

過席允來山居

梅村席允來墓誌余往來洞庭東山則必訪席君允來氏君諱元泰謝靈運有山居賦

碧梧門巷亂山邊灑掃雖頻得自然石筍一林雲活活藥欄千品雨

娟娟養花性為先人好種樹經從伯氏傳社酒已濃茶已熟客來長

繫五湖船

山居幽事描寫殆盡于允來尤為貼切○退之馬少監誌一翠竹碧梧鸞鶴停時能守其業者也雍國鈞詩村

原門巷都相似亂山見園女罷官自然見西田詩石筍所產凡有數處一出鎮江府黃山一產商州一產益州詩北

流活活杜詩乘興還來看藥欄娟娟見西田詩允來墓誌自其父震湖君世居莫釐峯下有茶癖以善種花得養性術年九十

五而終允來孝友似其父養花才擅家風史記李斯傳所不去者醫藥卜筮種樹之書按允來墓誌其父震湖公以心泉君濡之子出後於叔南濱則伯氏即心泉君於允來當為伯祖也

杜詩田翁逼社日邀我嘗春酒茶熟見虎丘夜集圖

按詩傳活活水聲也雲活活蓋卽李長吉銀浦流雲學水聲之意

贈武林李笠翁

原注笠翁名漁能為唐人小說兼以金元詞曲知名漢書藝文志小說家者流蓋出於

稗官宋書王徽傳至二十左右方復就觀小說陳後山詩話傳奇唐裴叟所著小說也

家近西陵住薛蘿十郎才調歲蹉跎江湖笑傲誇齊贅雲雨荒唐憶

楚娥海外九州書志怪坐中三疊舞迴波前身合是元真子一笠滄

浪自放歌切定笠翁身分三四更佳○西陵橋名見題河渚圖注楚辭被薛荔兮帶女蘿霍小玉傳素聞十郎才調

風流今又見容儀雅秀名下固無虛士蹉跎見送何省齋笑傲見閨園詩史記滑稽傳淳于髡者齊之贅婿也杜詩雲雨荒臺

豈夢思莊子天下篇繆悠之說荒唐之言温飛卿詩楚娥攀樹獨含情史記字彙傳騶衍乃深觀陰陽消息而作怪迂之變謂

中國外如赤縣神州者九乃所謂九州也于是有神海環之如此者九乃有大瀛海環其外志怪見二十五日詩三疊見贈袁蘊玉

樂府解題一迴波樂商調曲與轉春鶯烏夜啼之類謂之軟舞前身見圓圓曲唐書隱逸傳張志和字子同婺州金華人自稱烟波釣徒著元真子亦以自號續神仙傳元真子會稽山陰人也笠見西田詩放歌見送田髯淵

贈崑令王莘雲尊人杏翁原注永平人一統志崑山縣在蘇州府東少北七十里永平府在

京師東五百五十里蘇州府志崑山縣知縣王簡字莘雲撫寧人拔貢順治十六年九月任十七年八月劾去

半載江南客未深玉山秋靜夜沉吟九邊田牧思班壹三輔交游識

季心快馬柳城常命酒軟輿花縣暫聞琴白頭閒說西京事曾記循

夏久賜金原注莘雲有能名未半載以錢糧報罷半載字暫字

得之○一統志玉山草堂在崑山縣西界溪上亦曰玉山佳處顧仲瑛有玉山佳處以愛汝玉山草堂靜分韻詩沉吟見送何省齋

廣輿記明初設遼東宣府大同延綏四鎮繼設寧夏甘肅蘄州三鎮又以山西偏頭三關陝西固原亦稱二鎮是為九邊田牧見壽王

鑑明氏族考班壹秦末避地樓煩以財雄邊故北方多以班為字者三輔見退谷歌史記季布傳季布第季心氣蓋關中方數千

吳詩集覽卷十四下
六一中華書局聚

里士皆爭為之死 快馬見雜感 一統志 柳城廢軍在永平府昌黎縣西南 皇甫茂政詩 命酒闌令酌 王仲初詩 步步金階上 軟輿 李詩 河陽花作縣 嚴正文詩 因聽子賤琴 三元詩 白頭宮女在閑坐 說玄宗西京見雒陽行 循良見遇南廂園叟 漢書 循吏傳 黃霸字次公為潁川太守 賜爵關內侯 黃金百鈞

後漢書 烏桓傳 曹操大破蹋頓於柳城 魏志 引軍出盧龍塞 經白檀 歷平剛 涉鮮卑 庭東指柳城 綱目 質實柳城 故城在永平府城西二十里 而與集覽俱以盧龍塞為盧龍縣 吾意不然 今之盧龍縣即漢肥如縣也 隋開皇十八年 始改新昌為盧龍 唐武德二年

再改肥如為盧龍 在操時 本無此稱 操於二十里內 不賈勇徑進 而紆迴曲折 由白檀平剛 以歷涉五百里之遙 曾能軍者 而如是

耶 而又何貴乎 田疇之導 況前漢白檀縣屬漁陽 平剛縣屬右北平 自永平達柳城 二十里之閒 其無此兩縣可知也 田疇傳出盧

龍 在上徐無後 而徐無山 在今遵化州 州在永平府西 操自無終回軍 無終即翁同 在薊州北 若由薊州至盧龍縣 則不得謂之回

矣 又何以先入盧龍縣 而後上徐無哉 至集覽以白檀為徐無東北之山 質實曰 山在密雲縣南二十五里 古有白檀樹 故名其檀

樹之有無 姑弗深考 然五百里之內 宜舉其大者 要者 未有甫舉徐無 而又指此山者 也 且操破蹋頓 攻其無備 也 先至永平 已使

之有備 矣 而又旁出空虛 以幸其無備 操之智 必不出此 蹋頓能偵知 操於未至柳城 二百里之外 而不能追偵 操於初發 永平二

十里之內 豈事理之可信者 哉 竊意漢之盧龍 所該者 遠而曰塞 曰口 蓋於古北口為近 故一統志謂白檀縣在今古北口外 承德

州界 而平剛當更遠 以其近於鮮卑 故可以東指柳城 耳 晉書 樂志 改巫山高為屠柳城 言曹公越北塞 歷白檀 破三郡 烏桓 于柳

城也 可以為證 遼史 以錦州之廣寧縣 當漢柳城縣 一統志 雖辨其誤 然永平之柳城 軍在昌黎縣 西南者 唐永泰元年 置營 宗

祚豈能預取隋唐地而書之集覽質實亦欲漢魏人觀後世書耶
顧寧人京東考古錄辨柳城甚詳而於盧龍則未之及朱竹垞

曰下舊聞引呆齋集梁氏園在今京師西南五六里其外有舊城
舊城者唐藩鎮遼金別都之城也唐時為范陽藩鎮安史反後更

名盧龍而所治幽州薊縣不改今移薊以名州移盧龍以名縣各
去此數百里其實唐之盧龍與薊在此也按此則盧龍去幽州甚

近距永平之柳城軍可云五百里矣然安史反後始更名盧龍承
祚作三國史不能預知安史之變也一統志柳城故城在土默特

右翼西漢書地理志遼西郡柳城縣西部都尉治操破蹋頓猶
後漢也魏志柳城蓋指此而梅村此詩自用永平之柳城軍耳

客譚雲間帥坐中事

此當亦為松江提督馬逢知作也見茸城行

五茸絲管妓堂秋奪得蛾眉付主謳豈是絕纓諸將會偶因行酒故

人留青尊有恨攀他手白削無情笑者頭若遇季倫西市日可宜還

墮綠珠樓

起結相應描寫處喚醒處情致俱佳與過吳來之竹亭湖墅迥異蓋一則懷舊情深一則諷刺示戒也○五茸見茸

城行絲管妓堂見老妓行

蛾眉見永和宮詞主謳見老妓行

絕其冠纓告王王命左右羣臣百有餘人皆絕去其冠纓而上火卒

盡歡而罷諸將見哭志行史記魏其武安侯傳一魏其侯為壽獨

故人避席耳餘半膝席灌夫不悅起行酒至武安武安膝席曰不能

滿觴夫怒因嬉笑曰將軍貴人也屬之時武安不肯行酒次至臨汝
侯臨汝侯方與程不識耳語又不避席夫無所發怒乃罵臨汝侯武
安遂怒曰此吾驕灌夫罪乃令騎留灌夫灌夫欲出不得籍福起為
謝案灌夫項令謝夫愈怒不肯謝武安乃麾騎縛夫置傳舍青尊
見嘲張南垣本事詩也應攀折他人手按詩意是反用史記滑

稽傳握手無罰目眙不禁也（三國志甘寧傳）寧引白創置膝上

呵謂都督曰寧尚不惜死卿何以獨惜死乎（史記平原君傳）民家

有甓者平原君美人居樓上臨見大笑之明日甓者至平原君門請

曰臣願得笑臣者頭平原君笑應曰諾終不殺居歲餘賓客稍引去

平原君怪之門下一人前對曰以君之不殺笑甓者以為君愛色而

賤士于是平原君乃斬笑甓者美人頭季倫見鷺湖曲西市見老

妓行綠珠見老妓

行詳七言絕墮樓

袁子才曰茸城友人嘗談馬逸事馬少出行伍遭逢世難故妻為

人掠賣馬貴另娶而故妻聞之叩閤上謁馬內之抱首慟哭故妻

亦生子矣築別館以養其夫妻子母軍中稱之曰夫人曰公子

與其夫人均禮馬西市日其故妻與故妻之夫及子亦被誅

別維夏

惆悵書生萬事非赭衣今抵舊烏衣六朝門第鴉啼遶九月關河木

葉飛庾嶺故人猶未別（原注）維夏叔燕山游子早應歸正逢漉酒

登高會執手西風歎落暉此首與送維夏牽染北行當屬一時作情

麓萬事非見遇南南相園叟（可馬子長報任安書）魏其大將也衣

赭衣烏衣見白燕吟六朝見元武湖注鴉啼見吳令之任一沈

雲卿詩九月寒砧催木葉庾嶺見數王子彦子彦見短歌燕

山見送龔孝升游子見別孛令弟（陶詩）漉我新熟酒（詩）執

子之手（杜牧之）九日登

高詩不用登臨數落暉

庚子八月訪同年吳永調於錫山有感賦贈（庚子順治十七年）崇禎

辛未進士吳其剛無錫人兵部員外錫山見贈伯成明府

廿載京華共酒尊十人今有幾人存〔原注〕京師知己為真多愁我率會今其人零落已盡

已嫌身世高臥君還長子孫士馬孤城喧渡口雲山老屋冷溪門相逢萬事從頭問樺燭三條照淚痕起結相應第五句跟三句說第六句跟四句說○京華見贈陸生

〔按〕酒尊字出後漢書王霸傳〔杜詩〕子家今有百家存〔又〕心窮恨多愁身世見西田詩高臥見退谷歌〔史記平準書〕為吏者長

子孫士馬見送朱遂初〔邱為詩〕渡口流水寬〔趙閱道詩〕溪邊老屋斜溪明見避亂〔玉篇〕樺木皮可以為燭〔演繁露〕白樂

天集日試許燒木燭三條燭盡不許更續〔唐詩〕紀事〔權德輿云三條燭盡燒殘士子之心入韻詩成驚破試官之膽〔杜詩〕雙照淚

乾痕

其二

其二

杖藜何必遠行游抱膝看雲鶴擎裘天遣名山供戶牖老逢佳節占

風流干戈定後身還健花月閒時我欲愁莫歎勝情無勝具亂峯深

處着高樓〔原注〕永調有足疾起結相應中四承轉入妙○〔杜詩〕明日看雲還杖藜〔三國志〕諸葛亮傳注常抱膝

長嘯看雲見虎邱圖〔晉書〕謝萬傳著白綸巾鶴擎裘名山見揖山樓〔祖詠詩〕南山當戶牖〔王詩〕每逢佳節倍思親〔杜詩〕

明年此會知誰健〔晉書〕王湛傳子安期至下邳登山北望歎曰人言愁我始欲愁矣〔世說〕許掾好游山水而體便登涉時人云

吳詩集覽卷十四下 八中華書局聚

許非徒有勝情實有濟勝之具〔朱子詩〕高且文轟亂峯〔古詩〕西北有高樓

其三

黃花秋水五湖船客鬢蕭騷別幾年老去妻孥多下世窮來官長有

誰賢酒杯驅使從無分書卷消磨絕可憐賸得當時舊松菊數間茅

屋對晴川〔此首自述近況情致渺然〕○黃花見後東臯歌〔一駱賓王詩〕客鬢年〔薛大拙詩〕風地葉蕭騷〔謝茂秦詩〕

長怒〔又〕詩酒尚堪驅使在〔歐陽永叔詩〕一生勤苦書千卷

萬事消磨酒百分〔杜詩〕男兒性命絕可憐〔松菊見九峯草堂歌〕破房數間而已矣晴川見孝若山樓

其四

虛臺便闕信沉沉話及清郎淚不禁到處風波寧敢恨僅存兄弟獨

何心南州師友江天笛北固知交午夜砧從此溪山避罽繳暮雲黃

葉閉門深〔此首寫透有感受〕贈詩本意〔白詩〕銀臺金闕夕沉沉〔又〕蘇武書

陵獨何心〔後漢書徐穉傳〕此必南州高士徐孺子也〔又〕李膺傳〔以同郡荀淑李膺為師友〕韋應物詩〔遠聽江上笛〕北固見

閨園序知交見送周子儻〔戴幼公詩〕松門午夜風〔李有中詩〕漸聽夜砧鳴〔溪山見避亂罽繳見哭志衍〕〔易林〕桑芳將落隕其

葉黃

翫此詩語意蓋諸監國僞立時永調知舊有人其簿錄者也虛臺
便闕已成荒烟蔓草矣張如哉曰此首語意似有感於周芮公
而作寄芮公詩序云南徐夜月北固江聲笑談甚適賓從皆賢與
此之南州師友北固知交相合又云江南近信已泊樓船京峴舊
遊皆非樂土何必無諸臺上始接烽烟歐冶城邊纔開壁壘與此
之到處風波相合話及清郎即所云人主銓衡地當清切也或永
調亦庚午受知於芮公與
梅邨爲同門生歟俟考

送張玉甲憲長之官弔雅

〔昭代叢書〕古燕張能鱗玉甲〔畿輔通志〕能鱗大興人順治丁亥進

士〔四川通志〕能鱗順治十八年分巡上南道駐劄嘉定州〔史記大宛傳〕出中燠〔正義曰〕中今中州燠今雅州〔一統

志〕建昌上南道駐寧遠府兼轄嘉定雅州二府眉中二州

秋水連天棹五湖勞勞亭畔客心孤飄蓬宦跡空迢遞浩劫山川尙

有無石鏡開花惟自照郵筒憶酒向誰沽蕭條大散關頭路匹馬西

風入畫圖前半首送張玉甲後半首之官弔雅第四句最佳五六從此句涵泳而出〔劉文房詩〕洞庭秋水遠連天勞勞

亭見送遠圖歌心孤見蓉清湖飄蓬見江樓別李令宦蹟見送王

藉茅迢遞見送何省齋浩劫見呈李太虛〔一統志〕武擔山在

成都縣城內北隅〔揚雄蜀本紀〕武都有丈夫化爲女子蜀王納以

爲妃未幾物故王發卒之武都擔土葬於成都郭中號曰武擔以石

鏡一枚表其墓〔杜詩〕暗飛螢自照郵筒酒見送志
衍入蜀〔杜詩〕酒憶郵筒不用沽散關見圓圓曲

其二

劍外新傳一道通十年羣盜漫稱雄橫刀割取青神渡烈火燒殘白

帝宮豈有山川歸李特猶能車馬識文翁誰將牛斗龍泉氣移在天

彭井絡中〔原注〕張從江南學使者遷是職前半言蜀疆初定追

〔杜詩〕劍外官人冷一道通見二十五日詩〔史記李斯傳〕關東

羣盜多〔後漢書袁紹傳〕橫刀長揖徑出〔統志〕青神縣在眉

州南八十里五渡山在青神縣東十里水經山下繞流屈曲渡處凡

五因名〔書〕烈于猛火〔統志〕白帝故城在夔州府奉節縣東

〔水經注〕江水經永安宮南諸葛亮受遺詔處也〔夔州府志〕永安

宮今為府儒學基〔晉書李特載記〕元康中氏齊萬年反關西擾

亂特隨流入將入蜀至劍閣箕踞太息顧盼險阻曰劉禪有如此之

地而面縛於人豈非庸才耶文翁見閬州行牛斗見送龔孝升

注〔晉書張華傳〕有雙劍並刻題一曰龍泉一曰太阿其夕斗女間

氣不復見焉〔統志〕邛州雅州府天文井鬼分野鶉首之次〔

其三

岷峨悽愴百蠻秋路折邛崃九坂愁城裏白雲從地出馬前黑水向

人流松番將在看高臥雪嶺僧歸話遠遊欲問辟支諸佛土貝多羅

樹即關頭〔原注〕雅州關外即烏思藏切定邛雅三四更工〇〔漢書王尊

明統志〕在縣北三十里兩峯對立如闕名天彭門〔河圖括

地象〕岷山之精一為井絡〔李義山詩〕井絡天彭一掌中

傳一先是王陽爲益州刺史行部至邛邛九折坂〔一統志〕邛來山在雅州府榮經縣西南 〔又〕白雲泉在雅州府黎州宅東從白塔

谷前取水穴城東以入始以木槽承之分爲四大井〔書〕華陽黑水惟梁州 〔揚子雲益州箴〕華陽西極黑水南流 〔一統志〕松潘

衛在龍安府西少北三百里高臥見退谷歌〔杜詩〕劍閣星橋北 〔西陽雜俎〕于闐

松州雪嶺東〔一統志〕雪山在龍安府松潘衛 〔西陽雜俎〕于闐 〔西陽雜俎〕貝多樹出摩

國贊摩寺有辟支佛韓佛士見贈蒼雪〔西陽雜俎〕在大渡河外直黎雅之西

伽佻國西土用以寫經〔一統志〕打箭爐在大渡河外直黎雅之西

自古爲荒服地雍正七年設雅州府同知分駐其地兼轄番漢自裏塘巴塘以西直抵西藏延袤數千里悉入版圖而打箭爐實爲諸番

朝貢互市之要口云西藏歷周及隋猶未通中國唐貞觀八年有吐蕃弄贊者始遣使者來朝元世祖時置烏斯藏郡縣其地以吐蕃僧

入思巴爲大寶法王帝師領之明置烏斯藏朵甘二指揮司及宣慰司招討司萬戶府千戶所順治九年來朝其地有四曰衛曰藏曰喀

木曰阿里衛在四川打箭爐西北三千

里卽烏斯藏也〔薛大拙詩〕孤絕落關頭

其四

錦官春色故依然料理蠶叢半壁天葛相祠堂尋有蹟譙元門戶訪

誰傳還家杜宇三更夢寄遠菖蒲十樣箋此去壯游何所恨思君長問楚江船前半首慰勉玉甲後半首寫得送字深切 ○三元和志錦城在成都縣南十里故錦官城也 〔杜詩〕錦江春色來天地 〔蘇詩〕高僧一笑故依然 〔杜詩〕料理見送王藉茅蠶叢見山水圖歌 〔邱仲深詩〕撐起炎州半壁天 〔賈閔仙詩〕葛相行師自渡瀘 〔杜詩〕丞相祠堂何處尋 〔一統志〕譙元字君黃閔中人能說易春秋成帝時對策高第拜議郎遷中散大夫公孫述僭號徵之不起

子英善說易門戶見送王維夏杜宇見送林衡者詩後一黃庚字

星甫詩半窗明月三更夢李義山詩欲織相思花寄遠微

之薛濤寄花箋百餘幅題詩寄贈別後相思隔烟水菖蒲花發五

雲高章珍望之延漏錄益州出十樣鸞箋杜有壯遊詩楚江見

送沈旭輪

哭中書趙友沂兼柬其尊甫洞門都憲江南通志趙開心字

三為御史大夫敢言直諫屢黜不顧仕至工部尚書子而汴

仇爽負才官內閣中書揚州府志洞門崇禎甲戌進士

長沙才子九江船集作御史臺西月正圓兩省親朋歡笑日一官詩

酒亂離年朱樓有淚看楊柳白髮無家聽杜鵑太息賈生歸未得湘

花湘草夕陽邊多從洞門着想聲情俱佳○長沙見即事第九首九

任所居之署漢謂之御史臺亦謂之蘭臺寺梁及後魏北齊或謂之

南臺唐書魏謩傳兩省屬皆可議朝廷事賈幼鄰有早朝大明

宮呈兩省僚友詩親朋見塗松晚發朱樓見揚州看楊柳見琴河

感舊序杜鵑見送林衡者詩後史記賈生傳賈生洛陽之人

年少盧弼詩少

婦不知歸未得

張如哉曰長子當是才子王詩長沙不久留才子西征賦賈誼洛

陽之才子又與第七句相應也湖廣通志而怵廢補中書舍人有

才子之目

吳園女見人扇頭是友沂絕句愴然和之歌板當年出絳

紗綠腰紅袖盡鉛華只今便面春風在曾向章臺拂柳花

贈學易友人吳燕餘

許九日秋水集

燕餘杜門註易拮拾自資為墨吏所辱抱恨而死時年六十四

程迓亭曰一燕餘常熟人

風雨菰蘆宿火紅胥靡憔悴過牆東吞爻夢逐虞生放端策占成屈

子窮縱絕三編身世外橫添一畫是非中道人莫訝姚平笑六十應

稱未濟翁

象外寰中用意精切○菰蘆見送杜于皇章應物詩空林無宿火胥靡見送王維夏後漢書逢萌傳避世牆

東王君公

虞翻別傳臣郡吏陳桃夢臣與道士相遇放髮被鹿裘布易六爻撓其二以飲臣臣乞盡吞之道士言易道在天三爻足

矣豈臣受命應當知經

吳志虞翻傳孫權積怒非一徙翻交州雖處罪放而講學不倦楚辭詹尹乃端策拂龜曰君將何以教之

史記屈原傳

讒人間之可謂窮矣

史記孔子世家讀易韋編三絕身世見贈願雲師謝應芳詩方從易外窮義畫一張如

我曰漢書京房傳治易以孝廉為郎元帝以房為魏郡太守去至新豐因郵上封事曰臣前以六月中言遯卦不效法曰道人始去寒

涌水為災至其七月涌水出臣弟子姚平謂臣曰房可謂知道未可謂信道也房言災異未嘗不中今涌水已出道人當逐死尚復何言

臣曰陛下至仁於臣尤厚雖言而死臣猶言也平又曰房可謂小忠未可謂大忠也昔秦時趙高用事有正先者非刺高而死高威自此

成故秦之亂正先趣之今臣得出守郡自詭效功恐未效而死惟陛下毋使臣塞涌水之異當正先之死為姚平所笑丹鉛錄程子

遇青城種桶翁乃知未濟三陽失位為男窮之義

其二

註就梁邱早十年石壕呼怒華門前范升免後成何用甯越鞭來絕

可憐人世催科逢此地吾生憂患在先天從今郢上田休種簾肆無

家取百錢前首含蓄不露此首乃質言之燕餘蓋亦羅奏銷案內者

起結點染學易○漢書儒林傳梁邱賀字長翁琅邪諸

人也從大中大夫京房受易杜石壕吏詩吏呼一何怒禮士

有華門圭竇後漢書范升傳字辯卿代郡人也習梁邱易光武

徵詣懷宮拜議郎遷博士後為出妻所告坐繫得出還鄉里永平中

為聊城令坐事免卒於家張如哉曰晉書王承傳遷東海太守

有犯夜者為吏所拘承問其故曰從師受書不覺日暮承曰鞭撻甯

越以立威名非政化之本使吏送令歸家絕可憐見訪吳永調

唐書陽城傳一催科政拙宋史趙方傳催科不擾是催科中無字

易作易者其有憂患乎又先天而天不違一統志一郢縣

故城在成都府郢縣北漢書王貢兩龔鮑傳序嚴君平卜筮

於成都市裁日閱數人得百錢足自養則閉肆下簾而受老子

張如哉曰文選過秦論注以甯越為趙人引呂氏春秋甯越謂趙

將孔青內攻事與此詩不合淮南子甯戚欲干齊桓公困窮無以

自達為商旅將任車暮宿于郭門外桓公郊迎客夜開門辟任車

爨火甚眾越飯牛車下擊牛角而疾商歌桓公命後車載之授以

政按此則甯越即甯戚南唐書元宗嘗見牛晚臥美蔭曰牛且熱

矣李家明詠諧曰曾遭甯戚鞭敲角又被田單火燎身閉向斜陽

嚼枯草近來問喘更無人梅村此詩正用王承傳而兼用家明語

也又前漢藝文志甯越一篇中牟人為周威王師與過秦論之甯

越俱另

是一人

壽繼起和尚繼起見送

故山東望路微茫講樹秋風老着霜不羨紫衣誇妙相惟憑白足遍

諸方隨雲舒卷身兼杖與月空明詩一囊台頂最高三萬丈道人心

在赤城梁時繼起在天台故用振錫語第二句暗寫壽字○故山見

樹見讚佛詩「高承事物紀原」則天朝僧法明等賜袈裟僧之賜

紫自天后始「鄭守愚詩」愛僧不愛紫衣僧「梁簡文帝大法王序」

降茲妙相諸佛力白足見訪文學博傳燈錄有僧辭歸宗云往

諸方學五味禪歸宗云我這裏有一味禪為甚不學一敖陶孫詩

品一陶彭澤如絳雲在霄舒卷自如杜詩接宴身兼杖一摩詰

與裴秀才書一輟水淪漣與月上下東坡集庭中如積水空明一

杜詩一有作成一囊台頂見聞台州警注道人見西田詩亦

城梁見聞台州警張如我曰道人梅村自指即欲往從之之意

惠山二泉亭為無錫吳邑侯賦一統志慧山泉在無錫縣西

泉泉上有亭無錫見送堵伊令按常州府志康熙二年無

錫知縣吳興祚遼東清河人則吳令即伯成而與七言古命

題輕重迥異然此詩編在南歸以後必非天啓五年之無錫

令吳太朴也張如我曰梅村有雲起樓記云無錫吳侯為

治之三年政成化洽始用事於惠泉之山亭侯諱興祚字伯

成康熙七年九月記此詩宜編次于後而錯簡於此卷之末

耳

九龍山半二泉亭水遞名標陸羽經寺外流觴何處訪公餘飛鳥偶

來聽丹疑高閣空潭紫翠濕層巒萬樹青治行吳公今第一此泉應

吳詩集覽卷十四下

十二中華書局聚

足勝中冷

寫出亭之勝概七八句點染無錫吳三字○九龍山見玉京墓一統志惠山寺第二泉在焉水遞見永和宮詞

陸羽見西田和韻

王逸少蘭亭序引以為流觴曲水一王元之詩一公餘多愛入林泉後漢書王喬傳喬為葉令有神術每月

朔望詣臺朝帝怪其來數密令太史伺之有雙鳧從東南飛來舉網張之得雙鳥乃所賜尚書官屬履也一宋史張愈傳一眠雲聽泉

王子安滕王閣序飛閣流丹空潭見謁剖公李才江詩鳥逐翠微濕層巒見虎邱夜集圖吳叔庠詩樹青草未落漢書賈誼傳文帝初立聞河南守吳公治

平為天下第一中冷見壽陸孟覺

贈張以韜來鶴詩梅村來鶴集序新安張君以韜僑居虞山有鶴來集其庭一時文士所投贈之作而乞

余為之序程迓亭曰以韜名文鉞新安人寓居常熟

草聖傳家久著聞斗看孤鶴下層雲路從蓬島三山遠影落琴川七

水分自是昂藏矜鳳侶休教嫉妬報鷄羣春風一樹梅花發耐守寒

香孰似君多從鶴字點染如壽鶴如鶴洲草堂之類末以梅伴說用林和靖妻梅子鶴意○杜詩張旭三杯草聖傳

盪胸生層雲李義山詩蓬島烟霞闋苑鐘宋邕詩來經玉樹三山遠琴川七水見琴河感舊題注北史高昂傳其父以其

昂藏教曹故以名字之高嶠詩駕言尋鳳侶離騷各興心而嫉妬云百書秘紹傳昂昂然如野鶴之在雞羣盧仝詩相思一

夜梅花發杜牧

之詩寒香一樹梅

按唐人水多言分如入水分流

橫地軸二水中分白鷺洲是也

不羨榮文有飲味對感白風

一臺台則景高二萬丈誰入心

張如哉曰此首與二泉亭詩俱非梅村極筆當是自行刪去而刻成後後人續增於此卷之末趁木板之便耳觀原目無來鶴一首而二泉亭詩明係戊申年作編次誤在前可見

吳詩集覽卷十四下

吳精製碑詩十四本

中書大書主節可長

此碑刻人前曾各出卷文未幾木劫文則且歸藏自無文第一道

吳詩集覽卷十五上

黎城靳榮藩介人輯

七言律詩五之上

過三峯藥公話舊

三峯見三峯秋曉（明詩綜）熊開元字元年號魚山嘉魚人天啓乙丑進士除崇明知縣

調吳江選授吏科給事中謫山西按察司簡較遷行人司副以言事廷杖削籍遣戍晚為僧名正志字藥菴居蘇州之華

山話舊見
遇劉雪舫

霜落千峯曳杖尋筍輿衝雨過高林埋書草沒松根史洗鉢泉流石

磴琴萬事幾經黃葉夢三生難負碧潭心山童不省團圞話催打溪

鐘夜未深

前半首過三峯藥公後半首與藥公話舊也○（王子安福會寺碑）鼓奏泉流鐘鳴霜落千峯見西田詩（按）曳

杖字出檀弓（何大復詩）

青山拄杖尋筍輿見一十五日詩注衝雨見殘畫（謝靈運詩）高林映窗裏（左傳）昭六年寺人柳乃坎

用牲埋書草沒見夜宿阜昌松根見聞台州警

石磴瀉紅泉（皮襲美詩）石冷空消洗鉢泉（謝靈運詩）

見送沈友聖（韓君平詩）碧潭深處有潛龍（雷光義詩）待坐西山童不省見畫中九友歌（龐居士語錄）有男不婚有女不嫁大家

團圞頭共說無生話（按字典）引此語作團圞

（常建詩）裊裊雲溪鐘

永平田君宗周吳故學博也袁重其識之尤展成司李其地相

見詢袁年百有二矣索詩紀異并簡展成永平見贈杏翁平府志昌黎縣學

貢士田宗周保安衛教授按保安衛即宣化府之保安州蓋由吳而陞任保安耳蘇州府志田宗周崇禎四年任吳

縣訓導又長洲縣袁駿字重其又尤個字同人一字展成號悔菴以貢謁選授永平府推官康熙十七年以博學鴻

詞召試授檢討杜有賦八韻紀異詩

北平車馬訪烟蘿記向夷齊廟下過百歲共看秦伏勝一經長在漢

田何知交已料滄江少耆舊翻疑絕塞多聽罷袁絲數東望酒酣求

作絳人歌從尤展成司李起三四宗周雙舉學博六年之意五六袁重其識之也七句相見詢袁八句索詩〇一統志永平

府秦為遼西北平二郡地白詩烟蘿初合瀾初開伏勝見壽王清節廟在盧龍縣西二十里孤竹故城祀伯夷叔齊

鑑明一經見贈蔡羽明史記儒林傳自魯商瞿受易孔子孔子卒商瞿傳易六世至齊人田何字子莊知交見送周子做滄江見

讀西臺記晉書陳壽傳撰益都耆舊傳十篇絕塞見送友人出塞史記袁盎傳字絲又高祖紀酒酣高祖擊筑自為歌詩

左傳襄三十年晉悼夫人食輿人之城祀者絳縣人或年長矣而往與于食疑年使之年曰臣小人也不知紀年臣生之歲正月甲子

朔四百有四十五甲子矣其季於今三之一也士文伯曰然則二萬六千六百有六旬也以為絳縣師

顧西巘侍御同沈友聖虎丘即事

見虎丘夜集圖

註就逍遙賦大風彥先才調擅諸公晴川兩岸憑欄外雪嶺千尋攬

轡中我昔楚江同宋玉君今吳市訪梁鴻芳洲杜若無能採慚愧當

年過渚宮從顧字起三句西蠟故居四句奉使西川後半篇言己曾與九青典試湖廣而西蠟獨能訪友聖於吳中以不能早

知西蠟為愧也湖廣通志顧如華順治五年舉人六年進士漢川人○南史何偃傳注莊子逍遙篇傳於時史記高祖紀自為歌

詩曰大風起兮雲飛揚云百書顧榮傳字彥先吳國吳人也才調見永和宮詞史記季布傳諸公皆多季布能摧剛為柔晴川見

虎丘夜集圖兩岸見閬州行補注憑欄見送何省齋雪嶺見送張玉甲千尋見雒陽行攬轡見送堵伊令楚江見送張玉甲宋玉見

宮扇按此句指九青也即夜集圖舊遊我亦夢湘沅意越絕書吳市者春申君所造闕兩城以為市在湖里後漢書逸民傳

梁鴻字伯鸞扶風平陵人也家貧而尚介節博覽無不通入霸陵山中以耕織為業至吳依大家臯伯通居廡下楚辭采芳洲兮杜

若一統志二渚宮在荊州府江陵縣城內西北隅

按此詩起句言侍御貴後置酒故鄉耳蓋侍御父開明好莊列之學見梅村所撰祠堂記侍御承其家學皇華出使有合於鷗鵬變

化之義如逍遙遊之所謂培風風厚者而先世居吳憑眺登臨如置酒沛宮道故舊為笑樂也然以大風為喻侍御之氣燄何如梅

村蓋亦有所諷刺與梅村顧開明祠堂記頌繡衣驄馬聲赫都攬轡蠶叢及魚鳧嶽嶽光氣騰諫書按行兩浙民徯蘇則侍御蓋

嘗奉使于四川浙江者故有雪嶺千尋語

其二

喻蜀書成楚大夫征帆萬里到江湖鄉心縹緲思黃鶴祖德風流話

赤烏問俗駐車從父老尋山着履共生徒君家自有丹青筆衰白追

陪入畫圖起二句由蜀入吳三句漢川四句吳中之顧也西巖以待御奉使故用問俗字而第五句又引起六句也六句有虎

丘友聖在內結到作圖點染顧字兼敘自己漢書司馬相如傳會唐蒙使略通夜郎燹中發巴蜀吏卒千人郡又多發轉萬餘人巴

蜀民大驚恐上聞之乃遣相如責唐蒙等因喻告巴蜀按漢陽楚分故云楚大夫又合用相如傳子虛為楚稱也按征帆萬里謂

自蜀而浙而吳也征帆見京江送遠圖江湖謂三江五湖鄉心見送何省齋木元虛海賦羣仙縹緲黃鶴見虎丘夜集圖祖德見

清風使節圖赤烏見觀象臺三國志顧雍傳字元歎吳郡吳人也雍為相十九年年七十六赤烏六年卒顧開明祠堂記先世故吳

徙也練塘之丘隴訪求之不可復識今漢陽之顧占名數於漢川已近百年頌曰惟顧之先出自吳系分族顯來赤烏問俗見送郭次

菴漢書朱博傳一博駐車決遣如神尋山見送何省齋一南史謝靈運傳一登躡常著木屐上山則去其前齒下山則去其後齒生徒

見壽王鑑明第七句暗指顧長康見洗象圖注衰白見壽翼芝麓追陪見讚佛詩按西巖有虎丘夜集圖故末二語及之

其三

生公石畔廣場開短簿祠荒閉綠苔山榼偶攜羣吏散布帆無恙故

人來爭傳五月登高會應改三江作賦臺自是野王思故里可知先

賞陸機才從虎丘說起三四是游虎丘五六鋪敘七句點染顧字八句并及友聖一蓮社高賢傳法師道生魏氏鉅鹿人幼

從竺法汰出家入虎丘山聚石為徒講涅槃經至闡提處則說有佛性且曰如我所說契佛心否羣石皆為點頭廣場見虎丘夜集圖

賦一統志短簿祠在元和縣虎丘山麓祀晉司徒王珣謝希逸月

賦一統志綠苔生閣山榭見歲暮送苑先張復之詩公堂羣吏散

登高能賦一統志顧長康踐行人安穩布颿無恙帆與颿同漢書藝文志

賦一統志顧野王宅在蘇州府吳江縣東別賦視喬木兮

其四

一馬雙僮出野塘論文蕭寺坐匡床花移埃鼓青油舫月映行廚白

石廊漫叟短歌傷老大散人長揖怒清狂細將朋友從頭數落落申

生與沈郎原注鳧盟第一首之梁鴻第二首之生徒第三首之

梅村自比散人指友聖結更連類及之子瞻司馬温公神道碑

公來自西一馬二僮野塘見別丁飛濤論文見東萊行蕭寺見楚

照日青油濕行廣見園次罷官張承吉詩半壁石龕廊唐

書元結傳常以漫叟自稱短歌見短歌老大見送何省齋補註

魏都賦僕黨清狂落落見石公山一統志申涵光字鳧盟永

生字借用左傳沈即字借用沈約傳三國志注引吳錄華歆見沈友而異之

曰沈郎可登車語乎此在休文以前者

贈松江郡侯張升衢

原注從江寧遷任

按江寧府志康熙初年管糧同知張雲路直隸冀州舉人

石城門外水東流簫鼓千人最上頭二陸鄉園江畔樹三張詞賦郡

西樓油幢置酒尊鱸夜畫舫鈎簾杭稻秋聞道青溪行部近兒童欣

喜使君游

起結皆用江寧地理第三句松江第四句張姓五六鋪敘不作溢美語末二句暗用郭伋事蓋青溪江寧地故在松

行部而江寧人喜也

○石城見西泠閨詠二陸三張見送子儆青瑯

油幢

見投贈馬公置酒見送子儆青瑯尊鱸見贈馮訥生注

畫舫見贈文園公杜詩鈎簾宿鷺起杭稻見閩園詩青溪見贈蔡羽明

一後漢書郭伋傳字細侯為并州牧行部西河數百兒童各騎竹馬迎拜

贈松郡副守涪陵陳三石

原注二官董漕

一統志涪州在重慶府東少北三百十里晉永和

移涪陵郡於此松江府志管糧同知陳計長三石四川涪州人舉人前徽州府通判康熙元年任

獨上高城回首難揚雄老去滯微官湖天搖落雲舒卷巫峽蕭森路

折盤廿載兵戈違故里千村輪輓向長安京江原是三巴水莫作郭

簡萬里看

此首多從涪陵着筆高城指松郡回首則望蜀也揚雄蜀人故以為此三句指松郡是南城之所見四句指涪陵是

回首之所思五句就老去而申言之六句點明董漕就微官而實指之也七八合松涪而一之以廣其意結構入妙張如哉曰亦暗用

京口酒可飲意皇甫茂政詩高樓獨上思依依揚雄見又詠古注微官見歎王子彥湖天見王文恪墓搖落見讚佛詩雲舒卷

見壽繼起〔杜詩〕巫山巫峽氣蕭森〔張平子〕南都賦〔怨〕西京之折盤〔故里見〕虎丘〔即事〕千村見閬州行〔漢書〕張良傳〔河渭漕〕

輓天下〔西給京師〕京江見遺悶〔三巴見〕虎丘夜集圖〔郭筒見〕送志衍入蜀萬里橋詳驪山

按前漢地理志廣漢郡有涪縣巴郡有涪陵蓋皆涪水之所經而異其名耳〔一統志〕以涪州為漢之枳縣晉移涪陵郡於此然前廢縣在潼川府三臺縣西北本漢涪縣地此則廣漢之涪也

贈松郡司李內江王擔四〔一統志〕內江縣在四川資州東南九十里〔松江府志〕王于蕃媚田四

川內江人舉人前蘇州府推官康熙元年補任一梅村御史王慕吉墓誌〔一擔四司李吾蘇未及任而君訃〕

十月江天曉放衙茸城寒發錦城花金隄更植先人柳玉壘重看使

者車〔原註〕父侍御〔原註〕弟〔原註〕第〔原註〕曲阿春釀夢思家〔原註〕善寫竹

亂僑居丹陽〔原註〕待御避〔原註〕詩成別寫鵝溪絹廳壁風篁醉墨斜〔原註〕善寫竹

周到為工〔原註〕江天見巫峽放衙見簡姜明府〔原註〕茸城見茸城行錦城見哭志衍〔金隄見〕行路難〔一統志〕京口聞在鎮江府丹徒縣西

北〔梅村王慕吉墓誌〕君諱範字君鑑一字心矩辛未進士丹陽令復練湖以濟漕修湖隄之已壞者一千一百七十餘丈隄成植以榆

柳稱旨得御史今司李歲護江南之漕達於淮道經丹陽望練湖而思先德則我四郡之人咸食其利〔玉壘見〕雜感其二〔巖子羽〕

詩〔一秦官使者車〕庾嶺見數王子彦〔蘇詩〕留客薦霜柑〔杜詩〕思家步月清宵立憶弟看雲白日眠〔王慕吉墓誌〕于宣粵之二水

令〔一統志〕三水縣在廣州府西北百七十里〔太康地記〕曲阿本名雲陽秦始皇以有王氣鑿北阮山以敗其勢截其直道使其阿

吳詩集覽卷十五上四中華書局聚

曲故曰曲阿齊民要術冬釀十五日熟春釀十日熟晉書郗愔傳一京口酒可飲王慕吉墓誌張獻忠破夔門君知蜀必不守決

策避地崎嶇真黟蠻徽中提百口入吳丹陽之人聞其至也爭願割田宅贍君君謝弗受鵝溪絹見清風使節圖廳壁見送沈旭輪

謝希逸月賦風篁成韻陸務觀詩醉手題詩淡墨斜

贈彭郡丞益甫松江府志海防同知彭可謙益甫遼東杏山人貢士直隸大名府通判康熙元年任

樓船落日紫貂輕坐嘯胡床雁影橫雨過笛生黃歇浦花開夢遶發

干城原注舊業邑令龍蛇絹素爭搖筆原注善書松杏山河已息兵原注杏山人

慷慨與君談舊事夜深欣共酒盃傾意到筆隨惟熟於詩者能之樓船見董山兒紫貂見送楊

猶龍坐嘯見寄周芮公胡床見楚兩生行雁影見海戶曲黃歇浦見贈陸生春申浦注華亭縣志今吳淞江流與浦合其出海之

口雖名吳淞江實黃浦口也漢書地理志東郡發干縣一統志發干故城在東昌府堂邑縣西南堂邑縣在府西四十里山東

通志一彭可謙順治五年知堂邑縣擢本府屯田同知按棠邑應作堂左傳隱公矢魚于棠今魚臺縣屬兗州府曹堯賓詩大篆

龍蛇隨筆札絹素見送沈繹堂搖筆見送徐文桓松杏山河見贈遼左故人舊事見東臯草堂歌夜深見題北歸草

十月下澣偕九日過雲間公讌閱石蒼水齋中同文饒諸子字

典一俗以上澣中澣下澣為上旬中旬下旬楊升菴曰本唐官制十日一休沐今襲用之或省作浣九日見東許九日

雲間見哭志行南史王筠傳每公宴并作詩辭必妍靡梅村董蒼水詩序孝廉蒼水偕其兄進士君閱石俱以才

名顯其鄉國朝詩別裁集董含字闓石江南松江人順治乙未進士著有藝葵詩集董俞字蒼水順治庚子舉人有浮湘度嶺諸稿嘉定縣志趙俞字文饒戊辰進士知定陶縣

百里溪山訪舊遊南皮賓客感風流文章座上驚黃絹名字人間愧

白頭董相園開三徑夜陸生臺在九峯秋酒酣莫話當年事門外滄

江起暮愁前半首公謙五句董齋六句雲間結入感數○溪山見避亂舊遊見虎丘夜集圖南皮見癸巳禊飲世說魏

武嘗過曹娥碑碑背見題作黃絹幼婦外孫壘白入字楊修曰黃絹色絲也於字為絕幼婦少女也於字為妙杜詩遠愧梁江總

還家尚黑頭董相見九峯草堂歌漢書董仲舒傳下帷講誦蓋三年不窺園三徑見遺悶陸生見贈陸生九峯見九峯草堂歌

按此指陸機讀書臺也酒酣見贈田宗周滄江見讀西臺記祖詠詩悽然多暮愁

按宋荔裳蒼水詩序江南浦賦之獄紳士同日除名者萬餘人蒼水與其禍故此首結句其二之第四句皆微及之

其二

霜落南樓笑語清無端街鼓逼嚴城三江風月尊前醉一郡荆榛笛

裏聲花滿應徐陪上讌歌殘嵇阮隔平生歸來枕底天涯夢嗒嗒荒

雞已五更此首於公謙中兼懷舊之意接前首結句說下應徐承三句嵇阮承四句○李詩霜落荆門煙樹空南樓見送志

衍入蜀唐書百官志左右街使掌分察六街徼巡五更三點鼓自內發諸街鼓承振坊市門皆啓嚴城見石公山三江見送張石

平風月見題半圍〔韋應物詩〕一郡荆榛寒雨中〔杜詩〕三年
笛裏關山月〔三國志王粲傳〕北海徐幹字偉長汝南應瑒字德
璉歌殘見臺城嵇阮隔平生見苑先齋中注荒
雞嗥嗥見九峯草堂歌〔杜詩〕遮莫鄰雞下五更

贈松江別駕日照安肇開

〔晉書職官志〕州置刺史別駕治中從事諸曹從事等員一〔統志〕日照

縣在沂州府東二百四十里

秋盡西風鬢影蒼伏生經術蓋公堂雞聲日出秦祠遠鶴唳江空禹

蹟荒二水溜繩杯酒合三山樓觀畫圖裝歸來好啗安期棗不夜城

頭是故鄉

中四句松江日照對說起結多從日照生情○〔李長吉詩〕春風吹鬢影伏生見壽王鑑明〔漢書翟方進傳〕

當以經術進蓋公見讀史雜詩

禪書一入神七日曰日主祠成山鶴唳見茸城行禹蹟見讀西臺記

〔張如哉曰〕呂氏春秋曰公曰若以水投水奚若孔子曰溜繩之合者易牙嘗而知之〔統志〕溜水源自青州府博山縣顏神鎮東

南二十五里岳陽山東麓經壽光縣東北界合清水泊入海灑水即

系水分流也西北至博興縣東南入時水水系水在臨淄縣西〔按〕杯

酒合用有酒如繩詳贈園文三山見海戶曲一後漢書梁冀傳繕

修樓觀數年乃成〔張如哉曰〕二水三山借用李詩〔史記封禪書〕少君言於上曰臣嘗游海上見安期生食

滇池鏡吹

〔漢書地理志〕益州郡縣滇池一〔統志〕滇池故城在雲南府晉寧州東滇池在雲南府城南一古今樂

錄一漢鼓吹鏡歌十八曲一樂府詩集一唐鼓吹鏡歌十二曲柳宗元作〔宋史樂志〕姜夔作聖宋鏡歌曲凡十四篇一古

今注一短簫鏡歌軍樂也黃帝使岐伯所作所以建武揚德風勸戰士也

碧雞臺榭亂雲中舊是梁王避暑宮銅柱雨來千嶂洗鐵橋風定百

蠻通朱鳶縣小輪寶布白象營高掛柘弓誰唱太平滇海曲檳榔花

發去年紅此雲南初定時作中四鋪敘起結相應俱以偉麗為工○碧雞見洗象圖一書惟宮室臺榭黃魯直詩何如零落

亂雲中明史梁王傳梁王把匝瓦爾密元世祖第五子雲南王忽哥赤之裔也封梁王仍鎮雲南順帝北去大都不守中國無元尺

寸地而王守雲南自若執臣節如故雲南通志梁王宮在雲南府城中元把匝刺瓦爾密建明初為岷王府今廢王僧孺詩回輿避暑宮銅柱見送顧菴來徐文長詩惟牛千嶂外騎象百蠻中

張如哉曰第三句用武王雨洗兵事一統志鐵橋城在麗江府舊巨津州北一百三十里鐵橋南斗蕃嘗置節度於此百蠻見送

杜殺武漢書地理志交趾郡朱戴縣一統志交趾日南九真即今安南國地載作鳶後漢書南蠻傳秦始皇置黔中郡漢興改為

武陵歲令大人輸布一疋小口一丈是為寶布說文蠻夷寶布即今之象布也白象營見洗象圖注杜詩天山早掛弓考工記

弓人取幹之道柘為上李才江詩猶唱開元太平曲楊升菴有滇海曲一統志元江府十產檳榔一名仁頻樹高數丈旁

無枝附正月作房四月開花房百餘實杜詩花發去年叢

按一統志順治十五年宗室鑲藍旗都統羅托以寧南靖寇大將軍督師取黔既而王師進滇遂定西南而康熙七年甘文焜

為雲貴總督時吳三桂逆節已萌此詩所詠其在十五年以後七

年以前歟誰唱太平滇海曲檳榔花發去年紅蓋為滇人危之也第二句用梁王字非以梁王許吳逆蓋以見滇池錫封不可不慎爾入旗通志康熙十二年雲南逆藩吳三桂叛

其二

苜蘭城闕鬱岩嶢貝葉金書使者朝海內徵輸歸六詔天邊勳伐定

三苗魚龍異樂軍中舞風月蠻姬馬上簫莫向昆明話疏鑿道人知

已劫灰消第三句見取雲貴之難第四句見定雲貴之盛末二句直欲喚醒吳逆諸人更與風雲月露之辭不同○一華陽國

志一楚頃襄王時遣莊躡伐夜郎軍至且蘭椽船於岸而步戰既滅夜郎以且蘭有椽船祥柯處乃改其名爲祥柯一統志貴州平越

府秦爲且蘭地漢爲牂牁郡治一按苜字應作且且音苜一雲南通志一苜蘭城一名穀昌在昆明城北十餘里楚莊躡築一宋延清詩

鷲嶺鬱岩嶢貝葉見贈蒼雪金書見送張玉甲貝多羅注記平準書一置平準於京師都受天下委輸一滇載記語謂詔爲王

其一曰蒙舍詔今蒙化府其二曰浪施詔今浪穹縣其三曰鄧賧詔今鄧州其四曰施浪詔今浪穹縣蒙文和之地其五曰摩娑詔今

麗江府其六曰蒙雋詔今建昌一韓詩竹帛爛勳伐一漢書西域傳贊一作曼衍魚龍角觝之戲以觀視之一史記項羽紀項莊曰

軍中無以爲樂請以劍舞風月見題半圍昆明見贈蒼雪一郭景純江賦一巴東之峽夏后疏鑿一曹昆志怪漢武鑿昆明池極

深悉見友墨無復土至明帝時外國道人入洛問之胡人曰經云天地大劫將盡則劫燒此劫燒之餘

其三

靄翠奢香祠總荒蘆笙吹徹瘴雲黃縱擒有策新疆定叛服何常舊

史亡常集鬼國三年勞薄伐王師五月下殊方瀾滄肯爲他人渡

不許窺人有夜郎〔按〕一統志順治十五年夏四月王師定黔而定滇又在定黔之後故有五月殊方之語叛服

何常似亦為吳逆而發○一統志奢香驛在貴州大定府黔西州境乍合關南奢香水西香宣慰靈翠妻翠死香代立總其衆時都督

馬葉守貴州欲盡滅諸羅以為郡縣會香有罪裸撻之欲以激諸羅諸羅果怒思反香止之遂與子婦奢助來朝自陳守土功及馬葉罪

狀願刊山開驛以供往來於是遂殺馬葉封香為順德夫人厚賚遣還〔唐書禮樂志〕高麗伎有葫蘆笙〔元〕鈔錄宋乾德中祥州入

貢召見令作本國歌舞一人吹瓢笙名曰水曲即今蘆笙也〔李〕後主詞一小時吹徹玉笙寒〔杜〕詩瘴雲終不滅〔江〕詩黃雲蔽千里

更戰七縱七擒而亮猶遣獲獲止不去曰南人不復反矣〔儲〕光義詩一辛苦讀舊史〔易〕高宗伐鬼方三年克之〔一統志〕貴州

商周為鬼方地〔詩〕薄伐玁狁〔出師表〕五月渡瀘殊方見讚佛詩〔唐書張柬之傳〕漢歷博南山涉蘭滄水更置博南哀牢二縣

蜀人愁苦作歌曰歷博南越蘭津度蘭倉為他人〔一統志〕瀾滄江源出西番鹿石山東南流入麗江府至鎮沅府東

南流出徼外交阯界入南海夜郎見訪文學博

其四

盤江西遶七星關可渡河邊萬仞山隴上舊傳收白帝南中今喜定

烏蠻龍坑壯馬看馳驟雞足高僧任往還辛苦武侯停節處殘碑零

落草班班第三句以收川伴說第四句點入滇池五句指貴州六句指雲南結句懷古兼美督師諸公○一統志盤江在貴

州大定府威寧州西一百五十里出蘭山中流經州南謂之可渡河又東南為七星關河折而南入雲南霑益州界七星關在大定府畢

節縣西九十里七星山上關當雲貴川三省之交為喉吭之要王之渙詩一片孤城萬仞山王詩隴上行人夜吹笛白帝見送

志衍漢晉春秋諸葛亮在南中所在戰捷至滇池南中平皆即其渠帥而用之杜詩絕塞烏蠻北一統志養龍坑在貴州長

官司兩山之中滋渟淵深蛟龍實藏其下當春始和夷人立坑畔擇牝馬之貞者繫之已而雲霧晦冥類有物蜿蜒跨馬腹上迨開霽視

馬旁之沙有龍跡者產必為龍駒莊子馳之驟之整之齊之一統志一雞足山在大理府東北百里賓州鄧州二州之界一頂而三

足故名雞足山頂有迦葉石門洞天謂此山乃佛大弟子斂光迦葉守佛衣以候彌勒處往還見雪中遇獵一統志武侯祭星壇在

威寧州東南七星關上七星營在畢節縣西九十里通志諸葛武侯於此禡牙址尚存按停節即駐節駐節見投贈馬督府殘碑

見讚佛詩戴幼公詩滿崖霜樹曉班班一統志武侯碑在大定府畢節縣北一百二十里通志相傳武侯征南時所立歲久磨滅

不可讀

按雲南通志順治十五年命安遠靖寇大將軍信郡王鐸尼征南將軍固山趙布太由廣西平西王吳三桂定西侯墨勒根都統李

國翰由四川三路取滇十六年二月由榔入緬甸六月命洪承疇至滇南議進緬機宜十八年五月定西將軍愛星阿至滇大兵凱

旋此詩蓋十八年凱旋時梅村在江南擬作而第一首結句若預知吳逆有康熙十二年十二月之變者太白能知汾陽之忠梅村

能料吳逆之叛孰謂詩人無益於國是哉

儒將儒將見九峯歌

河朔功名指顧收身兼使相領諸侯按兵白道調神鶻挾妓青山駕

快牛論敵肯輸楊大眼知書不減范長頭宅年信史推儒將馬稍清

談第一流此首亦贈人之作但未顯其姓氏耳儒字將字分合入妙

〔晉書溫嶠傳〕劉琨曰吾欲立功河朔指顧見送耿中

丞〔宋史曹彬傳〕上謂曰本授卿使相然劉繼元未下姑少待之

賜彬錢一二十萬未幾拜樞密使〔宋書武帝紀〕我按兵堅陣勿與

交鋒〔遼史地理志〕西京大同府統州二宏州有桑乾河白道泉德

州有白道坂一統志白道在歸化城北〔元詩〕養禽當養鶻〔按〕

挾妓用謝安事〔李詩〕謝公自有東山妓〔世說〕王愷有牛名八百

里駁〔又〕石崇牛數十步後迅若飛禽〔北史楊大眼傳〕武都氏

難當之孫當世推其驍果以為關張弗之過也〔梁書張齊傳〕手

不知書〔南史范岫傳〕范雲謂人曰諸君進止威儀當問范長頭以

岫多識前代舊事也〔信史見過姜如農

馬稍清談見哭志衍第一流見贈劉虛受

俠少俠少見

王郎曲

寶刀千直氣凌雲俠少新參龍武軍柳市博徒珠勒馬柏堂箏妓石

華裙招權夜結金安上挾策朝干王長君堪笑年年祕書客白頭空

守太玄文描寫俠少結用對照更佳○寶刀見行路難千直見閩園

序注〔漢書司馬相如傳〕飄飄有凌雲之氣 龍武見即

事第六首〔漢書萬章傳〕長安熾盛街閭各有豪俠章在城西柳

市〔史記信陵君傳〕公子聞趙有處士毛公藏於博徒珠勒見謁張

石平〔洛陽伽藍記〕河間王琛最為豪首常與高陽爭衡造文柏

堂置玉井金鐘以五色絲續為繩妓女三百人盡皆國色箏妓見茸

石花者矣〔漢書季布傳〕辨士曹丘生數招權顧金錢〔注〕招求貴人威權因以請託〔又金日磾傳〕倫子安上始貴顯封侯安上字

子侯〔莊子〕則挾策讀書〔漢書鄒陽傳〕梁孝王令人刺殺爰盎上疑梁殺之孝王恐誅令陽求方略解罪于上者陽素知齊人王先

生多奇計王先生曰子行必往見王長君士無過此者矣鄒陽至長

安因客見王長君長君者王美人兄也後封為蓋侯鄒陽乘間請曰

長君誠能精為上言之得毋竟梁事長君必固自結于太后太后厚

德長君入于骨髓而長君之弟幸于兩宮金城之固也長君曰諾乘

間入而言之事果得不洽〔陶秀實詩〕堪笑翰林陶學士年

年依樣畫葫蘆〔唐書李邕傳〕願一見祕書 太玄見行路難

山居即事示王惟夏郁計登諸子惟夏計登并已見

灌木清漳五畝居山菘簷果釣竿魚金龜典後頻賒酒塵尾燒來為

著書對客好穿高齒屐出門常駕短轆車陸倕張率呼同載三月江

南正袂除名士風流與梅村一首相仿結句點出王郁諸子○〔詩〕

山中何所食曰春初早韭秋末晚菘〔白詩〕秋雨簷果落釣竿見磬

清湖〔太白對酒憶賀監詩序〕太子賓客賀監於長安紫極宮一

見呼余為謫仙人因解金龜換酒為樂

塵尾見贈馮訥生著書見

短轆見贈遼左故人

〔南

行路難 高齒屐見六真歌方禔注

陸倕傳 一字左公與樂安任助友及助為中丞簪裾輻輳預其燕

者號曰龍門之遊〔又張率傳〕字士蘭與同郡陸倕陸厥幼相友狎

嘗同載詣左衛將軍沈約遇任助在焉約謂助曰此二子後進才秀

皆南金也卿可識之由此與助友

〔周禮春官〕女巫掌歲時袂除

豐浴〔注〕歲時袂除如今

三月上巳如水上之類

九峯詩見九峯草堂歌

鳳凰山松江府志鳳凰山在郡城之北圖經云以其據九峯之首延頸舒翼宛若鳳翥故名

碧樹丹山千仞岡夫差親獵雉煤場五茸風動琅玕實三泖雲流沆

瀼漿鳥聽和鳴巢翡翠花舒錦翼照文章西施醉唱秦樓曲天半吹

簫引鳳凰從鳳凰字點染山字是取別徑法○西都賦珊瑚碧樹周阿而生丹山見雞山賈生用屈原文鳳凰翔于千仞

兮左太冲詩振衣千仞岡第二句見茸城行五茸見茸城行一嵇叔夜詩朝食琅玕實夕飲玉池津一統志泖湖在松江府

金山縣西北婁縣西青浦縣西南一名三茆晉陸機云三茆之水冬温夏涼是也一按雲流出潘安仁螢火賦曹詩帶我瓊瑤珮激我

沆瀣漿左傳莊二十二年鳳凰于飛和鳴鏘鏘杜詩江上小堂巢翡翠李正己詩山雞錦翼豈鳳凰李巨山詩有鳥居丹

穴其名曰鳳凰九苞應靈瑞五色成文章李詩西施醉舞嬌無力李詞秦娥夢斷秦樓月第八句見青門曲題注一梁簡文帝

詩一穿雲天半晴

庫公山一統志庫公山在松江府福泉縣南與陸寶山隔溪相對昔有庫公隱此故名池北偶談松江有庫

公山庫音舍一字書注姓也一九峯草堂歌序一有庫將軍兵書鐵鎖

庫公石礮掩莓苔千載陰符戰骨哀鐵鎖任從田父識玉書休爲道人開三分舊數江東望二俊終非馬上才恨殺圮橋多授受鬪宅劉

吳詩集覽卷十五上九中華書局聚

項至今來此首俱從兵書鐵鎖生情前四句實敘後四句以議論行之點染生動○唐書禮樂志石臧以方石再累皆方五

尺厚一尺刻方其中以容玉匱莓苔見遇劉雪舫陰符見送杜穀武戰骨見蟋蟀盆歌 杜詩鐵鎖高垂不可攀田父見牛一黃庭內景經思咏玉書入上清宋嘗詩玉書無事莫頻開道人見

西田詩杜詩功蓋三分國後出師表孫策坐大遂并江東晉書陸機傳與弟雲俱入洛造張華華曰伐吳之役利獲二俊

史記陸賈傳高帝罵之曰迺公居馬上而得之安事詩書圮橋見又咏古 李詩張良未

遇韓信貧劉項存亡在兩臣

神山九峯草堂歌序明初彭素雲仙翁修真此山徵書至而蛻去丹井尚存金蛇著異故名神龜峯焉

紫蓋青童白鹿巾細林仙館鶴書頻洗來丹井千年藥蛻去靈蛇五色鱗洞起春雲招勝侶潭空秋月證前身赤松早見留侯志何況商

顏避世人此首前半皆咏彭仙翁事後半就彭仙翁作咏歎也○陸士龍泰伯碑一吳啓金車晉遷紫蓋李詩倚樹照青

童張如哉曰童應作幢韓詩青幢紫蓋立童童南史何點傳梁武帝手詔論舊賜以鹿皮巾細林山見九峯草堂歌序梁簡文

帝神山銘序自古神仙往往托跡北山移文鳴騶入谷鶴書赴隴洗藥見閩園序丹井見閩園詩楚辭靈蛇吞象厥大何如

春雲見送黃子羽錢浦細林入詠序有石洞窈而深雲出其中為洞口春雲有溪潭澄澈如鑑人于此泛月為西潭夜月空潭見謁

剖公前身見寄懷陳直方赤松句見寄當事諸老漢書溝洫志注一師古曰商顏商山之顏譬人之顏額也

佘山見九峯草堂歌序松江府志佘山在廬山東北由神山塘折而東舊傳有佘姓者養道於此故名一按吳興

佘山見九峯草堂歌序松江府志佘山在廬山東北由神山塘折而東舊傳有佘姓者養道於此故名一按吳興

志一亦有余山上有東漢余將軍廟好事者遂指此為東余

溪堂剪燭話徵君通隱昇平半席分茶笋香來朝命酒竹梧陰滿夜

論文知交倒屣傾黃閣妻子誅茅住白雲處士盛名收不盡至今山

屬余將軍此首就仲醇與感末句點化余字○溪堂見送周子做剪燭見遇劉雪舫徵君見九峯草堂歌通隱見西余山祠

昇平見琵琶行史記張詠傳願分華山一半席可乎一統志

余山土宜茶產笋香如蘭命酒見贈杏翁竹梧見閩園詩論文見東萊行知交見送周子做三國志王粲傳蔡邕聞琴在門倒屣

迎之黃閣見純祐浙中藩幕誅茅見九峯歌序在白雲見壽王鑑

明詩盛名見鑿清湖良齋雜說麋道人隱余山與董宗伯齊名遠而士司酋長巧其詞章近而茶館酒樓懸其畫像然俯仰之間已為陳跡徵君故宅

他人是保而書床藥竈不可復問矣語云身將隱焉用文之噉名之不足恃如此

薛山松江府志薛山在余山東中限一水吳地記昔薛道約居此因名

薛公高臥始何年學士傳家有墓田枉自布衣登侍從長將雲壑讓

神仙坐來石榻蒼苔冷採得溪毛碧藕鮮最愛玉屏山下路月明橋

畔五湖船前半首薛山故事後半首薛山風景○薛公字出史記信陵君傳此借用高臥見退谷歌傳家見觀通天帖墓田

見青明曲布衣見送沈繹堂侍從見東萊行李詩雲壑借巢夷少陵遺句拂石坐來衫袖冷石榻見六真歌蒼苔見讚佛詩

吳詩集覽卷十五上十一中華書局聚

〔左傳〕隱三年澗谿沼汜之毛碧藕見無題一松江府志山下有羅池產藕甚佳 玉屏見九峯歌序 〔一統志〕祥澤橋在福泉縣

東南東北通上海嘉定西北通青浦崑山最爲要道

機山 見九峯草 草堂歌

兼葭滿目雁何依內史村邊弔陸機豪士十年貪隱遯通侯三世累

輕肥江山麗藻歸文賦京洛浮沉負釣磯白袷未還青蓋遠辨亡書

在故園非 此首尚論士衡○〔詩〕兼葭蒼蒼〔杜詩〕滿目悲生事 〔王無功詩〕徙倚欲何依 〔一統志〕婁縣有平原村亦

以機爲平原內史也 〔云百書陸機傳〕齊王冏既矜功自伐受爵不讓機惡之作豪士賦以刺焉隱遯見避亂〔張如哉曰〕晉太康元年

滅吳至太康十年機雲入洛是十年隱遯也 〔機傳〕祖遜吳丞相父抗吳大司馬〔按〕三國志遜封江陵侯子抗襲爵抗子晏嗣晏機

之兄故云通侯三世也又機亦賜爵關中侯 〔杜詩〕江山故宅空文藻〔機傳〕辭藻宏麗〔按〕士衡有文賦 〔陸士衡詩〕京洛多風

塵素衣化爲緇 〔杜詩〕兒扶立釣磯〔按〕機傳太康末與弟雲俱入洛時中國多難顧榮戴若思等咸勸機還吳機不從此京洛浮沉也

華亭鶴唳豈可復聞此負釣磯也 〔機傳〕成都王穎使收機機釋戎服著白袷 〔三國志〕孫皓傳注引于寶晉紀 庚子歲青蓋當入洛

陽 〔機傳〕以孫氏世在吳孫皓舉而棄之遂作辨亡論二篇

橫雲山 〔一統志〕橫雲山在松江府婁縣西北

橫雲插漢領諸峯雨過泉飛亂壑松赤壁豈經新戰伐丹楓須記舊

遊蹤祠荒故相江村鼓客散各園蘭若鐘莫信豢龍雲不去此山雲

只爲人龍〔原注〕山有龍母祠又陸雲故宅 此首鋪敘周匝士龍只於結句點出○〔水經注〕連山插漢秀木干雲 〔松

江府志〕小橫山在橫雲東絕頂至東北皆峯巒隱起壁立數仞色盡赭遊人呼爲小赤壁戰伐見觀通天帖 〔杜詩〕背日丹楓萬木稠 故相見王文恪墓〔松江府志〕頤浩講寺在金澤鎮萬曆五年

徐文貞階以賜袞留鎮山門乃於殿西北作樓三楹貯之莫方伯如忠題曰有袞樓江村見蓉清湖 〔九峯草堂歌序〕橫雲爲李氏園

〔劉文房詩〕猿啼客散暮江頭〔杜詩〕名園依綠水〔唐會要〕官賜額爲寺私造者爲招提蘭若若音惹 豢龍見九峯歌〔輿地紀勝〕橫雲山頂有白龍洞下通澱山湖 入龍見贈文園公〔晉書陸雲

傳一字士龍

天馬山〔原注〕一名干山見九峯草堂歌序

龍媒天馬出昆崙青海長留汗血痕此地干將騰劍氣何來逸足鏢

雲根石鯨潭影秋風動〔原注〕山有鐵笛江聲夜雨昏 〔原注〕鐵

秣可辭銜勒免空山長放主人恩敘述妙矣結又入妙令人于言外得之○龍媒見馬草行出昆崙見

次劉相國韻 〔青海見贈吳雪航〕李義山詩〕運去不逢青海馬汗血見臺駝 〔呂氏春秋〕陽曰干將陰曰莫邪〔杜蕃劍詩〕虎氣必

騰上〔一統志〕相傳干將鑄劍於此故名〔魏伯起詩〕劍氣不關吳

〔謝希逸舞馬賦〕載追電之逸足雲根見石公山 〔杜詩〕石鯨鱗甲動秋風〔慕母孝通詩〕潭影竹間動〔松江府志〕干山頂有雙石魚相傳風雨化去 鐵笛見過鐵崖墓 芻秣見廐里〔家語〕夫

吳詩集覽卷十五上 十二中華書局聚

德法者御民之具猶御馬之有銜勒也 主人恩見東皇歌

小昆山 一統志崑山在松江府婁縣西北 一松江府志俗指馬鞍為崑山而以此為小崑山

積玉昆岡絕代無讀書臺上賦吳都君臣割據空祠廟家國經營入

畫圖勢去河橋悲士馬詩成山館憶尊鱸傷心白壁投何處汗簡淒

涼陸大夫 張如哉曰第三句指辨亡論第四句就傳中負其才望 志匡世難說末二句言委身於成都王穎如夜光暗投卒

以河橋之敗為孟玖牽秀所譖見殺于穎而惜之也 陸機傳葛洪稱機文猶元圃之積玉無非夜光焉其宏麗妍瞻英銳漂逸亦一

代之絕乎昆岡出周書 松江府志二陸故居在崑山之陰相傳

二陸草堂在圓智寺為士衡讀書處左太冲有吳都賦 按此指辨

亡論也亦翻用左思傳三都賦出機數伏輟筆事 杜詩三分割

據紆籌策 又舊俗存祠廟 一統志輔國將軍廟在華亭縣治西

南祠吳陸遜陸抗二俊祠在婁縣西北崑山上祀晉陸機陸雲 河

橋見茸城行士馬見訪吳永調 山館見蟋蟀盆歌尊鱸見贈馮訥

生注 孟詩白壁無瑕玷 汗簡見圓

圓曲注 梁書任昉傳陸大夫燕喜西郊

送贛州曾庭聞孝廉移家寧夏 一統志寧都州在贛州府東

布政使司東北九百四十里 國朝詩別裁集曾曉初名

傳燈字楚田後更名曉字庭聞江西寧都人順治丁酉舉人

十年走馬向天涯回首關河數暮鴉大庾嶺頭初罷戰賀蘭山下不

思家詩成磧裏因聞雁書到江南定落花夜半酒樓羌笛起軟裘衝

雪踏鳴沙中四句贛州寧夏分寫起結暗寫送字○高逵夫詩門

獵積裏詳出塞○杜彥之詩兼葭月冷時聞雁賀蘭山見雪中遇

何須怨楊柳軟裘見雪中○馮道詩又逢君王之渙詩羌笛

贈何匡山嘉定縣志何平字匡山牛世自宋時居婁塘明中

葉徙居京師工詩崇禎庚辰進士任高密知縣入

早年納節臥滄浪回首風塵鬢髮蒼陶令軍營姑孰口原注大兵

軍謝公游墅石門莊原注後僑寓溧陽太白山田種罷輸常稅集

嘗海國歸來認故鄉原注何本二月村居春雨足官梅花發為何

郎銘鑄入妙丹頭在手瓦礫皆金也○納節見清風使節圖滄浪見

歎見鍾山晉書陶侃傳遣將軍宋夏陳修據溢口侃以大軍繼進

令也張如哉曰陶令指淵明淵明再為鎮軍建威參軍乃劉裕幕

府也裕討桓元在義熙元年前時桓元篡逆後還鎮姑孰故云按一

一統志溧陽縣在鎮江府西南二百四十里而江寧溧水縣漢溧縣

石門澗六處石門澗水上入兩山口兩邊石壁右邊石巖下臨澗水

者即石門精舍後漢書淳于恭傳家有山田果樹常稅見贈馬

督府〔按〕太倉州境俱東濱海故曰海國〔一統志〕嚙城在太倉

州嘉定縣南門外唐有嚙城鄉村居見百草堂觀劇〔韋端己詞〕

春雨足染就一溪新綠〔杜詩〕東閣官梅

動詩興還如何遜在揚州何郎見送何省齋

張敦復相國和韻蚤年逸興在滄浪水國移家髮半蒼但有一經

揚子宅曾無千樹木奴莊清琴濁酒鶯花日雨笠烟蓑蟹稻鄉棠

蔭漸高身漸隱已將心事託漁郎

題海虞孫子長七十壽圖〔吳地記〕常熟縣北二里有海虞山

屢膺薦〔江南通志〕孫永祚字子長常熟人

碎不就

春秋註就授生徒虞仲祠前一老夫烏几看雲吟箇閣箇應作箇布帆衝

雨醉菱湖空山撫操彈三峽故國興懷賦兩都同輩半非身健在為

誰寫入煉丹圖〔原注〕虞有徐神翁煉丹處起結點壽字意中四

虞仲祠在常熟縣虞山東北嶺上老夫見送何省齋〔杜詩〕拂拭

烏皮几看雲見虎丘圖〔謝元暉詩〕隨山望菌閣布帆見虎丘即

事衝雨見殘畫〔一統志〕龐山湖在吳江縣東三里下流為菱湖

〔宋書隱逸傳〕宗少文好山水凡所游履皆圖之於室謂人曰撫琴

動操欲令衆山皆響三峽見哭志行〔蘭亭序〕猶不能不以之興

懷班孟堅有兩都賦〔隋書沈光傳〕同輩莫與為比〔黃魯直詞〕

身健在且加餐〔蘇州府志〕申元道泰陵人師事徐神翁得修煉

之道後來虞山築室為招真治〔又〕丹井在常熟治致道觀後相傳

井有藏丹致道觀在常熟縣西門內虞山南嶺下即招真觀〔江南

通志〕徐神翁名守信泰州人白日上昇有丹井遺蹟在徐州府蕭

縣

吳詩集覽卷十五上

吳詩集覽卷十五上

三
中華書局聚